


龍  
眠  
風  
雅

卷四十九之五十二



龍眠風雅卷四十九目錄

木厓潘 江蜀藻輯

黃安張希良師石 叅

同里許來惠綏人

方

畿

三百十一首

龍眠風雅卷四十九

龍眠風雅卷四十九

方

幾

字奕于一字少游號還青祖岡卿冲舍公父

明經青林公胚胎前徽早負文望初盛宜人

艱嗣息禱于九華行山谿間見桂花一枝掇而藏

之迨公年十七遊鄉棧香循未散順治己丑以明

經試大廷勳部梁公特賞識之壬辰特投河間

府推官駐節宣府宣越在邊陲繁劇難治公寓精

明于平易有大獄數年不決者一訊而服囚固多

繫囚輒捐俸資其衣食一囚將就決曰身應死然

非方公曷延至今日旬拜畢乃服刑其以德感人

如此攝河間府保安州皆有民譽秩滿遷漢中丞

董黑龍江堰堰長欲請間為壽不可得為政尚簡

靜對簿時片言立折間下獄雜治不為深文暇則

賦詩構半屋于署西偏吟咀其中家人曰得無妨

公事乎公笑而頷之曰吾豈若俗吏以簿書廢詞

翰哉遂挂冠歸隱楊溪之東園有四松因自號四

松居士晚來築龍眠之寫園角中白給步屨容與

藜杖錦囊行相隨也遇佳山水名園幽築坐對累

日不肯去家居雖食貧慷慨好義能急人之難瘞

龍眠風雅卷四十九

龍眠風雅卷四十九

龍眠風雅卷四十九

龍眠風雅卷四十九

舜振乏難更僕數早歲耽情文固即工吟咏牽絲  
入仕益苦吟不輟善行草為人書統素輒賦新詩  
當其得意疾揮小夫稚子可促迫而得也生平詩  
近萬首有四松齋集匠意鑄詞超脫凡近于唐喜  
嘉州于宋喜東坡不啻南豐瓣香其佳處亦往往  
似之每賓筵逢俗子終日不怡有知已義故則媿  
媿長談無倦色少選不相見即停雲之篇盈帙矣  
人知公之吏蹟半詩不知公之交譜半亦詩也公  
嘗過予石經齋瀏覽先賢詩撫翫品題涵泳移日  
其持論尚平恕不爲詭激取詩亦不拘一格曰善  
善長惡惡短君子長者之道也况父母之  
邦乎今錄成而公已歸道山五稔矣悲夫

### 舟經浮山風駛不得上

寒山秋色高一水繞澄練譬如浮孤舟  
帆檣隨隱見天風滋瑤草新  
救淨明絢石磴老閒雲猿呼踏僧面  
古洞苔陰積岩花幕成片前峰懶龍卧羽甲當秋扇空厓樓閣迴小石開深院山路響笙瑟足下虛廊穿楓丹梧葉

稀秋棠晚葱蒨萬籟靜孤寺黃花佛容變輕舸環山椒  
廻薄露古殿蒼翠一萬縷衣衫盡成眩遠望切心切遊  
思集芳甸帆轉誓山靈春逐初飛燕

### 東谷書屋

粵若高王父吏隱號東谷爲園坐綠雲此焉構書屋春  
風吹黃鸝窈窕鳴檐竹長松高百尺雨溜若飛瀑十年  
長干客歸與棲舊麓遠山照鬚眉一片青或或庭楹宛  
遺址仙蹤翩在目孤亭遶梨花編籬問秋築柴門三畝  
在暝色送歸牧移蕉淺著陰垂柳半池曲故園嗟來暮  
奔走何育鞠泚泚水中石飄蕭望空逐冷落荒丘樊薄  
采鮮半菽傷哉背堂人兵燹贖喬木畫圖日以淪公侯

罕不復黽勉事先疇如鳥倦還速灑掃當時廬深耕督  
我僕出門營四方曷似山之隩踈花撲向人鳥語喚來  
熟且讀書屋書高曾有遺卜  
雪後居庸道上同沈子  
雄關鬱岌幽磴宿老雪餘水歷差池飛翼望明滅我  
輩肅宵征旦發路層折寒深怯朝嶢雲冷陟霜皞微陽  
晞前渡快馬追去轍杳曲秦人源蒼茫夏禹穴放眼山  
色古馳鞭水波咽三十六岩壑秀色遠可擷迢遞出關  
初烟雨千峰列

兒子讀書槐龍軒春日自雲中還詩以示之次韓  
退之示兒詩韻

空軒過高風閉門宜讀書風塵走兩塞三歲築此廬愁  
容渙然掃清曠樂有餘濯濯槐葉綠荒園復種蔬誦讀  
世所重賓客聊相於關外無南花移柳十數株古本宿  
巢鸛草色如花敷西北多涼颼入牖每吹歔隔墻數老  
圃灌畝田中區轆轤日夕轉注水如碧虛賴爾勤吟諷  
不慙揚子居洗塵繫予馬乍聽心蕭疎東家俊少年十  
九披簪裾學道慕孔顏志匪卿大夫世情逐榮譽早已  
腰垂魚西家冶蕩子醜毒安無虞蚩蚩飽午睡焚香寄  
清娛耽樂等從凶不僮終蓬樞先民貽令範度處將焉  
如懷抱別雅俗且勿較精粗我思寧澹人瀟灑天之徒  
俗灰未沾腸何待江水祛芳蘭襲兩袂揮指冰霜俱爾

曹去頑懦力勤猛爲儒深省今無皇慎終猶厥初  
茶詩次東坡集中焦千之求惠山泉詩韻天之於  
飲泉不槩佳佳者出山腹君看塞上水汨汨匪一族中  
原有渾流况乃邊所蓄獨此西北隅清泉無斷續客坐  
空亭上秋風顛吹筑暫閒五斗折忍令孤瓶蹙不須調  
水符園丁自相續南友致洞芥淪飲茗色綠茶香浸人  
髓旗槍如片玉相伴歷殘漏孤斟小僮僕採來白露久  
烟霧捧盈掬不有澄潭姿誰者助清馥有時開北窻午  
夢初報熟擎杯樂無度曷異酒千斛

郡齋言志

訟庭重執法一行乃邊李吾家世科名吾祖官此始赫

赫臺諫聲迄今盈楚耳歸囊只數金桃源說司理筮仕  
欽乃司遂與祖相似俯躬秉淵冰洗心一聽視瑱撫傳  
督郵糾繩有直指我黨儼承化敢不清顧諟此官司刻  
印向者開馬市城門距塞口相去六十里蕭蕭邊草白  
黃雲當路是秋飈御征車霏雪乃盈軌童山莽蕩沙好  
花無片蕊荒塞半窟穴村堡小難恃胥吏如生猱頰頓  
鞭不耻饑兵雜熒民日食盡糠粃寒餓鮮存活椎埋非  
得已間有小犯科惻惻奚至此誓將恤鰥寡非敢貸姦  
宄我聞貔虎輩毒民如痲痛忍以裘馬供剝此窮肌髓  
兩州一縣令平行相汝爾權輕少彈壓何以肅風紀在  
昔全盛日雄風重邊壘精銳二十萬大將接踵趾帝京

倚左臂嚴城星斗峙令悲芻輓多人烟錯若綺我來狐  
兔號空城半荆杞刁斗廢百雉草屨易刀鞞緬懷將帥  
材誰者勤撫髀空餘上谷名九龍但流水佐郡無郡治  
國法未可弛願守介石心對茲愚赤子風高七月寒冷  
窻吹破紙從斯凜在公歷歷秋霜裏祖德勿爾忝聿修  
惟自矢龜勉慎所期世資何足齒古士曰臯陶未聞科  
日起當繼長冰昭君村次空同良嶽韻計去六千里蕭蕭草白  
絕塞古佳麗遺村在邊口紅顏萎白草過客傷楊柳漢  
宮秋夜雨低儻願速朽畫圖識春風環珮亦何有蛾眉  
掃爲誰拂拭當窻牖殊艷離鳳闕群狐望之走奪却關

支色不聞河東吼沙場應獨尊中朝未必后今昔悲歌  
人曷爲長嘆久我來西朔地勝蹟任撿取弗審明君居  
莽礫付誰守金微夢路寒寂歷空迴首籬落兩三家昔  
村今在否載聞荆門道村墟亦荒藪此處但疎烟金粉  
銷藜莠朝露等妍媸黃雲蔽申酉將赴赤城將赴赤城望前途趙川龍門雨勢作前山鬱岿前山鬱岿  
巋雨色沈不已蒼蒼幾十重一片濁霧裏空濛罩危嶺  
扳陟策進止村墟浩雲氣層阿渾江汜冥茫別岐路倉  
遽不可似古之戒塗人褰裳應自此置身風雨外乃悟  
丘壑整理何不歷千峰水深必濡軌去去慎前綏屯陰  
暗烟水

獄吏前致詞諸囚向天泣幽閉園土中我公衣賜襲寒  
炭饑與糜被溫履並給昔年一囚決望日拜於邑匪公  
延至此久矣食絕粒群聞公遷去欲送恨不及我聆獄  
吏語長歎百愧集不斐至塞刑無能釋衆繫間理一二  
枉譬百不得十忍痛視衆囚襟袂恒泪濕哀此愍愚輩  
琴琴何定定庶戮之不辜有法不忍執我去勿致思矜  
恤世所習豈無豈弟人推解重周急我馬行遲遲念囚  
意怙悞獄吏仁者心目送空佇立  
人日暮漢臺與客看杏花馮使君惇五適至  
初春梅花開淡日杏花發高臺多東風攬袂矜突兀與

客挹返照空亭雲出沒使君聞我至携筇幽興勃凭闌  
盼斜陽花氣紛入骨數株各晚秀爭芳意飄忽燈影披  
潮暈花光鑑膚髮曲逕殘梅萼落英何咄咄粗服亂頭  
時盛粧同勃窣花工解媚人推挽香不散今年春最早  
卉長苔痕滑朝起行東郊菜花浮麥麩漢上上元餘江  
南二三月

東偏書室成效長慶體  
爲官敢傷貧說貧非本志爲官敢怨閒日閒本無事築  
室墻之東略比僧牛義編竹爲屋壁茅垣防瓦墜床几  
僅容膝構此良不易遠露城外山臺樹對窓翠小橋流  
水間致動高人戲野花次第栽蔬園室傍地課兒聞讀



書臨池數行字掉臂發朗咏借詩滿行笥秋風吹短屋  
夜雨來無次移桂新著粟菊英香可企是貧亦是閒斗  
室天所畀有令如江州謂沔令李君也不使陶公喟登登聞不  
作畚鍤予重愧昔年築槐龍半屋此焉識亭軒等置郵  
經始抑何爲鴉鵲翩其隣花石且位置室成一狂笑裁  
箋待阿季

促馮使君築漢臺東亭子

漢臺堂東偏可以構茅屋使君新茲臺不見一竿竹脩  
然闢三徑榴葉五月綠芳草徧堦長幾樹寒吹肅君曰  
此焉亭勝址久以下秋飈儵然至開軒汎黃菊春色浮  
東隅城外山翠復有時清謳發促坐酒百斛晴雪照四  
角一亭殊不俗空月敞明星辟暑最宜築聞君百花洲  
有園如空谷亭高萬木秀池溜引泉瀑距家百里許草  
堂在山麓宦遊適未返林水翳曲曲知君山林心聊寓  
此間目畚鍤未可待面勢督僮僕一片風露地客至歌  
信宿籬落插南花竹光闢踈燭蕭蕭萬竿下拄杖獨往  
復篋管有遺植佇君漱青玉

遣興

浮雲日夜馳秋霜滿河梁側身西北望鴻雁翩翩關  
河渺千里游子天一方鳴蜩亦已歇寒風吹衣裳莫采  
黃金花東籬非故鄉

九日渡漢江之南村夜宿田舍

蕭然對高秋菊花紛在手此日登山宜于役履農畝蚤  
行經南園菜畦俯踈柳走馬廣陌內江光射漁笱微風  
截流渡一片青溪口秋禾拂行岸秋日似春久向暝理  
村叟到舍月出後白衣非所嗜田家復何有為農臨河  
潁山色在左右入夜領佳色蒼茫辨星斗牧馬蹂田禾  
獨此嘆蓬首傷哉及雞犬柴籬泣翁婦太息至深夜積  
勢情孰剖清晨循路歸江舟仍待否只作插茱萸出門  
問重九

贈別門人魯子官臨女

名紹連貴溪人

鴻鵠有巨志渥注無凡步子本文章士激昂服韎韞午  
秋予入闈燈下閱獻賦第一英雄姿常調曷可附賞心

進督府冠軍榜花註一時號得士賀者門盈屢功令尚  
未傳得稱弟與傳我遷漢江上忽遭彼婦妬詔書洗  
冤抑誰與白註誤雪霰並時集鬢髮兩行素家傾二頃  
田關擁八千路癡犬群吠影蜉蝣亦撼樹三年舊僚友  
逐客不使住何期顛顛身忽與吾子遇典衣為我餐賣  
劍覓我寓我身無一人牀側每夜晤雖有親人親不如  
故人故解推非所難肝胆乃宿具我黨自干霞薄俗空  
吹霧王程適趣子策馬臨女赴征鴻將分飛野鶴擬再  
聚浮渡近匡廬一葦江堪渡勉矣上霄漢壯猷慰衰暮  
四松次杜韻

我園有四松竹下五丈強為問浣花翁較此誰當長田

園幾不守遑惜松存傷歸來值幸存新沐何昂藏我兒  
爲構齋籬落議周防稜稜匪支離風雨閱青黃藉手慰  
我老解衣侑健康亂幹儘盤礴便上春雨堂標寒豎山  
骨內吹送野涼維爾異朝華素心歷冰霜夭矯乃猶龍  
望俗鱗怒張萬里橋上客草堂亦茫茫卓如我園立肅  
容焉可忘大書四松齋坐看凌霄蒼

過保安弔沈光祿青霞先生

沈公賦籌邊雙目巖下電散金募豪宕守邊可以戰粟  
活萬餘人遠市粥僧院哀師初集議慷慨爭上殿廷臣  
率媿媿歷階獨身先同心趙大洲抗聲詆凶焰復疏十  
大罪廷杖罹遠譴荒塞少邊備首鼠值儒弁飛書入轅

門觸忌目悄悄賊子以叛構會疏交上變黑雲暗黃沙  
白日慘不見我過保安市霞氣青如練耿耿化白虹亘  
天遙一線腓草朔風枯明水缺椒奠蕪沒天池書祠荒  
蝕秋扇聞公在塞垣剛毅不婉變感時寓吟諷淋漓罵  
奸串削木丞相檜手捶日穿箭當其痛哭時賊鬻欲寸  
剗奸諛旣以燼陽晞破霜霰公心日在邊風雨頻顧眄  
天陰聞鳥鳥響水洗鳴劍

公有籌邊賦  
鳴劍小言

味齋堂上歌行

坐客且莫喧聽我堂上歌昔在邊塞時巖關鬱嗟峨長  
城擊刁斗營壘臨洋河彎弓客帶刀日少來相遇擊金  
吹笙竽羗角雜明駝飛沙撲筵立黃雲帶襟多載馳入

潼關對客清漢阿黑龍

江名

遶襄斜景仰參與何

予司水利

春祭二相祠

芳園息游豫王侯宴鳴珂鼓吹列廣殿羅綺儼

青娥重廊龜茲樂曲沼京洛花夜火照離宮千馬鳴相和勝賞在目前拂袖空蹉跎

天劍望焦山

晉太武皇帝

焦山

在鎮江

焦山

在鎮江

焦山

在鎮江

雲裏焦微君飄舉不可近鶴蛻渺千年風烟隔遙磴江波一點綠如姝掠秋鬢金山睇若浮楊子光如暈太息天水間神仙亦徑庭華陽逸仙銘蒼茫何可問

早春登山遲李士雅不至

風物悽早春雪色淨山面遙林午烟寂白石溪流轉振衣出城闕選石寓清眇高岑召飛鳥河水紆足練濕哇

草新霽軟沙霧偏冑急呼斗酒客洗我春吟硯相與坐峰頭微察山容變市酒醉何家宿喏今不踐徙倚望山徑亭雲去如線

贈吳少椰

昔我居白門每登吳公堂公適渡江來高門對方塘世稱真御史代易名猶芳吾里孫黃門伉直聲相當草木同臭味以女字少椰年少擅才譽風度何清揚卜居投子山賃宅棲孟光我居適相隣燈火梅花香持箋索我書意不遺老蒼俯仰三十年百感空茫茫

立春日陳子二如過從論詩適借閱六一集因仿

其調貽陳子

陳子韶齷交聚散三十年才鋒似干莫弱冠鬚連卷我  
叔號多鬚君面乃達觀掉鞅詞塲中後先推兩髯江左  
我流寓子亦携家遷授書王孫塾花石堆牙籤笙竽隨  
帳移鐵塘池水邊空堂受花氣竹疎波漣漣我等志千  
秋詩酒足流連君更善其書落筆每不凡五馬渡江汜  
各挂歸來帆客星散東井逃俗學髡鉗小草足笑人服  
我從事衫棧閣插漢高塞口荒荒天嬾拙值磨蝎且耕  
東山田是時子正出西楚生徒聯我之無爲軍適晤王  
與錢壁上黃薇詩澹冶凌秋烟公車報經術子行北至  
燕懷袖所上書豈不如鄭虔太息長太息郊島才則兼  
子歸我入城敦此夙昔緣街頭劇論詩相訪一晤愆何

處春風來吹子過茅檐掀眉誦少陵磊磊非常詮咄嗟

浣花叟骨徃魂已牽妙義匪自今亘古何由宣當其得

意處爾我都狂顛君之受經者激昂冠進賢網羅盡先

輩龍眠有詩傳攸尚在文獻博訪收亦廉開卷得二公

竹城余廉使册與蔡川齊京兆吐內漢魏人媿杜無可謙令

微戴祠部如月白燕及劉廷評如風恬我家狂布衣文

君重蒼茫掃如椽其餘十數公灑落同山泉相對共拍

案大笑口不箝子曰上元餘埜岸尋江船予于江浦道

疋馬東風穿把臂如張陳門人遇子瞻我聽嗣宗琴瑟

亦奏阮咸我叔雅好牡丹鉛紙幾千弋獲頗自矜大雅

相周旋肌理析微旨青藍抑何嫌拓落借庶人草堂無

半屢扣門知是君舞晴雪嘽嘽別後峭寒生燈暗花復  
然昨借歐陽集朗咏欲終篇冰花映窗紙悉索風吹簾  
呵凍絕快聚秃筆聊一拈門人戲于韻姑蘇國公題  
案大早春過齊園倩兄弟觀府丞公遺筆及諸名公題  
我讀先輩詩拜服蓉川公龍眠鬱蹇峩公筆爭其雄公  
詩如少陵目且無太白同時有竹城兩家互騎驛弱冠  
魁南宮首讀中秘書後生襲餘馥纍纍垂金魚出入青  
瑣中慷慨上封事萬言達楓宸只不諧婦寺左官及郎  
署壯略惟賦詩一麾入西秦奏功花馬池于蕃仍萬言  
涕泗不可止迄今西夏人食德綿蓬子公以綿蓬子同  
疏上陳言疾苦

潼關

潼關勢雄高設險獨擅壯一丸遂可封千夫焉得上黃  
河日夜聲東來莽奔放不欲令關孤環拱若相向蒼蒼  
太華雲護關作幃帳此地古戰場漢楚胥爭王咸陽一  
星火恃此成巨防壘廢見空城運移無大將王公當扼  
要豪傑孰西嚮茅勁少中權河岳空異狀三秦只傳檄  
雄關勿輕忘千片青蓮花百里直遙望

重葺松聲閣詩為潘蜀藻母夫人賦二首

南城一佳客奉母葺高閣圖書亦以遷飛翬宛如昨條  
歎鳴勁風一片松聲落冰霜護貞栗樓頭有萬壑窻前  
綴繁花墻隅叢野籜西山朝爽來馮檐爭噴薄謾謾集

音耶風形卷四  
秋氣絳紗覆簾幕宣文註書成海內推著作  
著作傳詰嗣高齋名石經雞林走嘉譽馬帳流芳馨文  
字足承懽學詩爲趨庭彤管發異香壺壺欽儀刑墨妙  
騰四座誦音達前櫺安仁徒板輿秋典何足聽松聲自  
天來揚光如列星黛色二千尺今古常青青

致許子綏人

夙昔在羈旅橐筆許與陳射蛟采閒花方舟出江津醉  
翁亭上坐老梅鬱輪困頽仰華髮鬢歛忽二十春陳子  
策我馬巖關歷嶙峋復食漢上魚懷古賦西秦墓門今  
宿草故妻復不辰良友嘉會難驚颺逝飛塵爾我不少  
年吟歎同寒鶉訪予昨過齋疎竹風到頻架上千卷書

生徒立鱗鱗小星正當戶抱女知笑顰徐家好男兒天  
予卜石麟吾子負正氣有才絕等倫卓立表萬夫後凋  
足宗因老我嶽夢園四年狎松筠比來入喧市欬唾不  
得伸自非金石交拂衣且逡巡相期各揮翰倡和夕與  
晨君其勤五字風雅爲比隣不見冷水郊遺墨飄殘鱗

亾友陳子垣  
居冷水澗

致潘子蜀藻

李白在山東詩酒召六逸我黨復竹溪吟聲繞茅室鄧  
子東之豪邁人微細親紙筆同心呼潘尼六子勿闕一  
秋水白門路適與鄧子出丹楓點檣帆白鳥掠江驛野  
艇菰蔣間平生最蕭瑟計歸訪石經逸侶偕抱膝雪色

咏山岍浩歎春花苗携壺倚烟水竹下風栗栗衰吟半  
鬚白子髮黑在櫛相彼維下英末座有君實努力激騷  
雅徂徠遊可必  
逢杜子于皇卽別  
杜子有奇癖雙眸照秋水皇天困斯人歲歲客樗里廿  
年不相見一見各狂喜今年渡江來子仍吟客几吾家  
七十翁祝釐詞滿紙最愛詩扁歌不與群客比憶昔過  
黃州大蘇呼不起江山產俊人復隔長干汜浪遊未云  
佳懊惱不見子滄桑予幾更華髮徑到耳君顏亦老蒼  
咄咄昏嫁裏浮踪若霜蓬浩蕩不可止相逢是別筵離  
緒浩難理欲訪城南隅瘦馬今亦市  
杜子贈予詩有感  
君騎瘦馬特地到

城南之句留別夫何言因風託江鯉

送素伯姪出遊爲尊甫無可師覓講堂資

吾賢奮清筆拾級大師後彪炳推虎文介特儼龍首茂  
先書滿家輔嗣易在口二十名已立五千言不朽昨年  
出居庸塞馬御風走快舒曠閣  
兵使弟寄庵所樹閣眼取醉槐龍

余昔亭其間

酒碑陰讀鐫詩風雅仍及某篤此如蘭心骨月

有良友今年發江驛孝思極深厚爲訪車上客代闢山  
中牖三十六巖前萬竹繞梧柳把茅結團瓢扣擊聞善  
誘梅檀侍几杖薺蔔較蝌蚪固知忠孝人子弟志不苟  
我思廣長舌高峰洗瑕垢白椎呼凡夫導引被衰叟茲  
行歷晴川鸚鵡相待久布衣過南陽躬耕兩非偶秋深



予有適楚帆擬在手歸來看仲容九帶掃孤帚  
顛厓書至不成報章答之以詩聊寫心曲云爾  
北山有執友書來絕相憶自云夏日長放脚城庵側  
竹翠欲流松陰莽如織比同黃州生坐臥或語默又云  
哀無次一月幾匍匐熱腸撫友枯急淚向兄拭因思夢  
泡身離合總難卽生趣將日促年命得無逼大聲呼慙  
翁歸來共家食團瓢子可任山阿余欲陟相與嘯雲根  
土室毋獨匿揮手謝君意欲來何可得自我不見君三  
月長荆棘春雨多繁憂出口仍蹇蹇逃虛入村落看人  
播新穡田田春鳥鳴竹筍高至極堤水泊疎卉好月帶  
松色愁心看漸祛石隱聊自力豈不念離索任運不我

盡荷君長相思慧刀解徽纏楚水秋正清湘花晚堪息  
襍被大江舟同心載明德君其坐石峰余且逐釣弋會  
合日非遙停雲蕩胸臆

園陰

移書就綠光習習好風舉竹葉如浮波亭陂卽洲渚我  
坐秋濤中日聆鳧雁語愍彼行人汗背是何許園陰  
送長吟黃鳥歌白紵古史盪天懷一切眇鼯鼠何處生  
微涼烈日正當暑開門綠更殊風吹秀禾黍

豫讓祠

突兀豫公祠門前水橫橋毅魄直上天沉雲曷可招一  
身不足惜斫衣三呼跳至今橋下水彷彿公飄飄老死

兒女手世眼如鷓鴣婦人不識公所以高雲霄我來拜  
祠前漆炭成瓊瑤丈夫貴志節名山仰焦堯太行大河  
間萬古風蕭蕭

詠荆軻

國士出奇兵蕭蕭北風起如何白衣冠淒其渡易水太  
子枉送卿卿去死不喜有客來遲遲何妨緩行李母在  
未許人許人非但死擊劍昧其術巧刺胡率爾兵衛陳  
殿陛帶劍群目視豈有徑上堂殺王白日理藥囊是何  
物投筑寧致彼丈夫可無慚却悞燕太子死易托孤難  
臨難有深旨俠血向空灑徒顛聶政姊惜乎樊將軍擲  
頭亦可已殺身事無成遺恨圖與七功成何人哉談笑

聊城矢

秋熱坐石經齋同李石逋鄧顛厓李芥須許伊蒿

潘子乃人杰詩壇樹旗仗吾儕有數子禿穎挾相向思  
以行中原或者免譙讓偶發龍眠詩披襟助諧暢譬如  
道子畫一一竅殊相是日秋正熱毒暑不可狀冰盤膾  
縷絲瓜果頻出盃頓忘暑勢鬱自覺秋相望紛綸傳變  
異蠲恤疏莫上稅糧廣昔額兵馬動夔閬新政廟殿間  
旦夕易所嚮綜核勞有司血肉暑仍創吾儕但苦吟何  
補世悲愴落落寡和者擊鉢神弗王從君消永日風雅  
資直諒天高氣朗清申旦復酬唱

聞諸弟輯叔父遺詩技淚有作

吾家老讀書詩帙署杜癖丹黃少陵卷點定十七易晚  
節勤撰著每歲一成冊草閣大江深客居邗水白疎花  
在瓶際嬌鳥立檐隙異香發高咏筆墨朝自夕亘古說  
詩壇舍杜了無擇仙翁騎鶴往風雅留陳跡未陽失拾  
遺四海同惋惜過庭俱詞人伯仲同畫戟金門大隱時  
應制每接席聯翩孝廉船廢咏聲籍籍麻衣悼詩亾痛  
哭泰山圻傳聞輯遺稿隻字幾金石我昔侍東山談詩  
致折屐篇翰多是正把筆賞或斥近詩含涕吟已就乃  
復擲典型去不作貌焉似喑啞題示猶在目恂怍莫請  
益臨風盼棗梨浣花今再開

書李子芥須畫上七十韻

前朝李御史通籍富文翰筮仕宰應山人闖出巡按再  
傳武陵公垂紳有材幹女孫生尚書詎止三英婺誕育  
大布衣才名萬人冠芥須與士雅字號聽人喚少小負  
异才聲名空里閉高視而濶步見者每畏憚揮手挂江  
帆六朝恣遊玩朱雀晚楓青笛步朝烟漫融帳傍雨花  
書閣談浩瀚落筆成論記說理如象豕南皮諸勝流吐  
舌不敢翫投稿至尚書擊節動嗟歎吾叔捧粵檄登樓  
召王粲師保兼骨肉兵革正零亂苜蓿投一官三鱣躍  
几案無何當鼎沸倏楚倏復漢戈船莽如雨行李遇兵  
叛隻手衛全家踉蹌急登岸兵間呼阿叔齧齧勿奔竄  
舟旋大帥府指麾妙英斷歸舟泊江滸痛哭烟雲散中

閨賦悼亡弱息莽離判歸來了然病壯遊反漫漶浮沉

二十年西席復高館司空咏緇衣太湖觀察臬里歌復旦六州

太史燕臺重詩酒緇山司徒吳門頌銘讚生菴民部泳游西子船蕩

漾南州瀾鷓鴣九峰舌鸞鵬盛唐腕青山枕烏石出處

恒得半曉為竹溪吟夕就茅檐爨鷄聲新咏開牛皂陳

編攤亥徑亦騎驢長林偶聞鶴雨歇東方晴天高北颺

悍日就吾子詩每給同人看秀姿則張祐清言若衛瓘

餐梨極爽喉食蔗不分段賞心徧吾儕數子尤嗜鍛安

仁木厓許若豪仲華顛厓欣客曼伊余癖耽佳得句必

深贊君亦好余書大卷束輝煥科頭風透袂跋履泥沒

胷沿溪並訪山惜花同倚榦君才多不羈君口顛諧嘖

世人群欲殺往往播謠調但期永金石曷顧滋冰炭天

池常踈踈次榷亦侃侃聞豈櫻爾寧慙或發彼汗天時

報災異草莽屢憤惋欲作詩史傳非關堯典攬客感須

各和我法勿多換家乘本蟬聯國事合魚貫蒼茫托比

典諷諭堪沐盥同人勸買妾招招賦水泮李子矐不答

亦不多違扞亟構屋三楹竹影覆帷幔好友如衛八撥

灰學懶瓚我愛李子人磊落無涯畔不若世上兒舉足

動糾絆我愛李子詩脫手似丸彈不若世上兒剪花說

璀璨君貽一畫幘予久不諦觀述往憂意深題贈才筆

輒經時書報遲得毋議欺謾今朝晴忽雨秋成天不早

遂草贈子篇感慨益淒斷騷騷閱翻覆歷歷思患難硜

音韻通雅卷四  
徑只此翁汎汎復誰算幅端寫大略王臣恕荒誕

送木厓携子仁樹遊成均三首

賡歌栢梁後千載無其人帝夢發明堂虎拜開芳辰爰  
命六館士弓招在隱淪黃金舊高臺指顧增嶙峋潘子  
攬衣出不敢後明綸水草躍神魚咄嗟豈凡鱗君看雙  
闕下紫氣何輪囷蛟臺有二龍吟上青雲津  
皇哉鐘鼓聲嗒嗒起辟雍孔壁有絲筦四海皆來從伊  
人抱竒略名高吳下蒙月旦推汝南文采照江東起奉  
旁求詔上書明光宮青藜必早然白虎今再逢吾黨一  
僑肸泮渙橋門中魯侯芹藻香色笑當不同談經在帝  
側可進五十重鴻漸報魚竿竹溪方秋風

燕市俠氣多遺烈荆與高至今督亢陂筑響猶嘈嘈携  
兒上酒樓彷彿見昔豪定有悲歌客起舞音蕭騷仰看  
游雲重下有鷄聲號所志在四方齷齪非其曹咫尺見  
天子著論同王褒不見大鵬飛竹雀界蓬蒿慷慨出門  
去相送無輕舸遙睇玉河柳贈以昆吾刀

壬子人日

晴風煦人日瓦雀微哢曉椒花尚在盤梅萼未傳篠閒  
門儵成靜剥啄聲不擾烟光若早秋嘉氣到檐梢爛熳  
春太盈淑景妙初兆孤吟愜素尚筆墨蹊欲掃山川久  
相待把臂非曠渺扳蘿陟崖深狎石越溪小雅供有竒  
雲遠志在芳草五日春始立過二色已好少陵詩愁陰

出日何杲杲

杜詩元日至人日未有不陰時

卧林竹西弟已爲我圖四松矣復欲寫手卷相貺予喜

春太盛而志之以詩更欲邀之流賞出其聲影也  
四海一子由詩句妙無比讀書三十載突兀精畫理排  
空峰插漢挂石水生齒筆如風中龍拏攫難自已貽我  
堂上圖大幅何聳峙觀者欲下拜若逢吳道子更欲寫  
長卷橫鋪十餘紙當其豪興來撞觸可千里會須入余  
村三日同起止親聽松濤翻親覩竹光泚萬壑繞孤亭  
喬柯覆蒼藟拂剪雙瞳照徹林園裏野塘接花塢浩  
淼松邊水水上添一舟殘霞綺成市傍有春雨堂蕭蕭  
數間耳亦復煩毫素茅檐略疎鄙當日賴上翁未必技

如是卽以較大蘇竹石不足擬錦里諒非遠浣花村在  
此水檻扁舟句誰者併予美謾謾聞松聲松聲落筆底  
矢歌看潑墨坐待烟雲起

書潘子木厓集後

詩塲託至交平生鄧與潘鄧子氣食牛潘子才如鸞晨  
夕數以詩古調多嶮峴北山掩芒角二子吟不歡唱和  
秋風高鶯燕空盤桓今春哀全稿繡囊傳長安長安習  
沙礫誰者陳珠盤茅檐有逋老白水多幽蘭崇蘭挹水  
涯汎汎光風寒子才眇漢晉長慶何足難雜以錦繡段  
出以青琅玕東序鐘鏞在非但卷石觀太息鄧子去不  
得同褒彈大雅當在茲搏扶振飛翰勉矣集厥成李杜

分波瀾  
東隣女兒衣羅綺  
繡袂揚風蹙華蕊  
西隣布素當幽窻  
茜鉛不御青娥雙  
比戶盟心長太息  
傾城爲爾悲顏色  
開箱片縷還共卿  
湘裙曳練生芳情  
須臾物色來反掌  
西隣簫發瓊臺上  
咳唾珠玉隨香風  
翡翠艷綠珊瑚紅  
鸞釵驪鬢鴉橫髻  
都梁百子爭幽麗  
不信故衣人掩門  
鏡寒烟杳天黃昏  
明璫典盡侍兒去  
猶是分香插簪處  
溝水自昔東西流  
東隣顛顛卿不愁

北水大風行

黃雲罩馬馬不發  
隔岸飛聲向空滑  
瞥爾沙石如濺雨

乃知怒風振毫髮  
茫茫大地一片塵  
塵過相看中有入  
向來人馬被塵裏  
頃刻不見鬚眉真  
前行幾處有茅屋  
破茅高捲飛空速  
野鷗拉住征人衣  
無路可馳空僕僕  
未午揚灰到日晡  
前蹊村落誰有無  
黃昏不定炊烟起  
竟日行行纔十里

馬嵬

一堆荒草埋枯顱  
冬風獵草狐兔呼  
塚中不聞妃子笑  
黃雲滿路青峰孤  
華清宮殿淪敗礫  
天子不守咸陽都  
紅塵飛騎渺何在  
只今冷月空啼烏  
此地曾經六龍駐  
倉皇入蜀奔無路  
御馬眠街壯士譁  
紅顏血濺黃華樹  
將軍一呼六軍起  
玉魚不寒海棠死  
不待秋風夜雨鈴

君恩咫尺輕如紙驛門何處墓門高半壁華阡半隴蒿  
夜深環珮雜仙曲疑是沉香睡未足

### 憶東園花

東園三十年前花百歲之桃如雪碧兩株對開明月下  
梨花李花爭讓白海棠一幹大若斗玉蘭千枝香沁席  
罩畝葡萄綠半區出屋牡丹高十尺黃鸝啼破春風顛  
孤亭園畔何歸然高曾書屋不敢失遺址敗瓦皆流連  
古苔難計月日久老藤應與虬龍纏合抱紫薇花似雨  
盤根槐棗枝如船蜂蟬蟻子火一炷草堂蟋蟀悲秋露  
數椽茅覆兵燹餘三徑寒烟草當路淡黃茱竹只鳴鴟  
傾危嘉樹頻飛鷺荷筒可許向秋擎花鈴未必經春護

主人飄泊八春秋邊雲漢月徒離憂故郊迢遞隔烟霧  
山川間之道阻修北山有文行復至南郭之子將焉求  
寄語園丁深愛惜東園夢老停雲留

### 代州文昌祠書僧幅

雁門太守遠留客文昌祠西星月白窻前棗柏行列疎  
老枝蟠曲丁香結苑彼野花堦下叢僧靜庭空夜孤絕  
戍樓高倚城之東鳥作人語啼更咽兀坐幾日暗爐火  
雲卿不飲劉顥宅主人燈下出新碑杰石空廊待攬擷  
策馬朝來訪九龍縹緲雁峰冷飛雪

### 寄槐龍

猶龍一老拳曲竒坐園日日無相知忽報故人再來此



風塵顛頓鶴髮絲恨不奮飛來鄉祠

予寓

咄嗟黯對零

秋枝我欲訪龍不可見龍雖願出行無期却望霜容向

冬老為予耿耿愁難支傳語致龍莫憔悴烟雲且護凌

霄姿茂草不除自爾厄年年綠穗猶春垂爾我未面何

契濶舊亭結構如見之人生好友常別離患難以來相

倚誰君還不若世情薄水電風雨同所罹向來太息左

股折亢龍有悔君一枝詎知百六為我識剝落瘦損筋

骨疲爾我一眎了無二浩歎曷補惟拄頤爾不我來我

無憾欲往從之焉可追兩地閉戶兩相憶麋解蚓結泉

初移莓苔尺許拱蒼幹鱗甲午扇西風吹恨不十日下

坐臥三年漫滅空刺遺碎點穿雲紫氣簇與君未別留

別詩昔年文長詩勒碑碑失龍吟文在茲予歸心繞槐

軒墀龍吟豈異文長時木殿何人賦世以英琳回殿之

蛟峰弟齋古藤歌哭數兩林水笑爾醉琴卓凡鼠

古藤香滿秋官園春風三月蒼煙屯秋官為弟余為舅

大被高歌接晝昏落落斜穿藤下門架上紫艷如秋盆

一團老鐵眠雲根交枝疊幹葉正繁葉上花飛風露蹇

水電橫天來吐吞傍有几石相扳援蒼然不讓松柏尊

客衣盤礴群開樽主人大笑手自捫別客獨坐香層翻

古香匪復時寒暄青苔半冷歷年痕若聞野鶴空中喧

枝枝細綴清盤猿我昔有槐在塞垣游龍天矯鬣攫奔

闢草開徑為樹樊大書榜曰槐龍軒文長徐子昔過存

霜顏剝落頭髮髡頽頽視此二龍蹲又似二老長子孫  
一者峨眉一崑崙咄咄兩物縈詩魂古色照根臨風掀  
子滕我槐曷可諼二老聞之笑不言

英雄相遇處

黃沙蕩莽蒼雲度漠漠村林起烟霧千峰盤拱太行孤  
此是英雄相遇處迷樓彗掃白瓊花幅巾濁酒吟官家  
千萬貔貅太原起帝星直射王宮斜裊裘公子真異人  
一時將帥絕等倫海上扶餘豈初志藥師禱嶽同其心  
執紼仙姚一女子橫覩英雄兩秋水笑爾抱琴卓氏兒  
文翁賦心焉得此英雄未遇何人知世外英雄恒遇之  
相逢一笑天下事酒樓劍氣光離離雌雄盡是人中龍

耳熱浩氣凌太空高山大河擁三晉開天豪傑生其中  
我來策騎并州道啼螿咽岸腓幽草紅粉青萍並紫髯  
野馬黃塵逐征鳥英雄絕代軼人群兵書漫說李將軍  
淒涼島外一大人莽男奇女飛秋雲風沙百尺屯橫汾

望天柱

我聞栲栳之西天柱峰岿岿撐拄層雲中岸然名號列  
五嶽瀟峰處處欽皖公維瀟有峰趨我桐諸山羅列忻  
然從龍眠山水擅絕秀蜿蜒詎知山所宗遙川異壑青  
到重大雲隱隱當其空我行自皖望嶽拜欲徃從之阻  
光怪金界惟聞爛霽雲凡胎何得餐沆瀣六祖道場烟  
霧深東風逐日空山陰馬行細嶺踏秋露蒼翠插漢飛

高岑入山幾日湖水傍司空一峰猶渺茫何時躡屐扶  
筇柱峰去隨訪山谷讀書處  
曹尚白書天馬賦屏風歌  
曹君書法稱奇絕交光飛  
攤紙長書筆如鐵自言書法妙于亂中鋒偏鋒不可判  
粗服亂頭渾是姿舞器蘸髮群爭看我亦棄劍來學書  
拜石一顛當不如君乃神似三十載骨力傲岸丰容疎  
虎卧龍跳形堂堂臂後掣筆筆不僵揮毫欲穿鳳味硯  
用腕弗讓梨花鎗與酣繞几發狂嘯座中衆客呼奇妙  
擘窠大字懸烟霄畫屏八幅追風驟携之茅屋清江上  
舊京老客歌流宕春蚓秋蛇自在逢漏痕釵脚公然向

滿堂天馬非凡胎是何所從而遽來君如太僕圉人至  
贈我喬雲紫燄之奇才奔騰不顧有四壁蹄踏鬣豎驚  
風雷又如滿斛明珠顆木難火齊徒瑣瑣草堂竟號海  
嶽菴詎數雲麾與爭坐驅馳雨雪尚風塵鷄聲野店光  
照人曰曹曰米君孰真鞍僿鬱勃青麒麟字中曹伯誰  
與倫

岫嶽碑

岫嶽山前神禹碑風雨滅沒雲雷披千年神物鬼所護  
瑛剝窈黑苔蘚奇蝌蚪屬最絕恒觀秦漢鐘鼎備指麾  
我所思今逼夢寐龍安友人遙寄遺空齋夜半吐光怪  
蛇虺撞突不可支滿地蛟龍走尺幅猗猗鱗爪紙陸離

隔墻好古爭取視艷姿古色如古葵便郵蜀山急索此  
弗忍奪好惟神馳摩挲月下及雪天梅花歷亂風參差  
退食何物堪對語一日未見不解願波濤沸天弘喪亂  
惟我與爾同傾歎倒筍揜匣竟逸去偷兒豈解螭虎姿  
上古筆畫自虞夏石鼓與較已後時秋行出峽走碑洞  
安得携此相追隨龍安郵傳欲致書山僻道阻官或移  
更恐蛟龍蛇虺自飛遁嶄嶄鳥道千里萬里如見之神  
物恟怛何日歸風塵莽蕩雲烟遲

長干遇趙默菴

濡須才人誰第一默菴趙子稱無敵新愁寄我一卷詩  
草堂吟咏破蕭瑟昨年重九遊此州楓林落落菊枝秋

君早出門失交臂嘯歌無賴空江愁今年相遇長安陌  
河亭剥果茶烟白雨聲滴瀝蒯緱鳴鬚眉壘塊常爲客  
有才若此君勿嗟鉛刀何足語鑊鈺巢湖竒雲覆谿水  
芝嶼片片霏江花知君目內空金斗龍眠有客尋華首  
却如公子不忌秦老蒼先禮夷門叟冒雨別君君出城  
相期還訪城南僧木末亭邊領秋色同看殿後浮圖燈

同顛厓輩遊南郊菴

經秋積雨禾生耳兀兀空堂四圍水忽爾雲散天氣晴  
忍背秋光坐城裏北山野夫跳躑來街頭相遇顏各開  
城南不少步秋路幾日畫地心如灰相將隨興踏草菴  
園蔬小摘茶瓜酣同里數子適偕至縱談風雅何驂驪

流水河干聲歷歷此處當年釀酒並吹笛荒烟敗葦雜  
碎礫一瞬滄桑虫四壁直須日日出看山晴花健步秋

風間

號國夫人夜遊圖東坡手題墨蹟沈子得之相對

拍案起舞掃筆成詩

邊塵颯颯吹飛雨土室小牕話今古黃沙一片撲兩眸  
捉塵烹茶答鸚鵡我友忽開癡顧厨中有號國夫人夜  
遊圖此圖蘓書甚奇絕筆芒蒼黝射寒鐵吳綾賽蘭方  
四隅天矯奇鋒未磨滅雲雷杳杳驚蛇走腹內魚書如  
未剖定晴光氣勃爾來重紗隱躍揆天手開元天子麗  
人行玉花驄下流鶯聲花奴玉奴眇何在丹青片幅空

含情學士無端發長歎馬嵬豈異雷塘瑩大唐亦有韓  
擒虎麗華只在華清舞素面朝天闕玉環春光好撥漁  
陽鼓此圖傳播來千年一卷車馬何闐駢坐中八姨殊  
宛然髯僊幾筆隨風傳尤物到手亦有數真宰逗洩呼  
天訴沈子跼蹐蘇子才非子何能留絹素非子何能留  
絹素出門上馬渾烟霧

贈杜蒼略

耳中廿年杜蒼略相逢逆旅何躑躑弱冠便驚天下人

才名五十如飛塵太史風流極愛才

徐莘叟太史

懸榻只借

徐孺來三月春花開正徧峰色蒼蒼君獨羨野園千竹  
倚團瓢一片溪流繞山縣聞君看山隨聽歌歌板聲中

山水多學士曉風楊柳月三十六巖誰復過君家難兄  
我兄弟白首看來猶夢寐揚州烟月數追呼長干酒樓  
今綠蕪我昔乘素秋扁舟赤壁下馳思二杜何瀟灑少  
陵不見攘臂來樊川何處中心寫陌頭快携手聞下大  
江流直須龍眠最深處日日長嘯從君遊

雨中讀鄧子詩

夏來一月雨不絕閉戶無言似頑鐵雨中三尺急敲門  
新詩甫就向我論我是樓頭瞌睡漢雷輶雷舌披帷看  
憧憧世界顛昏零震旦揚音動悲嘆最愛君詩如古歌  
長吟短吟聞奈何輦輓不足當斧柯惟茲卓立排流波  
一詩寄去一詩到感懷諷諭都竒妙別有聲情紙外傳

賦景咏物非徒然洪鐘大鏞震頽魄清商瑟調鳴宮懸  
檐前閃忽多飛雨雨聲恰似吟聲苦瞌睡漢子頓起舞  
日把君詩過夏五揮手當庭連擊鼓鼓罷高歌天正午

問齋談杜

陳子衝炎談杜註

所著杜意  
得未曾有

紫髯一尺當風驚談到酣

呼得意時目飛眉舞吟不任世間有此絕竒事千年人  
往神來附不在尋常行墨間少陵老叟翩然遇一談一  
笑一拍掌辟如久別得快晤又如無限不平鳴欵欵傷  
心向人訴我輩論詩本恨人望杜未見或遲悞服君手  
眼服君膽身視杜陵餘不顧目前種種註杜家一見真  
僊各泥塑如漿之汗君任傾手擎洞茶口如注此中真

有百花潭萬里橋西門內路從君徑入浣花里我在四  
松松下駐奇談沃雪炎天涼濯足振衣坐流寓

同芥須過敦復遠峰亭

城外青山如屋裏右丞此語真畫理環城何限遠峰青  
誰使峰峰青到亭張子有一亭構在西山麓梅柳桃薇  
間梧竹桐山竟有輞川圖一片奇雲到茅屋落筆中書  
堂夢遶山之陽歸來暫掃三徑荒有客踏破苔痕蒼南  
風刺刺吹欲顛紙窗竹屋聲蕭然坐來嵐氣濕書帙半  
榻已挂千峰邊好讀奇書耽午睡琅玕七尺琉璃膩剥  
啄不到山光延草堂人署紫薇天君言風日晴華山若  
屏列九子九芙蓉點點補林缺山城排闥江送青諸峰  
不動風泠泠草堂未久留君任一亭宛在看雲樹他年  
爲構午橋莊此是平泉最深處

伊蒿篇贈許子綏人也

伊蒿之父崑池公孝行德義何穹窿伊蒿永慕如兒童  
爰志以字思無窮翁任湖南顛澤鴻襄鄧賊騎來吾桐  
萬馬火照湖水東比隣草樹爲之紅翁時奉母茅舍中  
誓不令母罹賊叢朝出母俱夕母同天佑純孝狐豕空  
母子無恙如歸鴻賊去隴首多蒿蓬翁智惟急麥與麩  
許家大澤苗芄芄坐活萬人無限功大母愛子書未攻  
知孫賦畀明且聰志養偏於色養隆教兒奉母翁素衷  
伊蒿把卷如見翁詩書氣與羨墻通讀破萬卷群讓工

下筆絕似曾南豐惟列笙簫今馬融世上青紫何當雄  
湖南草廬日曛隴翁遺王氣方鬱葱門前松柏猶華嵩  
行看雙戟搖春風

元夜讀書行

少年此夜燈火光屬天今茲黯淡臨風烟寒雲抱凍急  
釀雪六花飛空門戶閉憶昔兩塞星橋開燭龍吐焰花  
生灰而今跌坐看脉望嬾瓚躑如客狀內手知寒忍  
歌吟火日元夜何陰陰佳辰有月不四照偃師默坐金  
吾笑此刻逋翁好讀書群兒繞席還徐徐書聲滿窓出  
寓閣拍浮馬史燈花落讀書却悔遲十秋經營營力何  
所求不若高歌對元夜星榆歷歷春風射擁卷大噱勝

看燈清茗香浮光百層人生行樂貴適意傳柑帝家抑  
豈異山川况爾遲春遊吾將散髮弄扁舟扁舟春煖窮  
吳越湖水江烟汎海月只今馳思已色飛山城何必看  
九微逸興遄生三五夕明日桃源共遊客

武林徐子登座於梵受携杖訪余悲喜交集兼投

新詩次日操舟酬贈斯作

偃亭和尚絕代名乃是吾友徐世臣世臣傳衣偏右袒  
嘉禾說法聽者滿四月我來自江南聞君敷坐合禮叅  
君翻拄杖到我寓三十年來忽相遇滄桑欲話啼笑難  
君今在世出世間秋風蕭騷宛在目聖水昔游不可復  
景升兒子何足詢忘情還未忘故人虎林花近樓名有



諸子略道行藏半生死同心淵雅陸麗京天台聞亦談  
無生憧憧却愧子提唱書報青原藥和尚

過王篋亭博士丹徒齋中

去春我作宜城遊君行江上花盈洲絳帳君今已逾歲  
六月炎風吹我至黃鳥交交湖水明鐵甕一寺流江聲  
鶴林竹林足高爽放歌時作公餘行潤州百貨人烟集  
甲馬多從京口入絃歌不解逐兜鑿上與故人吟中流  
潘子擔簦之帝州鄧子北山棲上頭高咏金山焦山一  
博士幾年不得同唱酬清詩夙有曹劉氣手持如見加  
餐字君云白雪和者稀來一白頭增鼓吹蒯緱落落當  
倦遊未必頻過北固樓雨前廟後君易辦中冷第一誰

能收花間七椀銷新愁

辛文上元前一日過石經齋看文長畫花卉卷子歌

方子李子過石經庚戌春王日十四橫披大幅花草圖  
中有奇詩及奇字石經攤几我輩看絕倒狂呼聲不記  
青藤道人潑斗墨一掃几蹊筆放恣是花却作非花想  
若說非花非畫義花花葉葉迥出群先生濡毫已沉醉  
一肘羊脂一斗酒點蠅寫特盡奇致醉來謔墨酬史甥  
豈與尋常稱畫筭奇寶湮消百年外天飛何以向君墜  
窮冬蹙蹙歲將除肉食家兒總不值獨有孤吟塌壁人  
典杯買絹曷肯置世間神物屬有歸石經定是天池意  
余齋一幅我唱詩筆勢踈斜難正視塞上十年今始得

摩挲此畫何易直須三日一過君一過一呼一長喟  
我輩畫緣殊未遠既賞顛徐復顛阮兩公畫意如米顛

筆底蕭疎還偃蹇石逋自畫與阮齊阮畫一卷如壁圭  
當其快意落影像天池再出難端倪是花非花葉非葉  
坐使化工不寧貼世間只有畫空難此筆仙耶還是俠  
宜城二子足下拜南阮之字寧江畫請君對竹開春牕  
拂素爲我臨寧江

寄青原和尚無可弟六十詩

辛亥之冬十月日大師嶽降吾龍眠屆茲庚戌六十辰  
廩山雲氣遊躡躩袈裟紅覆獅子座祝無量壽燈光然

門外有兒髮皓白不知佛法寫世緣憶昔裘褐少年場  
登壇搥鼓詩百篇北海座客盡才子長干寺裏秦淮船  
走馬松楸孝陵道雪花梅下飄如拳聲伎便娟足歌舞  
兒家門巷垂楊烟吹笙忽報燕嘉賓同人送去如登仙  
中丞秉鉞在江漢討賊不遂翻迤邐看花上林乃寂寞  
金門含涕多周旋公卿具知裴度略雲中魏尚行復遷  
帝命師爲王者師花磚日影開芸編天地反覆滄海沸  
重趼奔走窮顛連柄人當國矜善顛辭闕疾走如流泉  
逢萌始識高蹈意梅福反多吳市椽閩粵之間有赤幟  
屢招師去師不然遙遙衣白者山人鼓鐘不聽黃麻宣  
歸來高座守戒律雙趺木榻嚴關穿一切斬開若慧劍

受想行識何曾偏名士風流供一快宰官應度時當捐  
茹蔬擔菜共行脚白雲繞樹居三年佛門最上一乘義  
忠孝撥逼成高禪世間超乘在口頭古之佛子皆聖賢  
惟師直上聖賢路我非阿好徒譏譏廿年瓢笠閱山水  
三遊勝北匡山巔隨師所過是說法溪聲山色都真詮  
青原六祖之道場老樹一葉徵聖傳惟師到山葉一發  
因緣所至機鋒圓三教自古沿分門師今提唱無中邊  
聖聖一口同出氣此法震旦洵開天炮莊等書世未有  
百家俱受維摩鞭毋論上乘匪等夷卽觀文字亦高舉  
他如語小莫能破瑣言方物殊蹄筌三十六巖古浮渡  
明月九帶飛青蓮遠公後身有師在枯碁古洞聲聲懸

師來發矇群所冀首楞谷響爲師延敷天大衆霑法雨  
勿任片所相拘牽西江直上灘水急青楓白露流波漩  
欲親白拂侍函丈遠道莫致中心煎佇師拄杖故山棲  
爰祝法壽同三千鉗鎚老學喚聾聵堦舊侶今應憐  
元夕接錢子飲光書

辛亥元正十五夜青鳥飛飛向空下乃是我友錢子書  
何異乘潮雙鯉魚縱陽江上千重雪拍浪如天門盡閉  
我友裁箋念故人故人相憶秋復春尚記冬殘送君去  
風波滿目不知處孝子含冤近得明老翁銜恤還吞聲  
武水使君篤故舊苦吟端不嫌詩瘦聞君題徧武昌城  
晴川黃鶴知才名歸來何以薄城市我欲從之阻烟水

復聞將作靈隱遊意中岳墓重陽秋飛來峰下同孫子  
青黛當鑪人老矣我亦思來明聖湖不知湖上逢君無  
三十年前舊遊客重來四鬢星星白相逢相與吟新詩  
莫話風波十二時  
勗長孫曾祐  
我飲不能一蕉葉吾孫一飲能數斗忽然夢中聞母言  
欲成大事毋耽酒嘉爾剛制出自然賓朋讌集不啓口  
淵靜復爾好讀書群曰文章一好手我過書齋宿無客  
披帷千卷頗自負文章不必太矜奇出水芙蓉實無偶  
金鐘大鏞匪金聲明堂清廟豈山藪渭陽門第尺五天  
頭角崢嶸視諸舅宅相何須別作型盈牀簪笏行自取

昨朝傳聞有奇夢精靈勿泄囑爾友寒門何許望殊榮  
顯揚莫愧前纓綬曾祖種德曾未酬名爾以曾圖不朽  
爰篤其祐豈在他試塲蘇子逢歐九爾兒六歲能受書  
名曰元凱字高有岐嶷甚可供舍飴老成不學群兒走  
力勤仁孝乃世貽故物青緗寧敝帚卽如今年非有秋  
貧家努力爲稱壽爾偕諸叔能竭誠人云甚足慙某某  
丈夫出群在自立愛爾秉心惟一厚明年春色來龍眠  
而翁吟詩向深柳一肩書籠肯隨予石色溪光皆善誘  
書聲都是山水聲喁喁自午還至酉躊躇滿志上江船  
秋風不在他人後新釀桂花藏時開高堂看酌郎君酒  
贈從叔舒來

吾家舒來先生人極奇獨行孝友真吾師憐才汲引不  
啻口黽勉爲善其如飴文章惟法兩司馬後學共推今  
退之一讀萬語笑日落幾篇半刻從風麾松山數畝十  
七世高曾德澤如雲垂父祖讀書隱君子令聞令望傳  
燕貽先生甫生有奇夢照天明月圓如規前身西漢大  
儒是命名與字出等夷十三穎異露頭角文場跳躍不  
可羈霜毫近日越犀利吹毛一映鋒如錐龍駒未秣將  
五十群訝造物不可知屏息齋明肅登岱夢中神語傳  
離離先生奉之不敢褻半百得子嫌何辭甫生一駒已  
奇絕至再至三頻產芝人言樹德必厚獲先生總曰神  
扶持子生聰慧復精敏不僅懷抱稱英姿先生事天若

見帝更有異夢來靈祇金甲自天擁奇字恍惚旗上多  
男兒摩頂石麟俱俊物河東三鳳還無涯形家佳城卜  
第一松山餘蔭方歲穠大雲隱隱屯其上豈僅逐隊光  
門楣先生至友程奉常唱名五色同韓琦諸郎他日等  
先達世德世學端無疑秋風突兀老桂發珠采照耀皆  
蘭披裁詩正值彙征至仲舒勉矣天人期

### 秋夜

野燒衝星白寒烟帶月黃暮雲千木吹晚晦一籬香宿  
鳥鳴殘夜荒雞報急霜蓮花清漏杳秋夢遶胡床

### 閨中早秋

靄色紛來席重幃問夜幽梧桐疎碧地楊柳淡黃樓鸞

鏡搖風幌鴛鴦鏡冷月鈎最憐香縷細花影一簾秋

初至上谷

出塞正逢秋秋心到枕流朔風三夏集零雨四荒遊石  
戶人如鳥山巢洞是樓客來詢土俗寒急蚤披裘

初至喬山

攝篆忝民牧登車止帝丘峰頭零雨集禾耳夏水流到  
署日無事排衙曉即休冷雲何地煖處處朔風秋

槐龍軒成二首

春草石床平春烟冪冪生鸛巢支舊影鳩語賀新成竹  
榻疑江閣柴門列塞城南柯差不俗風雨夢孤行  
數楹何足快快此樹當亭甲冷雲撐立鱗張雨帶腥何

妨花少伴不與蔓同零老眼經時白朝來一片青

寒食前二日花朝

疋馬帶風驕行行客路遙去程連穀日歸候逼花朝雪  
色沙晴岫春光水斷橋竈灰原未熱不為禁烟消天山

落日

秋風吹落日送我下山遲官路行時費場苗逐處垂馬  
蹄衝雁鷺牛背立鷓鴣旦晚鄉園近驅馳何所為

淮河雜詩七首

夾道植疎楊雙竿小廟傍雨田泥滑滑野徑草荒荒塲  
濕鷄鳴樹門低驢挂墻一溪臨仄岸急水汎孤航  
客老秋花瘦程遙夕照蒼荒犁牛躑躅饑櫪馬玄黃半

菽日不飽三秦秋未央  
黃河天上水烟樹隱咸陽  
十里稻花秋閒行古渡頭  
三村同小隱一水帶芳洲  
柿杪看紅葉溪邊立白鷗  
磷磷沙石淺應置小舟游  
長路青天覆漫漫望谷谿  
鳥從新葉落山學故園低  
騷駟風前咏金鷄夜半啼  
雁涼秋正肅人在大河西  
罷馬迅風颭單車帷不周  
寒沙孤磧裏險石亂峰頭  
羶薄難勝襪綿輕欲上裘  
非緣關塞冷颼颼已深秋  
張茅盤九折已似棧雲連  
馬踏高高路鸞飛貼貼天  
山腰新閣募洞口空窰懸  
服賈羊腸處何曾暫歇鞭  
駐馬祇園裡伊蒲共我嘗  
宵燈分佛座旅榻下僧房  
爽籟吹征夢輕雲護夕陽  
明朝揮手去衣袂惹餘香

棧道

連天六百里慙殺小橋西  
山色因雲變溪聲挾洞迷  
雪飛峰有浪日照路無泥  
一幅郭顛畫忘身在漢谿

空同集中有蒙恩詔加贈詩丁酉春先大夫蒙恩

錫贈次其韻

喜共空同句幽冥列大夫  
松阡埋宿德花誥答真儒  
萬井輿人誦三春墓身呼  
白雲飛片片可照漢江無

喜雨

忽爾新霖至高天竟可呼  
三冬雪未落五月雨全無  
浩歎麥禾槁驚傳草木蘇  
所司河上水怵舞倍常須

以鸚鵡寄季父都門繫以詩

毛羽知殊俗聰明略過人  
棧雲飄響細漢水濯姿新語  
擇能諧衆身清不著塵  
問予須儘說莫說在官貧

寄沔縣

斗大孤城裏經春只過兵  
流鶯知吏憊疲馬怯山行  
南紀何多故西成已預征  
遲君窻草綠甘苦話平生

九日

客中重九日漢上兩三秋  
暫霽積霖色初逢新月流  
玄霜兵氣緊黃菊雁聲悠  
隔院更深後笙簫雜戍籌

武關

尚武却無關行行路險艱  
雲鋪岩洞綠石罅薜蘿斑  
半壁一天削千峰片瀑閒  
畫眉山翠舞相對語綿蠻

昭光寺晚坐

寺小傍城隈輕風送雨來  
攤書蛩語靜巡堡犬聲迴  
勇興朝登岳微燈夜落煤  
臨邛先客去空惹茂陵猜

時訪華令

西城

西城嗚咽水是否使君灘  
馬老知前寺僚卑戀舊官

時有范尉銜感  
款留倍至  
風吹關月小霜帶棧雲寒  
南斗迢迢甚含愁

北向看

陳留

在昔高陽里陳留漢治餘  
邕才工古篆瑀筆妙軍書  
雨過青苔長風來灌莽疎  
中州楊柳禿半爲築河渠



贈西巖翁

翁家花最好不羨雒陽春  
愛惜如幽菊分携及野人  
門前湖水白酒後月華新  
十里松風路青驢莫計頻

招磐

梅花今不築

磐有卜築梅花迎養之議

可到四松無村影親逋客書

聲慰老夫吟篇鐫竹就燈火  
隔離呼小謝堪催夢春池  
草未枯

將之靳春別顧赤方

冷懼空江去傷神怯暫離烟  
雲搖荻葦風雨別茅茨不  
遠盤龍路常懷夢鶴詩麻衣  
尋道者疑是晤君時

午日

舉網漁魴出烹葵載酒賒  
午風吹艾葉夜雨濕榴花  
山鬼蘿衣破江蘼桂楫斜  
誰吟招屈賦嗚咽和長少

欲出暫止期以次月上澣

秣馬復停鞭河梁客興翩  
長征爭斷雁小憩怯啼鵲  
月下蕪城柳秋來聖水船  
紛綸穿夢出何計暱林泉

寄懷叔父維揚兼述予近狀三首

別離秋八月出郭遇西風  
波擁黃天濶亭欹燕子空  
江山新木葉兄弟舊詩筒  
回首高吟處揚州烟樹中

到岸忽竒病招提一月眠  
藥香鐘定後人卧菊開前  
九日歇遊展孤燈卜曙天  
支離纔起立即問上江船

舉家先入市半榻四松孤  
堤鬻經殘潦園荒長細蕪  
檢

書疑蠹盡拾菓任鴉哺谷口鹿車去龐公得隱無

園憶

客少知庭肅城喧逼歲徂耳聞牛僧語心遠鶴雛呼萬  
感縈殘夢孤亭貫宿道有山何不隱春動老蘼蕪

與位伯素伯二姪談上谷風景素姪紀以詩賦答  
回首黃沙地高吟倍我憐始知邊地苦如見朔風旋確  
犖疆千里驅馳客四年何爲吟出塞竟不勒燕然

春煖

春淺似春深晴鴉煖倍鳴梅心薰午破苔甲照曛明詩  
學千花蠶愁憑一杖輕連朝未風雨何處踏歌行

到村

到村園不改三徑較前荒敗竹支茅立殘梅著蘚香幸  
無人影亂何處雀聲蒼急命腰鎌子編籬覆短墻

送左三子忠儀真學博

子忽振衣去片帆春到遲真州江水月建業晚鐘詩酒  
向菡盤冷雲生瓜步竒溪頭遊覽倦須上浣紗祠

僧房雨

風沙堆客髮夜雨滴僧寮龍射經壇帙魚敲海岬潮砌  
花分點濕邊柳逐行凋秣馬朝衝霧桑乾水未消

招陳子問齋

月色向空白况當花欲殘竒談承夕炤高咏壓春寒吾  
黨千秋事知音一字難數過毋問夜風雅舊登壇

含山

含山春水汎一葦到和州夾岸垂楊晚長堤新麥秋野  
犂乘雨後溪鳥立沙頭頗似三吳道平波送遠舟

廣陵逢余澹心

風雨吳閶路尋舟已放舟蹇予隨雁去虛子掃門留此  
地忽然遇論心無限愁飄零還集聚莫恨五湖秋

雨中寄陳髯促其成杜註

解詩紛若市畢竟爾單行一老已千古何吟能再生探  
情因釋貌得意到無聲敗楮遲濡墨將毋遂懶名

夏日同姚螫存家弟敦四過姚吧懷北園

昆明歸客騎到卽有園林薜徑僧留僻柴門佛讓深河

流千木杪石抱一溪陰且莫談經濟吾儕好野吟

七夕後飲滌岑卽席送越樓西遊二首

青山如屋裏摩詰爲君吟小閣秋無底空亭竹自陰世  
兒懷刺過獨客閉門深七夕連朝雨天應滌此岑

到門今復出來往逐秋星醖落飛朋席詩成繫客亭詠  
懷棲楚豫遊記續滄溟折柳煩君酒疎燈一倍青

夏夜吟

高眠猶暑氣無夢只虫聲樹睡閒宵鵲星懸來日晴老  
懷臨夜醒詩興出床清此際天如畫寥寥銀漢明

月下送子成

明月炤山路野塘人適歸論心遲草屨交臂濕荷衣露

下雲初散波澄暑漸微獨行誰是伴一路遠螢飛  
友人邀客游龍眠寄以詩

聞君乘逸興邀客訪巖僧樹覓曾吟石苔綠昔坐藤樵  
聲當路斷竹色過秋澄昨歲同行處溪山雲幾層

寒

積煖非冬候寒來始辨天朔風如入塞凍雨半流烟冷  
壁支殘帙高江念去船揚州遊子夢中夜雪霜懸

時兒駿在

上江

入北峽

年來經峽口此地路行難孺棄人旋老鷄鳴客漸殘山  
川慙佩劍星月笑征鞍頗記前驅日鵲聲帶雨寒

雨雪

峭甚春來雨何堪急雪霏似花沾客幕如霰點行衣塞  
口渾經慣街頭不住飛點書鬚白者內手法寒威

郊外聞子規

不逐城頭鳥流音萬綠間孤峰憑諦聽百舌助綿蠻夜  
語移芳晝春心遶舊山青郊逢白首一樣野雲閒

春日遊古靈泉贈介菴分菴字分韻者楚陳坦山  
士雅默公及大匡兄弟也

介公禪寂理薰習自淮南坐只鳴清磬詩常成草菴春  
風生石髓夜雨下精藍小院疎花秀微拈一笑叅

偶吟

不雨天猶憾恒風日漸長靜纔知懶力拙已獲閒方應  
客無冠出酬人有字忙偶吟緣和答何意欲成章

半僧至

敲門驚午夢人自練川來鷺黑村翁色孤清詩客才鶯  
花春易老雲漢夏多猜風雨橫山未因君賦七哀

時方憂旱

酬何甥懷仲寄野苔

野苔何自得春露濕山湖湘釜由田女封函及老夫淪  
來茶比韻摘處草應蕪蔬笋原同氣知予是澤癯

友人談真娘墓不可得

香襪埋幽蘚板尋悵落暉釵鈿看欲盡歌舞恨全非樹  
失迷鶻語魂飄化蝶飛蒼蒼丘上虎應識月中歸

五人墓

正氣丁陽九彌天只五人白虹看是血赤日指藏身樹  
暗如魂立星高但目瞑吳王池畔水無劍斬讒臣

懷顧赤方曹尚白

奇字推曹獨狂吟想顧豪菊花催樂府柿葉寫離騷楚

客危冠舊

尚白遊未離楚

燕卿破筑高

赤方近遊燕

夜闌飛昔夢風

雨到臨臯

蜀藻見和詠懷詩賦答二首

步兵千載後高寄託斯人狂嘯酬知已新吟奉老親竹  
分溪作韻經與石為隣尉氏餘音在齊聲有逸民  
吾儕騷雅興頻為石經留二酉書成庫十年字欲雙品

題佳士就汗漫大人遊倉卒傳吟和詩名四十秋

十一月新月

魄滿露明微長空一線窺野光過雀羽寒色淡蛾眉照  
去河山在輝藏冰雪知看他纖影挂不忌欲殘時

雪後月

魄光都相似輝光覺自殊收來千點白放出一輪孤沾  
灑真宜潔高濤不厭癯懸將金粟影照有六花無

何道岑溪南別業

愛爾草堂靜春郊溪水南高賢懷樂令勝地選瞿曇竹  
影峰嵐合隄聲野色叅相期操舴艋權入百花潭

芥須之臯城二首

畢竟南皮席能留北海人紅牙圍上客白眼作西賓再

訪非懷土長歌有落塵犬迎徐榻在匆匆過龍津

西湖經歲客昨別在龍眠細語沿江路兼詢望海篇兩

峰新畫舫六里舊歌絃急返母相失長干待泊船

讀浮廬三遊詩

起草偏成倡拈花可當遊我知真學者人拜大堂頭九  
曲文心在千秋道眼留許多門外漢韻語說湯休

同西頑霜鶴郊遊卽做西頑

杰構倚山椒山門接小橋丹爐無道士茶椀尚僧寮瓦  
卸帘難挂經殘香不燒靈泉泉底水直向殿前澆

張敦復太史見訪不值

我愛張公子人傳新秘書綠衣穿草履白髮問蓬廬客  
出似留戶君來欲下車翰林南海句野老意何如

道岑有別峰之約雨阻却寄兼致令遠二首

最恨遊人雨雨來遊未成幾峰滎澗曲雙眼碍山城花  
有千枝濕天無一日晴吾儕群不出何以答流鶯

檐響夜重重床頭笑短筇春從流水暗雨為看山濃野  
夢過投子亭雲罩別峰新晴偕努力急報兩何顛

顛厓歸

六代春風地君來情自憐江聲連去雁雨氣集歸船白  
下黃金少青閨碧樹妍哀蟬如有曲莫付李龜年

理書

勞予親滌硯賴爾伴懸車興乃江淮發綠翻筆墨疎星  
霜酬別夢風雨護奇書待整秋前駕相將賦索居

田公夜分見過

樂樂衣似雪見爾倍思翁范式人難負蘓洵兒不同愁  
分燒燭淚恨遶落花風封禪遺文在相傳愧所忠

浪仙集失去五年矣簡村筇獲之喜作

別去五經霜疇知留草堂辟逢山友聚恰到洞茶香東  
野名輸瘦昌黎詩並在椒薑予所癖顛倒失衣裳

二集詩

湖舟漫興二首

固城三十里春水漾湖長野鶯飛無次離鴻斷作行空

濛迷荻葦風雨畫瀟湘欲學玄真子青蓑任莽蒼  
子夜聞鷄唱吳儂水調歌一天春月早雙權曉風多白  
苧留人甚紅顏奈少何客愁聽不得嗚咽問湘娥

贈曾道扶司理

雙棋亭上客幾歲法星明暫浣鴛湖水曾穿馬道營恤  
茶關罷稅卸甲漢休兵不少州堂記南豐自宿名

禾中不聞子規

梅雨冪成陰春殘不送春恐添爲客恨難對落花辰鴛  
水銷魂少龍山報舌頻孤亭深樹裏留語待羈人

懷李石逋

小李將軍畫蕭蕭花石間有茶能坐客濡墨已成山草

屢勞空出蒲葵讓獨閒歸來新月上爲說語兒灣

有感題霧鬻集二首

大雅公何忝鴻名世久標才高偏與鬱學老自飄飄王  
李寧驟乘曹劉欲並鑣芙蓉刀箭底風雨認前朝

束髮稱才子當風憶大夫江邊迷杜若山下有蘼蕪兒  
女緣何薄公侯復竟孤讀書堂在否遺樹莽啼鳥

四松有掃除消息

三載縈荒蔓今朝報掃除一亭梳葦竹夾岸頰游魚門  
曳多鴉桺廚開未蠹書疎籬臨水處的的剪芙蓉

子安弟以詩相質卽和其見東韻

小謝傳春草池塘夢許同一堂徵韻事千里發詩筒作



客興無那耽佳吟自工孫枝還傍祖松下有清風謂其王父

明府中渡公也

### 秋歸

秋竟堂堂去予仍踏踏歌不同閨怨苦其奈客情何天

外新鴻雁池邊晚芰荷西風如惜別中夜起庭柯

### 贈半僧

君自署生前墓碑云詩人徐子之墓

徐君真達者墓石自看磨表聖懸生壙泉明作挽歌龍

眠雲氣遠練水夜光多千古詩人字高風暗薜蘿

### 何處談心好答芥須

何處談心好城頭多故人辟疆山入閣如三小李畫離

塵當衡橘嫵亭偏得子周畫遙庵正親東之奇書相向

讀花裏覓安仁蜀藻

### 中秋月

久旱愁晴劇茲宵不厭晴海門潮幾尺山戍角三更鳥

鵲看毛細關河炤影清莫歌雲漢什暫喜夜分明

### 遊龍眠

龍眠秋百丈一片李公麟當日溪山意于今圖畫身犬

音傳谷亂雁語渡河真萬壑千峰裏誅茅負野人

### 獨醒

獨醒纔夜半耿耿到天明數轉腸中轂橫懸天外參不

眠為老憊多恨賴詩平野鶴吟何急隣鷄未五更

### 再懷芥須

冬風寒刻骨客醉舊西堂俯仰塵談塵悲歌說戰場南  
舒前夜席北峽閉關霜驛路枝堪折梅心花正香

布穀

靜裏一聲聞村村麥隴分綠窻驚破曉紫陌望穿雲荷  
篠終吾職催耕豈浪云書田有良耜嬾婦最先耘

自比也

致鹿門翁

訝爾山中鹿來從城市鞿爰居寧弗駭野鶴自應飛  
竹花前屋青松水上磯蓮華高十尺忍不賦將歸

小市

雲樹蒼茫裏依稀小市存人烟希處見魚米闕來尊孔  
道過遊子荒廚歇店門征夫慣饑渴難覓水漿温

和答李士雅拈少陵詩首句十首

不見李生久魂來只夢中江山飛過鳥廬蓼斷征鴻草  
榻懸徐穉談鋒隔蒯通春愁何處泊惆悵是新桐

不見李生久冬風已隔年花然爲子艷野僻勿余憐禿  
筆題新恨殘囊簡舊箋十詩如冷月半夜落山泉

不見李生久垂楊換陌頭可憐衝雪別却憶出關游投  
子山中社稻孫淮上樓往還楓葉路滅沒暮烟浮

不見李生久刀環未可干老柯三月冷羈羽一春單  
魑書堪代青天路極難浮雲西北望風起佩刀寒

不見李生久瓊函手自持鞠溪蒿里頌邗水草堂詩奇  
士腸偏痛才人命易悲漁陽鸚鵡就休問賞心誰

不見李生久荒園日閉關長松龍憊甲疎竹鳥愁顏巢  
父客難遇臯陶里未還幾叢衣各寄分灑淚痕斑  
不見李生久難將煙駕板木看鶯出谷雲帶鶴離山有  
客自題壁無人來啓關青松同白水日日似君顏  
不見李生久懷人日較長燕鷲層變舌水月暗流光六  
邑無千里三春此一方別離多懊惱何客贈青堂  
不見李生久南雲歸未賒龍眠芳徑草蛟水故人花命  
酒黃梅晚披襟白恰斜急乘余未出井白話天涯  
不見李生久疎狂偏足親綺裘八僊客花隱再來人道  
在何辭殺才竒適稱貧思君鵲共語歷歷訴成真

銅雀臺

高臺遺址大河邊零落西陵舊管絃明月欲來芳草合  
彩雲飛去暗沙旋君王身死香猶在愛妾春深哭可憐  
莫向昔時亭榭望舞衫歌扇只空烟

壬辰元日宿樓岡弟齋中步何子省齋韻

誰云重席近爐烟撥火談經只客筵風暖鷓鴣丹地榻  
人歸鳩鵲紫微天大書王朔占傳史小酌屠蘘酌勝年  
朝起頌椒兼蠟屐好尋春信雪花邊

上谷書懷

三載羈情耿未收東園短褐薊門裘比來作吏燕關外  
宛似臨戎漢塞遊白月照來歌北地黃沙堆處擁南樓  
邊雲也壯除書色爲上軍城賦早秋

送齊惟木還里門

歸鞭遙指故園花無復荒雲擁塞衙  
建業舊陵聞過雁蕪城秋水徧啼鴉  
幾村白露飄黃葉一曲青峰入絳紗  
好去龍眠深處住芙蓉滿地半山家

歌者聞予賞牡丹亭願演而習之春半雲中還宣

召客共聽喜而成詩

臨川人去海雲孤

義仍有通天鉄  
遂海雲孤之句

檀板當筵有鷓鴣極

域蕭然傳曲少高歌清絕出風殊翠搖金縷聲繚繞冷

雨幽窻夢有無關塞杜鵑春竟語半天啼血老蘼蕪閩外

無杜鵑聲

哭十三弟子留

蛻骨驚聞返道山  
鵠原搔首淚班班  
難將此世留卿在  
空說慈親望爾還  
處士存惟呼碧海  
瞿曇寂已化朱顏  
文人自合歸天上  
所恨池塘宿草斑

次韻和尤展成賦得絕塞愁時早閉門二首

雪和邊塵攪鬢華  
幾年流落悞天涯  
依齋柳愧瀟瀟竹  
墜戶蝶羞豔豔花  
白草雲荒孤錦瑟  
青衫人少負琵琶  
疎燈未點衙先閉  
剝啄無聲驚睡鴉

坐老荒疆樹色低  
柴扉青草夢秋谿  
癡深王湛難耽馬  
恨絕劉琨不聽鷄  
欲問花源非晉代  
其如雲漢有周黎  
關門飛鳥平堦過  
可似空塘片竹西

鄉思

五月南風初月斜金壇新葛岑峰茶生來好景讐邊地  
夢去清陰覆落花費遂郡園惟小麥李恂從事有胡麻  
凌晨拄笏看山色一片狂雲堆薄沙

入門出門三首

五年不到龍眠里到卽東門第一家拂却荒邊塵兩鬢  
開來新屋桂千花琴書未換庭如洗胥吏頻呼俗自譁  
携杖小僮翻一笑笑予今日始回車  
健婦持門爲掃徑儻居何必異吾家親疎是友忻初至  
老少比隣問近嘉出塞貧原宜薄命賃春歌不恨天涯  
得歸茅屋吟纔就吏隱還應笑浣花  
螟蛉旣負纔生子駒犢猶孱亦有家九歲孤孫能讀傳

一群嬌女解擎茶左思

子直

童小歌偏劇陳亮

默公

樓

空竹半遮底事適歸歸又去不從鄉曲老年華

清明後二日同馮使君南褒二令汎舟漢江作

漢川清淺漾平沙小石臨江山勢斜簫鼓受風牽客舫  
汀洲移岸擁人家魚能避獺波飛沫鳥亦呼尊酒沸花  
今日吾儕纔潑沐連朝頻放五更衙

偶成

薄雲送風吹漢川枯吟客子常惘然樹鴉點點噪日暮  
槽馬騷騷鳴遠烟家僮每嗟旅遊道同志獨嘉登望篇  
清詩短燭空夜伴涪叟大蘇兼樂天

送馮成簡還蘭陵

槍舞梨花三十春只今單劍走風塵常聞薄命惟才子  
幾見猶憐到美人漢水自吟亭雨澁湘江忽掉浪華新  
所思隔院藏劉尹不及狂呼與細詢  
寄綏人  
冷泉游子陳子垣到江湄携得紛紛籜葉詩一笑窮愁官  
少味數行潦倒客多奇漢陰春色徒延佇建業秋風莫  
浪悲草屋南城城下路朗吟梁父夜何其

寄塞上門人

漢水迢迢隔塞烟懷人偏值看花天秋吟一榻餘金石  
春色三關足篋絃榆谷朔風當此日槐亭零雨別經年  
持燈若訪碑前字可憶先生舊草玄

寄子直

飛來青鳥下梁州銜却詩篇號粵遊一水能吟新雪色  
廿年還見舊風流君嘗落落棠花酒我憶翩翩荔子秋  
近况不堪多訴與冷如邊塞只添愁

寄子厚

到家惟見一眠樵秋色扁舟漁父遙豈爲江湖乘月去  
應同湖水逐風飄還鄉十日迷長策出塞三年剩短謠  
復有棧雲迎笑容何時逢子說無聊  
劉非眼有喜還青借白香山詩集之作次韻酬之  
轉身白傅應推子却說香山是我師同姓老朋如夢得  
比肩詩學愧微之清秋獨看醉吟處雨夜高歌諷諭時

白號醉吟先生有諷諭詩况有楞嚴新註釋千篇長慶一軍持非眼長齋

喜入弟邵村改授御史臺母淑人六內省雙

桂林舊業傳身府花甲新觴拜豸冠十初度

開丹禁色外庭專避碧霜寒括蒼秀早迎驄馬弟起家麗水令

湘漢波曾擁瑞鸞曾恤刑楚粵應是闔門多解澤朝陽特簡

是秋官良一知熱楚粵良無文致豈為公賦乘良去

### 送王郎

揮手行歌欲上船江雲如馬岸花鮮藏身樹下留新月  
回首風前別少年篋扇逢人拋有淚廚薪似我濕無烟  
至家烟霧重重閉誰遣冰漿到客邊

### 飛花直

飄零無倚况經風昨日含香小院同落地拚如黃葉掃  
粘空長被綠烟籠飛迎舞蝶看猶綺銜入流鶯語轉工  
柳絮天涯渾得似穿林還並繞簾櫳

### 咸陽懷古

咸陽宮闕久虺隤不見昭容引殿來卦畫雪中猶現影  
書焚晴際尚飛灰華清夢杳連阿閣棧道春深接馬嵬  
一自沉香人散後問誰催領百花開

### 賦得宿花蝴蝶夢魂香

紅英深處撲風狂飛落閒枝就晚芳睡足尚留雙褪粉  
夢來何意四圍香心同寶鴨薰蘭杜影伴春鶻上海棠  
舞板暫停園未晚繞床清露滴花房

寶鷄

古寺臺荒傍寶鷄

有祀鷄臺

征途人老笑栖栖前邨欲雨馬

初歇遠岫無烟鳥亂啼百里泥深官路滑重陽風緊客

天低經心罨畫頻回首棧閣蒼涼雲正迷

扶風

鳳翔邑號兩西東

有東扶風西扶風

小大徒矜杼柚空孔道只

今新蜀道遺風仍是古扶風黃圖控馭傳三輔漢室循

良有數公下馬欲尋耆舊問野棠無賴柿林紅

長安

百二山川勢鬱盤重經四塞古長安霜坻宛在蒼葭老

晚岳浮空石華寒一代詩成才子集

三唐詩皆成于長安

三秋人

作布衣看河聲浩浩關門遠明日難歌行路難

抵宣府

依舊黃沙擁塞門青蠅無語笑昏昏素交一顧已見意

餓隸群來尚感恩馬嚼草根眠後廐龍飾槐影待前軒

三年屐冷詩還在古愛寒苔繞字痕

北峽關次丙申秋出峽韻

關門新雨亂峰遮依舊溪流曲石斜梅子欲逃何必尉

泉明歸去已無家嚶嚶夏木鶯頻轉或或原田麥未華

小徑柴門新覆綠林塘開徧野棠花

過承恩堂贈宗老西巖翁

前王遺翰賜承恩百韻梅花半草亭

與獻王有梅花百韻與家草亭公分



半成  
稿  
法物到今宗老在流風喜向故家聽手栽野菊香  
堪將門對長湖秋不扇共道先生能讀史匡床燈火一  
編青

黃州再飲洪念專

疎烟殘照半荒城一片秋江待月新金谷酒催亭上客  
輞川詩是畫中身念專善畫傷心百戰橫舟地搔首孤樽送  
菊辰歌罷九章天亦老狂呼何處哭騷人

秋日感懷

閩南浙右動征蹄六詔三川報鼓聲青海未傳通樂浪  
黃鶯空說夢遼西京營什伍誰囊韃草野刀環半蒺藜  
蒿目度支惟尺羽輸將無計恤烝黎

反愛妾換馬

迴廊端不繞青驄曲曲欄干小院中紈素莫言金絡好  
騰黃寧令綺樓空夷光真色人難似曹霸虛名畫豈工  
一帶垂絲春岸桺馳鞭忽易戴花風

淮南

漕舟飛過客登樓漂母祠前樹報秋地枕江湖連岱岳  
天開淮海是揚州淮古揚州地戰場舊握群雄策河勢初分  
二水流自是世兒無具眼坐輪荆布識王侯

維揚

朱樓十里舊繁華夕照長堤起亂鴉承相夜潮乘白馬  
國殤寒雨暗青蛇簫聲咽斷蕪城月雲色飛開甃社花

不是雷塘行樂處  
路人誰指玉鈎斜  
走鹿啼鴉古道傍  
英雄兒女俱堪傷  
胥濤不繞夫差墓  
蠡宅空隣響屨廊  
亂後梅根縈蔓草  
秋殘花影指斜陽  
魚腸劍冷專諸巷  
况復真娘碣藓荒  
中斷天門二水環  
凌歊佳氣有無間  
桓家紵舞峰酬酢  
袁估悲歌月往還  
百朶名花誰絳雪  
千年狂客自青山  
難成高咏看如練  
拾得秋江一片閒  
致陳越樓時予歸自五茸  
百尺樓頭三應亭  
好花當檻月當櫺  
藍輿挾客如陶醉  
黃蘗呼兒學杜聽  
擁卷只同南雁語  
關門不拒北山青  
笑予赤手尋秋返  
繞袖寒雲別洞庭

寄懷吳無齋

沙岸春泥兩度遊  
寒驢衝滑過城頭  
函雲洞口客旋出  
投子峰前鶯正流  
瓢笠幽尋同埜寺  
川巖遙集待深秋  
寒裳河水聞君到  
契濶翻添一路愁

歲暮別季父還淮南予亦歸四松矣

大江風雨暮天寒  
正值淮南木葉殘  
湖港潮枯初得雪  
村烟沙捲易流灘  
扁舟客自春前到  
千首詩從臘後看  
我亦辭歸荒圃去  
海陵邗水思漫漫

聞子規

何來風雨故園西應是春歸伴杖藜月下多愁殊百舌  
林邊分恨與黃鸝聲如蜀國啼偏切橋匪天津聽轉淒  
彌望綠蕪雲水濶好流新韵入詩題

懷李二嗣雅二首

君去臯城雪滿街春初幽興未全乖龍山梅靜耽眠雨  
鶴徑花寒急扣齋長耳背人趨古霍短笙吹夢落清淮  
靡蕪片片天涯綠不見狂生賦詠懷  
迢遞春雲傍楚天龍眠人在蓼城眠紅兒白紵穿林薄  
青眼玄經坐日偏佳客酒同金谷醉高歌詩共玉堂傳  
花源忘返君應得可憶清商黃鵠篇

閉門五首

自掃閒階自閉門了無人過獨成園微通花氣侵詩骨  
細卷蕉心淨客魂大雅床頭三尺水小山吟處一聲猿  
狂雲不斷紛來座答爾空餘沙石痕  
諸史橫緇只閉門未刪啼笑是愁根英雄有淚成花片  
兒女傷心剩竹痕何計春歸酬白晝無名風老坐黃昏  
彌空感槩旋高嘯天縱狂夫此故園

月訪風尋忽閉門啼鶯乳燕略寒暄鬚眉如雪何人識  
筆墨成丘止意存選韻客常貽菊史知心天亦助桃源  
經行瞌睡閒來話不負芳林衆鳥喧  
蕭瑟平生且閉門江關詩賦儘聲吞無心出世常觀槿  
非爲忘憂亦樹萱一片雲山成獨坐三秋風雨在荒村

饒他車上僂僂未必公卿長子孫  
邊雪秦雲剩閉門無情鏡吹也停喧  
鉏瓜圃有邵平客刈稻樓多米芾孫  
吟就人疑鬚欲斷放歸妻笑舌空存  
爲郎却憶十年事津吏江頭早細論  
過水閣讀叔父揚州寄題詩喜而有作二首  
無恙秋風舊草堂大江深處小池涼  
疎籬雨濕苔迎碧曲檻萍分水帶香  
客咏不離花逕月人歸仍踏板橋霜  
成都有屋依依近橘刺藤梢一倍長  
別去都門復塞門柴門仍傍白門存  
芙蓉一路葩初放榴火重然實倍繁  
詩發廣陵新旅夢江深草閣舊潮痕  
先生豈戀瓊花艷顚顚驪珠炤故園

雨花臺

諸天不雨六朝花臺上游人競物華  
僧臘幾叢殘寺磬裙釵一隊隔春車  
江銜落照遙飛樹陂起香風坐點茶  
繁艷場中有冰雪景方隣廟繞啼鴉

正學祠

正學先生何處墳南朝古寺隔殘曛  
當時目已無三恪此日人誰議六軍  
吾道未亾餘正氣官家若在肯移文  
年年杜宇春深血常使江東木末聞

甲辰元日

青峰白髮朗吟身珍重園花報律新  
賃廡坐來移歲暖野林分到入城春  
鳥窺竹葉同風笑雲染椒盤供客貧

不是狂夫好高咏江山日日助詩人

送芥須之湖約其歸訪四松

君過春湖竹滿蹊山烟流水伴鶯啼路從三祖道場去

望到黃梅法院西門士解貂充酒券將軍走馬乞詩題

歸來應向松間問野鹿林猿已定棲

與吳達田話舊

却憶東郊舊草堂城西衡宇亦相望故交零落世先變

新恨漸多顏已蒼有客飲冰悲劍閣誰人看樹紀河陽

直須白髮如年少日日聯吟到爾傍

宮人斜

東風黃土夕陽鴉憔悴朱顏掩碧紗望去塞鴻青草冢

銜來海燕白梨花漢宮夢冷新恩杳復道春深舊月斜

麥飯年年絕寒食生生莫近帝王家

賦得街頭初見櫻桃紅次小宛韻

朱櫻馳想赤盤春野味筠籠到市新寢廟幾殘時食薦

流鶯頻對落花嗔擊來羈客青駒騎舉似佳人絳點唇

大小落珠那用惜芳林園外久飛塵

文丞相祠

丞相祠堂太學中千秋柴市起懷忠

新朝謚雷擁天邊信國公青草尚堪留血食綠荷

前指厝英雄小樓入夜多風雨誰著黃冠問海東

次韻酬祝山如送別

藏書能借詩能和惜別何堪是暮春楊柳枝青離記室  
牡丹花放念遊人陽關一唱群知恨華嶽重探我不貧  
羨爾絳紗書閣裏誦聲高與樸巢隣

昭君曲二首

漢宮空老孰知名嗚咽琵琶異國聲身著黑貂沈大漠  
天留青草伴傾城還餘夜月深閨夢難賦秋風出塞行  
自是明光艱物色蕭蕭班馬送長征  
梧桐秋色雨淒其正是名姝出嫁時姊妹流螢團扇冷  
君王良夜綺羅悲但披圖書隨憐汝自失娉婷欲恨誰  
遺世佳人真獨立單于日日倚蛾眉

喜左藏一至

荷衣棕帽笋鞋穿特地過城爲訪仙慰我深秋詩療病

知君中夜酒無錢遠開馬帳遊天柱數寄魚箋話竺乾

與予叔屢書談禪聞道六壬新學就傳心直上市樓眠

汪瑤若亭子次韻

采芳人在聽秋亭蓮葉田田蓮子青獨倚微風飛燕雀  
莫吟團扇冷流螢參差石過花間雨潑刺魚吹水上星  
身是二龍山際客望來雲氣薄滄溟

移居次柬之默公見贈

墻東今喜近君公差說尊開似孔融有興直來尋老嬾  
多愁無計送詩窮范塵甑在家仍嗇阮巷書傳路已通  
叉手秃翁堪共咏不妨雙鬢久如童

喜徐半僧至次甲辰贈半僧韻

少我一年還白頭相逢能不同悲秋  
回思梅渚舊遊好却喜薑菴新唱酬  
客共故山春信到詩成破屋吟聲幽  
須君日日咏芳草火樹放罷予東遊

徐莘叟著作席上聞歌卽次莘叟扇頭韻

紵衣斑管奈情何良夜商音一院多  
宮調文章原激楚風流才子易悲歌  
無端湘女來環珮最勝秦青入網羅  
不是高燒銀燭曉何緣槎客近明河

贈程位公

淮陰有客自長干旅舍毋嗟行路難  
邀遂樓傳遺酒在釣魚人作故侯看  
羊裙筆墨江烟合馬帳笙歌湖水寒

天上石麀君教得東南佳麗儘盤桓

雨泊姑蘇

闔閭城外遠潮生有客長河帶雨行  
葭葦尚無飛雁信菱荷微動小蛩聲  
臨流燈火千家亂伐鼓樓船一水盈  
咫尺虎丘烟霧裏寒山誰問夜鐘鳴

李子亟口義仍詩從潘子借讀賦之

陽春一奏雨冥冥誰取歌喉拂卷聽  
四夢紅兒移角徵三生白雪散精靈  
才人七字騷兼怨狂客頻呼醉復醒  
我向秋天高拍手聲聲吟出牡丹亭

寒然聞怨

空谷佳人浪得名日斜猶倚舊柴荆  
春山自畫無生氣

秋水來看有歎聲西子未傳廊屨步東隣偏重綺羅情  
淒然欲買長門賦又覓相如賦不成

寄懷五弟馬溪司訓

菊田秋枕北門斜日暮臺城並看花野屐未忘三徑雨  
寺鐘猶帶六朝霞常懷阿弟頻爲客竟是狂夫弗憶家  
細把落英應得醉故山殊恨不天涯

入問李三石逋病山

秋光好覓步秋人藥裹翻羈林水身幾竹舞風茶影細  
編迎雨雀聲頻須知雒下詩同調莫聽山陽笛愴神

時難兄鬢  
嶺初逝

千樹霜楓紅未已床頭筇杖忍逡巡

天土述懷

夾巷單衫隨意出兒童誰識長官貧魚鹽列市有傭作  
牛馬任呼無主賓勿逐雌黃談入世且留青白眼看人  
嵇公饒有餐霞性鸞翮鍛來龍久馴

郊遊過鏡上人河橋同之印土值達田來章仲闇

玉青同食智園筍兒爰駿亦與

東門新漲擁河橋橋上頭陀拍手招小院野花迎佛笑  
隔隣佳筍爲僧邀閒沿澗路尋深竹誰逐溪漁趁晚潮  
皂蓋忽逢林外馬遊頭莫問髮蕭蕭

讀西頑客隱集仿西頑調二首

一卷西頑客隱詩詩懷何異在家時衣裝竟返龐居士  
比興還疑惠遠師游子官從新代說叅軍衙有舊人知



名山載得田間筆題徧匡廬又武夷  
吾黨論詩子必傳脩脩幾筆已如仙  
偶携大部存孤咏不共狂吟遂五年  
閩雪變成爲客髮江風吹送到家船  
維摩法喜堪逃佛况復同叅說偈禪

白燕

瑤臺有雀拭容輝曲曲湘簾剪剪飛  
玉女橫釵天際掠霜娥臨水夜深歸  
休疑碧落香泥誤莫訝梁園雪影非  
一片素心誰得似縞衣原是舊烏衣

送何道岑之薊門兼爲交順之遊

馬陵鳧繹過征輪大饗碑前欲問津  
擁道青山車裏畫渡河紅葉客中春  
蘆溝此際多新月鉅鹿當年幾戰塵

冠冕吳公門下士相逢知有報恩人

復雪寄顛厓

積雪未晴還復雪推窗擁榻又支頤  
伊人獨坐舟如繫賤子孤吟手似椎  
凍死雲能乾宿雀煨殘柏也廢蹲鴟  
天寒徑絕誰相問六十老翁來賦詩

送潘甥務滋遊成均

年少翩翩入帝京四門人擬對延英  
石經分得元龍氣曲禮傳來司馬名

司馬石乳公以曲臺魁會闈今甥亦治禮經

蘇頲有兒能

勝李漸離爲客且尋荆吹簫市上伊  
吾調可是當年舊

筑聲

贈顧仲書

音耳居牙卷四  
馳驟聲華七十餘才各自負比相如南皮雨散誰知已  
北海風流一問予馬踏關塵秦樹遠衣霑朔雪塞烟疎  
歸來白髮狂增健竹影茶香繞故廬  
和尊拙齋廣陵感懷韻  
隋堤楊柳暗迷樓俯仰興亡咏石流但有瓊花千古夢  
不禁明月二分愁飛章未少開門客大礮空懸列岸舟  
舊是連營藩鎮地傳餐先已下揚州

庚戌元日閣澡青詩二首

和風吹雪引庭柯誰傳新年一放歌望去瑤林元日好  
傳來玉署六編多常邀明月臨丘壑欲散陽春到薜蘿  
郊外同雲初轉律澡青山色已嗟峨

春燕秋鴻吳越中名區佳勝往來通簫分伍相吹餘咽  
潮帶錢王射後雄十里荷花香故苑一天梧雨濕離宮  
才人覽古多竒思飛落紅牋滿碧筒

木厓雨中鈔先輩詩將選成集矣

前賢遺草說相知大雅同堂勿更疑吟是趙州持鉢語  
人如投子下山時桐風入市將懸字夏雨關門獨寫詩  
不爲維桑專敬止斯文惟子與于斯

寄甥倩吳汝夢及女甥

江上風吹及早春思君正值看花辰冶梅辦宿久殘雪  
弱柳烟飄雨後塵白髮杖頭三徑草青山園裏六朝身  
千年松石知凶恙應拂莓苔待老人

錢塘懷古

吳越錢塘跨有名東南四十幾州城  
霧旗每駕明湖出戰鼓如憑鎮海生  
冢立儼然新王氣江來無復舊潮聲  
頻年西子荷花月常照遺宮細柳營

讀先達無聞堂稿

高祖園經署考槃蔦蘿陰處碧琅玕  
龍蛇跡向松關走鸞鳳聲從熨道繁  
青瑣解元名突兀身江開府調高寒  
曾聞大父尊題壁隻字珍同白玉盤

從叔梅師屬書大幅漫成書其上

髯樵先生行市中一條拄杖踏春風  
鬚飄徑尺色欲白酒適斗升顏已紅  
小几吟來詩句滿寒齋客到酒瓶空

特當大義軒然出笑却喁喁兒女叢

初卜園基吟詩送老于其中而卒卒未能園也再

疊前韻寄竹西

同人相贈一園風茅屋遲遲亂石中  
焉得萬竿迎到客也須半壁坐吟翁  
畦鋤久爲栽花荷詩眼應從畫筆空  
投子飛來書閣上幾時看掃最青峰

過綏人談詩

與子論詩迥絕塵連朝得句極清新  
白雲有夢依紅葉黃卷無靈對綠蘋  
討論不殊鹽裏味行歌還許澤邊身  
木厓遠出顛厓死賴此湖南一故人

蜀藻曝吾妹故衣潛然感賦次其韻

紙閣蘆簾失故人安仁孤影歷寒暄遺衫尚在無心曝  
封篋難開有淚存送到客愁重集夢縫來女手舊摻痕  
大雷何處投予字慰爾毋悲語又吞  
寄江甥眉瞻瑞昌  
赤顏峰表讀書廳日日衙齋倚翠屏作吏幾年離草閣  
同人十首見蒲亭兒能誦句如蘇武官必傳詩是九齡  
羨爾江城春色暮名山一夜蠹成青  
孫仲衍山中書至  
獨山山下有精廬避客山人玉不如聽水自携徵士杖  
臨風欲著放翁書楊屋鉄筵吹雲處李白瑤姬並馬餘  
珍重世交還念舊華顛朝起得雙魚

槐龍篇步徐文長先生韻雲中歸自書石勒軒前  
爲問狐飛地誰傳蟻國封荒荒邊雪照孃孃塞烟籠節  
駐關前馬名猶在柱下龍當階盤夏氣隔院任冬烘雨霰  
千年護山川一代鍾插條征戰後遺跡廢與中葉葉穿  
鱗瓜枝枝覆帳穹井頽餘繡澁甃塌古泉泓攫舞星沙  
暗騰騫曉霧濛秋鴉雲等級春蝶夢來通虬曲凝蒼露  
凄其咽斷虫榆錢當日楸槐里故家風選石珉垂久開  
尊席自公孤亭搖秀幕大漠剩殘烽開府金鞍立叅軍  
小隊從堅心水寂歷寒影月朦朧舊址黃輿過新陰綠  
蘚蒙二陵衰草沒幾處問行宮

黃州九日風雨集願赤方客寓限韻七陽

赤方黃公字也

客酒醉黃菊朋尊開赤方浩歌聲落落軒舞影堂堂楚  
澤芙蓉濕吳儂橘柚芳

赤方家于蘄  
玉峰人也

烟霜何索寞天地

適蒼涼冷集偏情熱懼呼只意傷茱萸寒佩澁琥珀夜  
斟長雲黑新流寓楓丹古戰場烟高舟易赭山落帽難  
忘壁岸多飛絮江離半浥香吾儕詩氣象世路俗鋒鉞  
乞食陶添韻依人杜隱狂且圖聯石鼎勿計別河梁雜  
坐堪懸榻登高怯望鄉滿城秋色裏風雨正重陽  
千秋思次尊拙齋九日三十韻時與友人談詩感時  
我輩愁偏渴當秋思轉涼高天容片塵朗月任千觴是  
地堪黃葉前村賸綠楊銷魂懷古字冷夢晒名場淺碧  
池堆露交紅樹作霜半堤常入望一段倏飛香野色荷

翻亂春懷鶯喚長草情猶狎徑燕語恰過堂

時同賦  
四秋也愛

客難投轄聞歌怕遶梁魔祛緣睡在恨到入游忘瞥眼  
看花落何心問菊黃傲傲憑舞醉磊磊笑詩狂岸有干  
尋陷波誰一葦杭世兒無利劍此道合迷陽豈識猗蘭  
操徒成急就章小儒惟覆瓿大雅孰推床六代塗鴉陋  
三唐畫虎妨集吟群倒案閒咏獨依廊彤管常飛白青  
山忽變蒼江烟從謝客燕寢學韋郎但可隨支遁焉能  
似陸康普天饑足繪五月肉成瘡星氣多傳青山川急  
報荒地搖非穩步穀賤反空腸碩鼠填城闕殘鴉啄稻  
梁我行惟曠野時變若探湯老屋吟胡補匡床懶合藏  
繁霜篇欲和搔首碧雲鄉

音耳  
園傍有陂可置舟舟曰恰受謂如老杜之野航恰  
受兩三人也顧舟成無期擬構一亭顏曰問舟  
方之舟之予特問之云爾次杜水宿遣興韻

恰受制何日問舟行欲迷苔深須鹿櫛花冗侯鶯篔春  
渡開沿岸秋荷淨引泥俯松濤出舫漾月鏡懸堤竹圃  
光橫上茅檐影向西幾行花鴨舞一片水禽啼兩槳時  
披卷孤亭倏杖藜養生誰適主物論不難齊北闕憑簪  
笏東風亂鼓輦曉人惟蜨蝶喚客有鳧鷖獨往頭先掉  
同心手並携能吟千賦虱解語一窻雞穩此蘆中座毋  
言李下蹊大篇甘汗漫短札勿投齋日永波瀾濶風悠  
苻藻低招招舟子興草草舊林棲我道緣應拙時榮分  
敢梯泳游如海運動止任天倪身逸纔知隱詩傳不計  
題破船浮水檻常老杜陵溪

清明日借兒孫出遊

寒食柳方綠清明花已殘老翁憑蹇進稚子帶鶯看游  
女歌零蔓幽人賦采蘭河關沙石秀僧社茗壘寒樂較  
盤鈴勝遊當舞袖歡堤波侵鶴墅圃菜狎漁竿藕脆枯  
泥出椿萌老樹攢健身惟令節佳興到河干落日林藏  
酒高歌野度灘歸程紛繞騎滿路碧琅玕

讀蒲亭倡和詩致姚小山

之子臨湓浦何殊治浚儀風行江漢遠樂奏鼓鐘遲二  
妙相憐並雙姝好合宜公堂傳化雉中闔叶關雎鶴靜

將翔羽蝶妍待畫眉德心弘樂育雅度合箴規漫說三  
人髮由來一指麾自輸釵鈿助兼疊綺羅施八寶攢花  
蝶千絲結繡螭香車迎淑女畫閣坐瑤姬有美東南秀  
同游大小隨齊眉芳徑立並步署庭移姊妹能依主妃  
嬪亦號姨薰衣衙退語洗硯案邊詞况值庸功日偏當  
生甫時酌觥田峻喜行潦牧人嬉應靚青鸞至來瞻紫  
袖垂南山臺有賦北極壽無期燕豫歌簾幙鴻飛重屐  
屨一家偕伉儷萬口祝熊羆鸞鴛歸明宰麒麟毓好兒  
公侯知必復千億抑奚疑功自賢媛樹津非妬婦嗤普  
天聞鳳嘖闔室兆螽斯識者心胥服同人譽共推錦牋  
書枕簟斑管繪臙脂逸藻翩翩集奇葩歷歷披謏才安  
鈍拙令望嘆歲蕤豔曲無能作香奩未可比而甥涉江  
水老友侑蓬池蕪草寧堪頌蒲亭代和詩畧陳樛木義  
曾記采蘩辭

秋夜經三席中讀敦復送其官滇南詩因憶敦復  
良朋天外碧琅玕表弟筵間赤玉盤半幅風流堪映座  
幾行騷雅孰登壇昆明祖道程千里燕薊檄書月一團  
馳想三秋丹鳳客貽音六詔碧鷄巒此時入直裁牋穩  
別後懷人驛路殘太白詩情宮裏見澡青山色句中看  
右軍墨妙真傳子曼倩名高豈爲官南苑螢流頻禁漏  
西山馬上只風湍和來白雪歌聲迭攜出香烟笑語闌  
宣政退朝成口號曲江陪飲勸加餐常拈翠管謀宵醉

莫典朝衣怯曉寒才子爲郎吾輩少翰林言志古人難  
荷池酌雨離思渴菊圃題花旅夢攢一望遠峰秋蠹蠹  
羣過西閣如三園中閣也興漫漫何當舊墅遲吟草賴有新篇  
代握蘭遷客逋翁相對咏亭雲飛向五雲端

步余澹心來韻

江南秋草夜鳴笳江北無衣可當家憔悴別離楓葉老  
不堪重咏赤城霞

吳岱觀孝廉畫扇

一片青峰水倒流橫空幾筆淡如秋非君久看西湖色  
安得西山引卧游吳西湖人

居庸道中

曉起橫雲帶半山寒峰幽露有無間淡描一卷生綃色  
不是倪迂卽小灣

秋堂讀書

冷垣寒屋正秋初塞草編簾雁影疎怪爾官閒無箇事  
一庭殘日半床書

哭王穆如陳伯倫

白玉樓成二子俱鍾山雲隱筆花枯萬松溪處閒明月  
猶照當時舊酒爐鍾山萬松昔日同讀書處

聞空同結腸篇

披君悲楚結腸吟颯颯迴風吹案塵大樹荒郊惟宿草  
傷心同說左宜人予妻姓封適同云



迴望雲棧

誰向雲山寫畫屏  
晚風朝霧薄秋旻  
橫開千里芙蓉片  
不是蓮花數點青

偶感二首

絕塞凄其酬唱多  
狐裘霜雪滿關河  
馬融帳裏新吹笛  
不記幽州馬客歌  
千山當面易東西  
一曲驪歌送曉鷄  
鸚鵡聲聲留客住  
忙歸莫信杜鵑啼

寄嚴公偉守戎塞上四首

邊沙的皪寶刀寒  
戈戟排門新築壇  
身是江南揮羽客  
吳儂歌入塞笳殘

官妓臙脂濕袖多  
轅門隊裏學饒歌  
後堂鼓吹傳芳讌  
好待迴鞭射獵過

冷地長吟朔雪高  
五年風雨恨勞勞  
怪來邊吏題詩樹  
留得將軍挂戰袍

阿蒙吳下好詩書  
揆我狂歌碑版餘  
君是兜鍪楊得意  
邊兒爭憶馬相如

春遊曲五首

紈扇常懷春袖寒  
女郎揮袂路傍看  
清明河上新成畫  
撫卷重吟張福端  
老婦春朝逐漫遊  
青裙舊布髮颼颼  
兒家膏沐曾年少  
不是生來便白頭

吳宮眉黛楚宮腰  
反向妝邨角翠翹  
不對鷄皮三少婦  
如何顯得董嬌嬈  
桐山郭外有西湖  
菘竹方塘菴畫圖  
竟作蘓堤春曉望  
可能吟徧六橋無  
傾都爭指赤城霞  
販負家奴拍臂斜  
今日仙真時得見  
不同劉阮隔桃花

瓜洲卽事

瓜洲弱女駕輕橈  
繡裹紅絲半束腰  
雙腕臨風嬌恹甚  
隔船呼出小郎搖

大羅菴祖西禪師塔

大羅天上不沾塵  
芳草繁花塔院新  
記得講經靈谷寺

齋堂橫坐一千人

江口書懷

三江口已別經年  
蘆荻騷騷逐客船  
刻戍營兵休聚問  
空囊只賸買魚錢

西湖竹枝詞四首次和默公

芳草青青柳似烟  
馬通今與畫橋連  
游人怕向招提路  
短後邊兒慣賭錢

半肩兜子半揚舡  
領畧湖山一片青  
莫上于公墳畔去  
滿天風雨暗西泠

笑絕荷花舊六橋  
狂且爭望美人跳  
隣家少婦新裝抹  
瞥向湖灣上小舡

臨湖高閣榜忠祠六一池前半酒旗牧馬黃頭渾不識  
馬鞭輕折向南枝

再次韵爲羈人遊女之樂於湖山者志其盛三首  
葑草長堤漁子呼湖鰻佐酒賽姑蘓遊人飯罷城頭太  
曾見湖干月上無

雙鬟覆額也揚舲唱徹儂歌蓮子青看罷岳墳看大佛  
兩高峰下水泠泠

活佛臨湖燈照祠湖風吹裊寺門旗祈兒女伴嬌無賴  
笑折佛前花半枝

偶感

鉛汞輸君煉法精雲邊鷄犬亦縱橫道人豈少神仙術

只是丹爐鑄不成

宮詞二首

乳燕鳴鳩夏日長白頭宮女說先皇深宮漏永苔花綠  
數點殘鐘過景陽

梧桐疎雨漢宮秋擊鼓燒燈院院遊一自漁陽烽火急  
同心誰與拜牽牛

讀史有感

魏其當日惱田蚡罵坐凌人帳下聞滿座八風終日舞  
如今偏少灌將軍

雁歸

童子遙傳雁影歸牡丹闌畔帶晴暉斜行字字含邊思

不學南天燕子飛

車中書所見二首

滾滾飛塵送客車  
遊梁高騎似相如  
不知劉晏司儲後  
可上江淮治粟書

平頭珠勒擁騰黃  
一路旌旄出故鄉  
載得黃金滿都市  
羣公爭拜度支郎

王安石節摘青城詩作畫子賦得柳絲低驛路

眉黛青青應縮愁  
腰肢低舞舊風流  
問誰挂住章臺色

畫角斜陽古驛樓

龍眠風雅卷五十目錄

水尾潘 江蜀藻輯

采石史 青藜同

同里方 遷子安

左國林 十五首

左氏如芬 三十首

彭 纘 十二首

潘 益 十二首

周康祀 二十二首

金鳳衢 十二首

吳弘安 三十一首

方無隅 三十三首

龍眠風雅卷五十一  
左國林  
木厓潘  
江蜀藻輯

龍眠風雅卷五十一

木厓潘 江蜀藻輯

左國林

字子忠號鶴巖忠毅公之叔子也順治乙酉舉人少與兄國棟弟國材齊名號龍眠三左

雜感

吳越人士軒蓋造訪以內交為幸既舉于鄉教授儀真益翁然嚮風升廣東南雄司理持法平恕民以無冤分枝鎖圍尤稱得士升河間府郡丞未及行而歿至不能歸旅觀所著有陵江草行世

美人抱瑤瑟哀怨彈別鶴雌雄南北飛一旦異栖託諒  
非金石性安得仍如昨猶欲悟君心朝朝佩蘭若豈知  
斗酒味昔厚今已薄徘徊淮水上長嘯風波惡

擬古

昊天轉時律大火西南馳攬衣起視夜明月鑿薄帷翮

翩征鴈翔啣啣寒虫悲紅蘭委芳采茵桂亦離披喬喬  
千丈松孤生泰山陲嚴霜裂其膚層冰斷其枝摧殘失  
偃蓋蒼翠終不移草木有至性偏容貞士知

冬雷行

朱明長子多受節毒虺噬研血中裂今年冬至驚雷發  
高棟承雲忍摧折乙卯震寢誅杜喬元康霹靂斷賈嬈  
雪霜連鼓響宵粵早占元龍煩制作莫將悲喜疑天公  
野人自恨耳不聾

江行

布帆去不極雲際見人家繫網青楓樹藏舟白荻花迴  
風喧雁鷺落日上魚蝦天矯江山翠停橈看晚霞

感時二首

百萬旌旗沒黃巢竟入關追兵憐秀實名將失光顏紫  
繡施金粟身裘狎玉環河西聲一振牛酒餉牙山  
僕固今驕甚樓船據上游朱顏環帳泣白骨滿江流橫  
草功難著包茅貢不浮 聖恩還錫命貂珥到霜洲

友人夜過

苔色車輪破庭陰榻不妨絺衣挂曉日茗椀過新涼文  
事原難竟詩名且暫藏自憐無一解得爾愛吾狂

弔龍眠

昨日春山信河流白板稀舊栽奴橘老新刈女桑肥錦  
鯉衝風擲絲禽掠浪飛修梧傷剪伐不得共芳菲

紀哀二首

何事張皇問守邊，徒薪高議在人先。  
曲江不祭翻蒙賄，潁水多仇豈餽錢。  
鞞有蒼鷹睨露井，家因白兔賤瓜田。  
宿囚老弱追呼急，邨舍株連斷野烟。  
松柏蕭蕭向北枝，荒城伏臘土人思。  
却憐朱邑營墳地，想見周章拔劍時。  
風雨滿旗都似泣，龍蛇畫屋尚餘悲。  
梁碑爭出希文手，處處淒涼少保祠。

送吳鑑在之閩

披裘行踏蔡溪邊，遙指梅峰鳥石連。  
岐路風篁吹雪嶺，中流花鳥醉江船。  
人傳箋奏勞王粲，山喜帆檣載馬遷。  
此地故家藏古蹟，好賚油素訪遺編。

錢塘弔蘇小墓

灑酒荒墳日落初，南朝粉黛近何如。  
所思誰跨青驄馬，相待空乘油壁車。  
薄命瑤華霜裏沒，同心羅帶夢中疎。  
西陵颯颯江頭雨，又值淒涼逼歲除。

塞上曲

將軍羽箭射天山，閃日旌旗出漢關。  
夜月欲開青海嶂，秋風先到白龍灣。

竹枝詞

紅袖垂風紫陌東，前村斜插碧芙蓉。  
妾從江上投魚信，郎在瀟湘暮雨中。

班婕妤

半道恩銷謝輦餘，搗殘銀管夜窻虛。高情不問羊車路，獨對寒燈自校書。

**附**

左氏如芬

字信芳，郡丞鶴巖公之仲女。進士姚非菴之妻也。幼聰慧，過人。讀唐詩至千餘

首背諷，不忘年十三歸。非庵太夫人方操家業，肅秩之外，益得研求書史。因從非菴學詩，出口便有林下風味。蘭閣倡和，幾無虛日。迨非菴成進士，謁選得浙之江山，單騎之官，不能挈家累。憂鬱成疾，甫及三十而歿。所著有續芷閣詩稿，非菴爲之授梓而屬其世。父眠樵先生序之。

懷吳姑夫人白下

修阻難相聚，離悵近一年。因君情展轉，添我淚潺湲。夢向愁中覓，心從病後牽。烽烟今漸息，好爲寄魚箋。

納涼

向晚深閨靜，流螢遶檻飛。竹搖牕影亂，花落樹陰稀。帶

露風初動，移雲月漸輝。欲眠愁未穩，爐裊麝香微。

初夏

忽忽薰風度，韶華病裡過。不知春色盡，但見落花多。拈韻消長日，看書醒睡魔。晚涼新月上，清影照藤蘿。

秋夜憶夫子

送君纔匝月，秋色又將闌。不覺流光易，偏憐久別難。夢隨江水遠，寒念客衣單。良會知何日，離情已百端。

寄懷隨鴻閣錢夫人山居

卜築成高隱，安貧賴爾賢。承歡同綵服，伴讀共青氊。久別常相憶，新詩摠未傳。徵蘭曾有夢，消息寸心懸。

移花



爲惜閒庭曠移來隔苑花根深和雨種枝弱避風斜倚  
檻從予好成陰望爾賒芳菲應計日珍重護惚紗

咏燈花

雨露何曾見開時不必春質偏宜向暖情獨畏逢辰落  
蕊侵殘局餘光惜比隣深闌傷遠別夜夜卜征人

夜聞孤雁

孤雁衝寒度悲涼似不平因風聲最苦照月影偏明念  
汝離群意添予別恨生驚心懷遠道歆枕夢難成

庚子七夕夫子應舉江寧詩以贈別

清江風靜浪初平身逐孤帆一葉輕天上恰當懽聚日  
人間偏有別離情蛩吟幽砌閨心碎月落寒汀旅夢驚

爲囑天門須射榜桂花香處好逢迎

送夫子公車北上

霜風蕭瑟入簾幃別思縈懷酒力微梅欲綻時人遠別  
杏都開處燕高飛九重天上開金榜五色雲中賜錦衣  
從此曲江春宴後紫駟蹀躞踏花歸

偶見雪片雪珠共成一律

六出花飛繞玉欄和風和雨白生寒飄揚似絮沾衣少  
旋轉如珠著線難徑外半隨人跡盡枝頭多被鳥銜殘  
却嫌党尉貪歌舞何不烹茶話夜闌

春閨

惜春翻易擲晴曛小閣晨鐘夢裡聞燕剪輕裁桃錦綻

鶯梭細織柳絲分  
鑪聲沸處時時雨  
香篆飄來片片雲  
情緒不堪愁向晚  
無端唳月白紛紛

初度書懷

屈指于歸十七年  
如賓竊羨古人賢  
毫揮却喜花生筆  
葭倚偏慙玉並肩  
繞膝佳兒披彩繡  
承歡嬌女誦詩篇  
相看不禁思親淚  
消息安能慰九泉

寄懷五姒張夫人

深閨惜別記殘秋  
每念音容淚暗流  
入夢蘭花應結子  
趨栽萱草可忘憂  
乍拋故里情如失  
雙侍名姝願已酬  
指日遷宮同返旆  
挑燈重與話離愁

菊月夫子北上詩以言別

強疊征裘淚暗垂  
秋風瑟瑟又將離  
曉天霜月常隨馬  
晚岫烟霞盡入詩  
野店聞砧驚客夢  
荒庭落葉動人悲  
欲知別後思君處  
小閣殘燈夜雨時

見新燕

小徑深深長綠苔  
烏衣還記社前來  
臨春畫閣銜泥入  
傍晚紗窓帶雨回  
絮語似憐人寂寞  
雙飛却羨影徘徊  
凭欄愛爾添詩思  
拂硯慚無作賦才

秋日病中喜諸姊夫人過訪留飲

強扶弱體起繩床  
抱病經旬未作粧  
握手反憐人久別  
論心却喜夜初長  
月窺玉鏡藏鸞影  
花拂青緗染蠹香  
他日分飛違雁序  
池塘春草夢難忘

夜坐懷夫子

閒坐翻書強自寬，孤窓寂寂淚空彈。  
風搖紙帳梅花落，月浸蘆簾樹影寒。  
短蠟無心和漏盡，踈鐘有意報更闌。  
應知旅夜懷人處，宿酒微酣客夢殘。

感懷寄夫子

廿年荆布效齊眉，中饋餘閒學賦詩。  
花下彈棋春永日，尊前刻燭酒闌時。  
才慚謝女聯吟早，情似高柔作宦遲。  
此日武林潮信近，好緘雙鯉慰相思。

題畫

樹色千峰裡，清流與岸平。  
片雲停不動，小鳥寂無聲。  
雨夜不寐

一夜瀟瀟風雨聲，愁人枕上最牽情。  
孤幃寂寞渾難寐，欲暗蘭缸又乍明。

咏柳

帶雨拖烟拂小樓，枝枝搖曳動人愁。  
柔條縱有絲千縷，不向江頭挽客舟。

閒居

竹陰籠日映窓紗，裊罷鑪烟一縷斜。  
蝴蝶不知春去久，雙雙飛上石榴花。

題美人看花圖

薄薄羅衣淡淡粧，花陰密處影深藏。  
幽情不妬雙飛蝶，宛轉秋波盼海棠。

暮春卽事

紙閣香銷午夢殘  
起來無力倚闌干  
桃花飄盡鶯聲老  
零落春光不忍看

秋夜夫子赴芸圃酌酣飲達旦

靜掩紗窗避晚涼  
挑燈獨坐夜偏長  
無情最是初生月  
不待人歸上短牆

擬宮怨二首

苔色深深隔繡幃  
經年玉輦不曾歸  
一從獨閉長門後  
羞著承恩舊賜衣

連朝愁病罷晨粧  
藥餌無徵暗自傷  
獨有能言鸚鵡鳥  
也將離恨罵君王

夢回

銀蒜雙垂錦帳低  
夢爲蝴蝶意還迷  
癡魂欲度寒窻月  
怪殺隣雞夜半啼

暮春病中書懷

懶拭菱花理鬢蟬  
參苓鎮日伴愁眠  
連朝買卜從無準  
檐鵲欺人也浪傳

彭

字孔哲號粥岑順治己丑進士時兩廣未平

甫釋褐即以僉事備兵蒼梧躬馳炎瘴中觸  
犯矢石屢著勞績論平粵西功升副使移節汝南  
復建軍功爲宵人蜚語所中而罷孔哲起家寒素  
能自堅立以成父志居官廉慎勤敏平亭獄訟擿  
伏如神西粵中州人迄今德之年五十六卒學者  
私謚季靖先生所著  
梧吟灘草越吟諸集

望遠曲

自入君家門三年凡九出今茲臨別言云歸當歲卒燕  
乳啜新泥芍藥闌芳蕊老去春又過忽忽若有失明月  
映流黃深坐轉蕭瑟欲書寄遠人含情慵捉筆獨寐夜  
愁長屈指日偏疾君今賦歸來論斷須如律自此深杜  
門裏足母再逸

閒望

空山滴蒼翠下有水潺湲古藤盤斷樹獨鳥下高原朝  
烟翳濕屋長堤白浪翻蜻蜓駐釣絲芙蓉映朱門高樓  
誰家女凭窻笑無言輕紈撲遊蝶高髻碍雲根手扳青  
梅枝玉環白無痕目光如有待游子暗銷魂

喜得汪徵五年兄消息

羽書來北極風滿粵江春天地歸才子文章老病身五  
年三去國萬里一孤臣日斷寒崖樹重教淚滿巾

送王含之赴閩邑任

橫經披絳帳惜別念芳辰才似南金重官如北郭貧榆  
烟纔出岫花夢恰逢春此去鱸堂上恩綸計日新

伍胥祠

吳越今何在凌空尚有祠山猶存故號濤自鬱餘悲湘  
漢流何極姑蘇月屢移劍丘知不遠時慰老臣思

送張雲閣應試

幾年海內誦雄文今日名成奏五雲自是天香須獨步  
故教秋色好平分洛陽紙貴張平子秘省書傳王右軍

宮錦槐黃相映發彩毫新傍御爐熏

哭沈景山年兄

粵西萬里甫投簪何事秋風臥碧岑七尺未銷千古恨  
一杯空抱百年心塚邊無字堪留石江上誰人更碎琴  
惟我憐君同鵬鳥滄浪曲罷薜蘿陰

送孔暉兄歸南

霜江沙接水雲寒驛路南歸健羽翰有客忽驚天上至  
無魚空負鉢中彈猿啼不盡三千里風起難過十八灘  
兩地相思烟霧隔鄉關應傍斗牛看

寄懷施尚白年兄督學山左

海濤聲起蜃樓平仙吏秋高擁絳旌懸鑑遠澄秦日觀

撤簾近接魯諸生七年瘴嶺違顏色此日天涯幾弟兄  
君入承明予避世辦香聊禮謝宣城

甲辰初冬同何省齋飲徐寧庵蔡抑庵兩憲副園

中分得山字

十年風雨夢相關執手驚看鬢各斑一世才名歸白社  
半生心事託青山追懽老去情猶在問酒閒來興漸刪  
珍重明宵還共對品泉逸石落花間

晴望

雨後流鶯送好聲晴光遠共戍烟平坐除世味惟耽酒  
靜識天心最厭名客裏兩餐猶病飽閒中一卷卽專城  
欵門客至留清話茶沸香芬拂小枰

閨怨

藁砧一去信蹉跎忍向天涯理權歌楊子渡頭連夜雨  
算來不似淚痕多

潘

益

原名映參字次益後以字行別號拙庵司馬  
公石乳府君第五子也少沉靜不苟嘗笑下  
鍵力學順治丁亥以明經博于建安衰衣登堂頌  
禮雍肅居以何制府中丞以禮幣辟為記室咸重  
其行誼以為庶子家丞兼而有之僑寓嶺南最久  
年五十有五卒于廣州共建安嶺南諸遊草什不  
存一  
二云

庚子仲春初度

清明前一日

作客忘晨夕有生不記年侍童頻稽首獻壽清明前因  
見桃花發方知二月天懸弧四十六立志本孤騫米汁  
從吾好筆花夢空傳叅禪蠲俗慮學道愧先賢泡影既

虛度光陰如逝泉平生未了事回首淚涓涓

巳亥元日

歲終終夜雨旅館倍淒涼歸思空千里客愁已十霜呼  
朋憑斗酒祝歲有爐香又是春風到蕭蕭白髮長

秋夜對月

月色清如水涼風向晚多竹床供睡穩村酒釀顏酡鶴  
語千山爽猿啼隔岸過此中饒逸興良夜自婆娑

嶺南卽事和白香山韻

紛紛輕薄欲何如世上功名有也無常笑柳生空乞巧  
每懷莊子善言愚見人盡唾貪泉水在事誰還合浦珠  
一自逍遙烟雨外閒看寤達總無殊

哭從子新孫二首

除夕偶逢鄉客至傳來死字便凄然七年相別嗟予老  
十世重興望爾賢家在舊京難獻賦身依荒刹孰談玄  
驚聞不覺神如失謝樹摧殘倍可憐

爾性最能忘俗嗜偏于清課覺相宜名香焚去常千縷  
怪石看來似九嶷幾筆丹青聊寄興滿篇飛白只移時  
優曇花下尋精舍坐久行吟得意詩

別友

嶺外逢君遂結歡芳名俠氣滿鄉關自知載石供清玩  
可爲思萼返舊山滇峽烟雲帆影疾珠江水月夜聲閒  
歸途正及春光好無數芳菲照客顏

咏夜落金花

斂艷含朝露舒華向日中金錢擲夜半怕聽五更風

雨中美人蕉二首

點點妖紅滴翠聲風流恰帶淚含情當年飛燕嬌無力  
未必芳姿若箇輕

綠映窻前葉自敷輕盈體態倩誰扶何當喚起王摩詰  
和雨描來入畫圖

讀無書

兀坐誰敲月下門園亭閒適看龍孫共君話勝十年讀  
滿架圖書奚足論

巳亥元日嶺南坐雨



頻年烽火未全消粵海居民亦太勞天意欲將兵洗盡  
故施靈雨在元朝

周康祀

字重禪崇禎間貢生其先本浙之紹興人以祖慶祐學博于桐遂家焉少失怙事寡母以孝聞好結納賢豪長者交雖久無忤色媾容桐罹寇患最烈重禪于防禦事宜輒抗言請諸當事動見施行撫軍張公亮雅相引重辟忝軍事六皖安堵實與有勞焉所著有爽塏堂詩及旅言諸集

過馬翔生山居

君獨厭城市幽居固所宜到來樵徑曲坐對嶺雲奇下榻空山裏移尊盛暑時深杯忘晝永樹影日參差

閣坐喜雨

小閣千峰對窓通送夕曛偶然山作雨旋見樹生雲孤客愁因減三農望久殷傳呼蓑笠急歌唱動紛紛

曉梵

柴門雖近市小院自清幽如坐無人境因思出世謀天風吹梵鐸夜月淨書樓聽到三更候翛然解四愁

金山

兩月重過此維舟試一登樓臺招慣客雲水任宜僧石向江心立潮從海口騰自然塵世外烟樹隔層層

留別龍禹九

締交情正好岐路首重回此日遽分袂何時復舉杯節憐小雪過舟望大雷開別後長相憶魚書莫吝裁

秋吟二首

入秋剛十日一易秋容樹老山無色天清霧不封平

音韻通雅卷五十一  
疇香稻滿隔岸野花穠最是尋詩處微風送晚春  
空階風雨過小綠障新愁萬井一時晦三更半葉秋守  
能甘我拙苦不爲貧憂多少悲歌意金貂感舊遊

石鐘山晚泊

落日維舟處懸崖一寺門樹深分晚翠石怪上潮痕湖  
口江聲合樓頭夜色昏好山看不盡鐘磬出雲根

橫潭晚發

雨過雲猶黑河流水漸消輕舸前路杳野寺曙鐘遙旅  
夢回孤枕羈心感舊貂橫潭渡口急努力莫停橈

桃埠河

桃埠河邊路年來幾次經忽驚春到柳可嘆客如萍不

寐吟殘月貪程看早星居人傳虎跡疲蹇莫教停

偕荆生山行

兩月花前共笑歌衝炎又入考槃阿青松一徑鳴流水  
綠竹千竿挂女蘿谷口風生嵐氣少山頭晴色夏雲多  
高攀漸覺天相近俯瞰江心漫碧波

立士書至悉揆百夫子盡節清河詩以哭之

剖得雙魚恨未平吞聲欲哭哭無聲軍中別我千行淚  
門下從公一啓行生死人情何足異正邪天道不分明  
傳來慷慨捐軀地河水清清萬古名

飲田家

願傍三農結伴居石田蕪穢尚無廬烟霞儘識村中偶

音耶風牙先五  
鷄黍堪停野外車動地秋聲楓落後滿天寒色雁來初  
臨風正好傾新釀一醉煩愁且破除

卽事

夢想曾經海晏年卽今誰復病相憐初香草樹還如故  
絕媚春山竟悄然江上大軍馳羽檄城頭積雨響流泉  
不堪夜靜鳴刁斗細柳新移負郭田

霽後登樓

萬花簇處草萋萋秀絕江山望欲迷輕燕未知何事語  
流鶯偏覺盡情啼樓頭樹色餘城郭簾外春風送鼓鼙  
好慰窮途新霽後莫言踪跡尚羈栖

偕立士閒步臥水池

方公堤上柳同攀携手行吟半日閒客久黃塵侵白髮  
冬來紅葉徧青山孤亭碣石堪憑弔官道漁樵自往還  
聞說冰池留勝蹟凝寒猶聽水潺潺

將之京師留別石二孺明府

五月披裘事遠征牽衣珍重別離情崎嶇驛路江南客  
辛苦鄉關薊北程賣賦祇爲將母計感恩惟說使君名  
揮絃退食如相憶試問何人薦長卿

舟過清河弔揆百夫子

河流清濁自分明到此驚心怨未平可惜鼎湖龍已去  
竟無華表鶴空鳴黃錢一陌飛塵土青史千年著姓名  
愧我亦稱門下士死生何事見交情

贈魏彩生

少年懶聽浙江潮，忍別西湖綠柳條。自棄微名辭宦達，誰將別信問家遙。囊因治具仍常澁，髮豈為愁亦易凋。却羨青油專草檄，知君端不負嫖姚。

山陰晤潘若菴

當時文酒共風流，別夢經今十五秋。乍見忽驚潘鬢改，深譚還為陸裝愁。狂來意氣壺仍碎，老去江湖筆未投。剩得子猷佳興在，為君遠泛剡溪舟。

贈戴其懷

朔風吹葉暮寒天，衰病支筇倍惘然。士不居官成浪跡，途惟仗友當豐年。常思精舍同僧話，可憶山齋擁妓眠。

一榻即今容我下，肯令虛擢剡溪船。

同明卿諸子游回龍宮

携手探竒渡淺灘，行行野寺惜凋殘。竹籬扉掩人踪少，瓦礫堂空佛火寒。紅葉一林當日落，黃花滿砌帶霜看。

登臨此地洵幽絕，酒伴詩情足放歡。

余鳳衢

字振千，寶應司訓。觀吾公之孫諸生象儀之

弟子員有平原二陸之譽。子彩，友愛最篤。兄弟同日補其喪。卯翼其孤，宗族歸義焉。母王夫人，太原郡侯王勝之後。二十九而寡，敗幃孤燈，矢節五十餘年。瞻然不滓，振千兄弟每為予述其懿行，嗚咽至不能出口。曾屬予為之傳，予諾之，而未敢以報也。錄振千之詩，至八十見曾孫之句，為歛歎者久之。

赴田父飲醉歸用少陵韻

二月春風和出門，看隄柳山畔杏花開。尋芳無昔友亂

後交遊稀相與在林藪長吟大澤間蒼然一老叟爲問  
君胡來邀我飲春酒未暇叙寒暄歡然執我手到門犬  
聲高穉子候已久堂上堆鉏犁簷下挂魚笥招來隣家  
翁老婦先開甑耦坐課陰晴只願兵信否斟酌頻傾壺  
半酣呼大斗所談無文字治亂不入口主客皆忘機昏  
昏已過酉夕陽趣我歸欲別更拽肘暮夜畏虎狼呼童  
執炬走扶杖咏新詩脫幘一搔首草堂睡不醒村家釀  
大厚

且耕堂落成

家世讀詩禮結廬傍村居連遭楚人炬一椽無復餘春  
燕巢林木花竹且根除書籍不復存安得飽蠹魚滿目

蒿萊地不苗亦不畚他邦弗我穀依然還故墟園林仍  
世業刈草結茅廬瓦礫如山積何以復其初膂力幸方  
剛兄弟共荷鋤老嫗可炊爨山妻可灌蔬豈無交徧謫  
歡然亦自如興來衣典酒天平未貧予風雨雖難蔽亦  
來君子車功名應已矣且還攤我書世運多否泰何用  
更躊躇菟裘堪終老山澤任樵漁憶我文章友多因亂  
後疎自守其愚拙常耻過情譽春初食薇蕨夏日愛荷  
葉四時饒勝境笑彼曳長裾頭顱新製好幾年未見梳  
欣然得此堂白首問居諸此中足嘯傲天地正欻歔  
春日同胡子兌方子詒子克雨中過望龍庵訪覺  
浪上人時上人自浮山來欲往匡廬便道縱陽

二首

破苔兩屐入禪林坐對青山無古今共羨江空明月近  
 不知漏盡白雲深庭前柏子隨人語心裏蒲團任自尋  
 綠竹荒崖來聽法勝將八水洗塵襟  
 浮渡烽烟未可留知君初為遠公遊月湖何幸禪心照  
 雲谷能將俗徑幽結社應辭靈運雜論文不是辨才流  
 是日論莊易甚快寒林更有悠然思那向輕舟逐浪浮

岳忠武

十載奇功一旦亾裂衣示背亦堪傷空留几上春秋傳  
 尚有墳前草木芳最怪書生先叩馬可憐父老哭焚香  
 中原雖未如君意棹楔雙懸拜鄂王

聞禁酷

生來壘塊未停杯新禁驚傳有詔來携杖既無竹葉分  
 繞籬空趁菊花開可能方朔仙家飲但免劉伶地下埋  
 太守從今慵作郡荒村夜月獨徘徊

老母八旬喜見曾孫

寂寞孀帷八十秋添丁聊藉祝添籌幾年膝上誇雙鳳  
 此日巢邊見小雛惟憫堂前四代老閒看戶外一峰幽  
 榴花朵朵紅如火風送香來逐酒浮

悼妾

回思絡秀入門初中饋經營亦丈夫厨間未有先言有  
 客至從無半字無不歷年來多坎壈爭知當日好枝梧

女兒十歲尋針線猶向堂前問老姑

病中學卜

插棘為垣暫卜居更憐多病懶扶鋤生來未得文章力  
半讀方書半數書

鏡中看花

一花平作兩花猜疑是花前影更開任爾雲中攀桂手  
爭能闌入此粧臺

水中看花

根從波上浮生巧綠葉鮮鮮闔碧瀾也有遊魚常嚼浪  
何曾嚼得一枝殘

病中看花

病裡花開夢裡歡清香撲鼻勝加餐常愁風雨花多病

不分當春扶病看

吳弘安

字備三又字定辭司馬雪厓公之伯子也順治壬辰進士授翰林院庶吉士一時應制館課之作多為詞垣傳誦以終養乞假奉父諱遂息影林泉每捧讀懷茲堂集循覽未終淚痕漬紙君子嘉其志焉所著石堂詩稿大宗伯王公敬哉序之曰自詩體變而性情隱深者過之淺者不及定辭合深淺之宜適其情性而止故其為詩無比句摹古人之意而大雅在目前矣旨哉其言之也

都門送別李萊馭孝廉

君來在予後君歸在予前同是長安侶臨岐獨泣然人  
生苦離別著鞭何後先錦帆渡淮水江花如舊年北風  
起玄旌千山聞杜鵑憶昨明經客今返孝廉船進酒高  
堂歡塹篴鳴綺筵昔人重然諾功名奚足傳落落踽涼

人不解素心堅君家秦淮里卜築舊相連吾翁同若翁  
相期時問玄問林湖海則豈容今古事  
淮上雜詩八首  
我行淮泗間霜風正凜冽黃河天上來淵流不可竭長  
波縈溯洞天光渾皎潔中有仙人居冥然與世絕但得  
河上源已知鍊藥說張騫掉孤舟隨風度烟城從來至  
人行迥與衆人別

百戰古淮北中原殺氣昏吳楚通喉舌燕趙固其門王  
孫惜芳草英雄懷舊恩留侯甘納履淮陰報一殮黃石  
與漂母千秋隻眼存假王起猜忌國士含沉寃不及弓  
藏日安知辟穀尊風雨吳鉤劍明月湘江魂悔不從赤

松乘鸞駕高軒

黃鵠志千里翱翔雲霞遊鶴鶴安一枝長林擇所投所  
適各大小不爲網羅收嗟彼鷄鶩倫流涎曲江頭一朝  
被束縛文錦披犧牛機雲才絕世鶴唳空自尤哲哉鴟  
夷子功成臥丹丘

軒轅鑄九鼎丹砂變黃金騎龍登天漢飛昇撫瑤琴俯  
視秦皇帝使人嘆荒淫徐氏載童女蓬萊不可尋漢武  
事王母露盤空格歆遠思不死藥未了是雄心豈謂秦  
漢後神仙空谷音但見天壤間纍纍金棺沈

鄴侯在衡山其志未可量軍中白衣公尚與聖人抗一  
被紫衣榮失却昂藏狀所以陶弘景只作山中相層臺



教生徒苓密以時餉余愧侷儻生千載思酬唱  
漢廷有弄臣銅山終餓死晉稱綠珠君敵國充羅綺豈  
無通神錢何以棄朝市恩私不相保倉箱烏足恃天道  
盈則虧消息饒至理吾讀貨殖篇獨取陶朱子  
神宗獨恭已五十年如春後皇事缺急秦川起烟塵嚴  
刑似秋肅聰察鑿天真政令悲荆莽禮樂失松筠鼎彝  
委丘墟衣冠等沉淪 皇帝平禍亂氣象一時新奮興  
開奧麗銳意在陶甄龍虎靜原野鯨鯢競水濱都俞重  
堂殿吁咈鮮臣隣安能汲黯憲難比魏徵嗔燕客終懷  
土吳人幾思尊秀色盈玉階菘菹瀟楓宸王風變太古  
靡綺不足珍願見寅恭世再臻風俗淳

世風日淪薄吾道竟誰傳顏曾不世出典籍銷秦烟可  
慨文中子持獻隋君前一言既不悟退處河汾邊仲舒  
徒對策子雲空草立韓愈文章伯李白酒中仙正音漸  
微茫大雅虛言詮天特啓程朱不絕道如弦 聖朝端  
士習所重在賢賢希聖如有託卓立貴無偏余亦志刪  
述敢效絕韋編

七夕作短歌

牛郎直兩角搖搖河岸頭其下有天田九點橫九州黃  
姑織縷縷夜夜聞河鼓七襄機杼成亦欲親簞簋斗爲  
天府庫次于斗度五去郎五十六迢迢望河澣漸臺輦  
道黃姑傍西流大火天蒼涼于時日月會鵲尾漸臺輦

道近牛郎七月七日維吉仰雲漢有霧匹耕者耕織者  
織衣者衣食者食漸臺輦道聲歡娛椒漿鹿脯相招呼  
下界不知天上事紛紛乞巧不乞愚愚者休巧者拙剛  
者齒柔者舌舌者存齒者折拙者鳩巧者鵲翼者搏脚  
者攬維鵲有巢維鳩居世間那得揚州鶴巧者憂愚者  
樂君不見如蚕作繭徒自縛如蛾赴燈徒自灼又不見  
牛郎但自耕天田黃姑不曾鍼孔穿年年歲歲銀河邊

玉河水泮

館課

帝里傳春律條風先到河餘寒猶積雪初旭已澄波折  
柳依流水潛鱗動碧莎方從凌室薦滄海徧陽和

虎丘

客獨憐春老遊還趁夏新登臨無限意徒倚欲歸人梵  
唄聲依塔山川光在晨生公今有石慧業豈沉淪

江曉

續寒

蓬嶼望無窮澄心託曉峰晨光如沐雨錦纜欲欹風遠  
水同雲白寒烟入樹紅逍遙隨所適秋氣滿長空

登牛首過嶠山草堂

石閣凌雙闕花風捲夕烟江明蒼嶺外鳥度暮鐘前塔  
樹團香國人天戀乳泉幾年茲一宿展齒但隨緣

秋日由柳峰草堂遊浮山四首

山淺難期靜家風仍草堂里荒如客寄農苦到秋怵病  
骨扶筇健籃輿帶月涼相逢林石外野老話滄桑

誰能稱大隱置此名山空予愛村居僻人傳花雨叢蘆  
殘湖外白楓老日邊紅評奕商立理冷然憶遠公

華嚴寺有

遠公與歐陽公  
因基說法處

石閣憑虛傲天風醉鳥啼披崖尋舊字染翠得新題盤

磴穿門突層苔疊徑迷徘徊今古勝一宿幾攀躋

舍利峰頭建浮圖事若何莊嚴天上少功德世間多先

子心如結千秋業不磨只今金谷洞猶念老維摩

余家  
曩得

舍利先君奉為小塔  
于巖頂迄今巋然

### 邱咏

展齒隨緣賦遠遊滿天風月笑吾徒硯田饑易驅人懶

斗酒歌難送旅愁喧過荒庭知有市閒來危坐意如秋

獨憐落落數交譜猶自逢迎老不休

### 吳門贈沈去疑先生

廿載締交推父執草堂深處為予開囊無剩馥存詩卷

日有餘情付酒杯歷盡平陂惟樂道談空今古只憐才

典型咫尺時瞻企展齒頻過問字回

### 五日憶秦淮

四年此節都為客兩度吳趨兩度燕鷄肋遲回多歲日

鴻音嘹繞憶江天庭蒲過雨仍凝綠梁月停雲幾見圓

我夢秦淮歸未得笙歌燈火夜分船

### 得家信懷兩尊人

鶯鳴江上語依依尤喜秋聲願不違霜雪已經高閣暖

梅花今見上林飛，夢回節序都忘久。接得家書便當歸，遙憶春筵分。帝錫稱觴諸弟滿，庭幃

賦得故園從小別

稚齒從遊，迫使星蘭陰。漳海學趨庭，只今到眼溪雲白。猶記浮山巖洞青，秋水稻花資旅食。江天石閣喜傳經，長安客老三年夢。幾見西園舊草亭。

孤吟

滿座猶餘手澤芳，小園松菊忽荒涼。牙籤錯落聲如在，樹影踈離履未亾。霜鬢慈親悲故苑，麻衣弱弟泣空堂。遺文展拂千行淚，淚灑秋風冷斷腸。

秦淮雅集詩次顧菴韻

秦淮簫管恰吟風，遊屐王猷逸興同。簾挂水晶浮月白，杯傳琥珀入燈紅。二三客至連吳越，十六年來驚雁鴻。北轍南轅看鬢雪，悲歡都付酒籌中。

郊外遊二首

一著羊裘不換貂，風塵到眼任輕輶。何須山水移文至，自有琴書隨意邀。多病難支濟勝履，少年如折老人腰。先生夙臥滄江穩，偶逐春潮度板橋。

舊好扶筇入翠微，山家日暮尚開扉。投林松鼠學猿挂，歸岫江雲似鶴飛。團野花濃泉眼淡，撐空笋瘦藥苗肥。丹鑪既冷茶鐺熱，白石烹來可耐饑。

石堂玉鮓花詩二首

十萼胎何處千枝光及辰一看一長嘯疑是百花神  
香亦無心送幽還趁日新鉛華俱謝色獨見夏中春

樓居

青溪繚繞欵荆扉郭外群巒列翠微入夜星紋低欲曙  
萬家燈火照人衣

尋梅

亂蕊稠花叠叠開披襟曳履帶星回有時風雨顛狂處  
快取茶鐺當酒杯

方無隅

字仲禮號抑叟大晉之子性敏嗜學隨建寧  
公入閩晚歲恬退不應舉以筆耕自給有抑  
抑齋集子暹捧而登吾堂稽首再拜屬為表襮  
且損其傳經之贄以佐棗梨抑叟為有子矣

苧帳歌

不羨鮫鮪與綺縠白苧歌成玉盈幅夜深明月照流蘇  
曉起一天春霧馥何須幽夢到梅花隨意于于枕芳菊  
遜彼銷金絢彩霞却勝輕柔裁楮縠此心本與朴素期  
四時高臥黃梁熟

病起盥櫛見白髮有感

莫謂貧非病都緣髮欲斑霜威明鏡裏月色寶屏間老  
大悲身事顛危痛世艱書空徒咄咄何日一開顏

故園僧去知偶過綏安以詩見投次韻答二首

避世憐無地奚因杖錫來一瓢閒自挂百慮寂如灰談  
極應成笑詩工已熟梅遙瞻投子焰何日釋疑猜

詩

平生多浪迹惟喜故人來身世都如夢心情亦已灰還  
驚雲外鶴偏憶隴頭梅清磬山中事幽尋肯自猜

將歸送紹興陳太英先回里

彈鋏俱千里相逢何可言浩歌徒白髮慷慨付清尊海  
霧三山暗林霜十月繁送君歸故國予亦返柴門

半室吟

半室蔽風雨栖遲一榻間夢魂誰是伴形影自相關仗  
酒支長夜憑書娛少閒提携孌女至獨對欲潸潸

過鳳臺山寺

鳳臺山下寺老衲近知聞性懶能煨芋身閒且叱雲拈  
花供獨笑擊竹許誰分賴有蘇居士談禪到日曛

酬內兄假居

香山吾老友假我屋三間性懶宜幽徑身潛喜近山梅  
含金谷遠雁度石溪閒不盡兵戈慮銜杯且放顏

贈友

大隱何辭市茅齋且寄居下簾時讀易開篋間藏書醅  
自閒中發花從靜裏舒相過談往昔夜月到窓虛

除夕

五旬又過一寂寞度幾年歲自空中守杯從悶裡傳覆  
簷餘臘雪刻燭待新烟欲識明朝事晨興且看天

送李士雅之臯城

嶺海歸來後名山徧訪時相逢憐舊識促別憶新知不

爲牛衣泣都緣馬鬣悲送君東郭道春酒弗能醜

獨笑

漸喜無多累晨昏不復忙爐閒常瘞火囊澁尚焚香  
借三杯引詩消五夜長餘年能自適朽棄亦何妨

偶見身有名白頭翁者感賦

白頭名在草供奉著竒思不謂林中雀猶生髮裡絲  
曉飛霜覆額暮宿月籠眉若使臨明鏡當能助我悲

秋夜喜雨二首

銀缸間獨對靜夜雨聲幽生意初回槁焦思暫釋憂  
詩成蛩未歇酒至蟻能浮滴落空堦葉瀟瀟不爲秋  
坐久因忘睡披衾不厭聞漏聲方帶潤花氣盡如熏燕

切辭南夢鴻乘出北雲還愁打門吏藉此益紛紛

旅中除日

謾謾松濤急群言此夕除人皆忙貰酒我獨靜觀書  
窮極文難送詩多祭可疎此身俱是寄不必問吾廬

秋日感懷兼柬季弟

半生顛躓類莊樗底事疎狂祇讀書貧到無錐還自立  
賢從有廡寄人居登樓賦俛思分鳳彈缺歌殘幾得魚  
砧杵聲因寒色至敝裘重理閱三餘

建寧署中望金鏡瀑布

雨洗蓮峰窗外過秀餐爽氣翠微多裁成百道銀絲錦  
散作千行白玉珂霞起赤城疑曉月星臨碧漢絢明河

誅茅得向深林隱坐對流泉好醉歌  
次韻和友人冬日登冶父訪星師  
寒谷回春律已吹幽尋容與入山時僧閒客至身先報  
壑靜風生竹預知龍象法中叅定慧虎溪橋畔識津津  
拈花一笑忘言後南渡重來又是誰  
李中郎卜居故里賦贈  
午睡初醒日欲西藥欄花亞短墻齋泥衝香徑雙飛燕  
絲挂芳枝百轉鸚稚子能文欺白雪蒼頭習稼引清溪  
我來醉舞南山側借得鷓鴣任好栖

九日同克承方山道宗登高

登臨莫厭陟崔嵬况是吾宗作賦才紫蟹乍肥憑酒剖  
黃花未吐著詩催南天氣暖霜無信北道風寒雁自來  
小艇明朝歸路穩又從江上盡餘杯

入門口號

我到山前聞杜鵑雁鴻又度皖江烟傳經未是春風座  
理篋空餘秋水篇愁聽吏呼徵白鏹幸無酒債索青錢  
候門童穉欣相接徒手歸來盡惘然

贈省非上人

瑗也當年識舊非師今省矣復奚疑行叅雲鶴天邊影  
歸結鷓鴣月下枝衣裏有珠原屬我燈前是火竟爲誰  
好將半偈閒敲著煮得清泉茗熟時

奉挽三叔建寧公



滅度人間七十年祇今了却此因緣宰官說法衆人母  
居士修心佛子禪乘彼白雲來冉冉瞻將紫氣尚仙仙  
玉樓賦就經營慘沽酒何須惜十千  
解館留別從子遷  
傲骨從來不受憐得君如對謝家玄三年戰北知予邁  
萬里圖南賴汝賢帳角梅花清入夢階前霜葉冷催羶  
人生聚散何能定好把新詩匣裡傳

次韻和王廷美晚春

簾痕拖綠怯春過病爲春愁貧爲何司馬病來猶貰酒  
原思貧去獨高歌聲如金石窮方著味似醇醪醉已多  
九十剛餘三五日沉疴羞澁幾蹉跎

春雨二五日

天祿何年問杖藜牙籤初拭小窻西山雲忽覆琴書潤  
溪霧遙連樓閣迷幾片香魂梅已褪數竿疎影竹全低  
栖林會有乘時鳥猶怯春寒不敢啼

春遊

鑪添新火篆烟長春服初熏著處香燕剪頻分瞿麥綠  
鶯梭潛擲菜花黃無山不引遊人醉有竹能招逸士觴  
閒把茶經相對較雨前雀舌又堪嘗

題友人幽居

明月挂松梢影徹清泉底鶴夢恬復驚幽人琴未已

題友幽居

無那春愁懶畫眉含情爲拂錦箋遲蠅頭寫盡柔腸恨  
欲訴臨風付阿誰

田翁

小橋流水傍人家門挹湖光帶落霞  
檢點牧童收晚犢餘閒共客話桑麻  
化山師北關外構茅屋成詩以落之二首  
結廬容膝便相安坐對幽篁幾萬竿  
煮得山茶親滌椀客來須當小盤餐  
杖藜郭外問幽棲度得危橋是虎溪  
鳥語花香憑作供可容一笑夕陽西

龍眠風雅卷五十一目錄

水厓潘 江蜀藻輯

淮陰丘五典徽五

參

同里吳兆熊汝夢

姚文製

四十一首

葉文鳳

十一首

戴弘烈

五十五首

龍眠風雅卷五十一

木厓潘江蜀藻輯

姚文烈

字觀侯號祀懷樞部戊生公之伯子也順治

陽司理明允詳慎轉辰州同知升雲南楚雄知府  
其地民獠雜處廣悍難治觀侯撫以恩信山賊伏  
莽則單騎躬詣其營曉譬禍福靡不款服未幾以  
外艱歸士民擁道哭送者萬餘人太城邑數舍有  
北園方理松菊之荒以吟咏自怡而病作于哀毀  
之餘矣宦遊三郡家無長物其猶樗叟之遺風乎

橐盡

黑雲連雨足烟花靄暮天春晚迷荒徑俯仰不成眠汝  
陽能三斗少陵有一錢何如吾橐盡筆硯成荒田狗監  
誰先入牛衣空對憐清風當戶曲撫景彈鳴絃簞瓢居  
陋巷顏氏亦稱賢

夏白菜

去夏尚一月稱名何太早荒圃引蔓絲刈除煩野老雨  
過土力强葱翠環周道呼童提筐篋摘來剛盈抱拾薪  
止自炊清酒供潦倒脆質柔且甘顏色潤枯槁蔡澤饜  
肥梁焉知此味好

柵鷄

辰州署中作

傍石築荒署蕭疎似野村茅簷覆殘壁編籬作小園鷄  
鴨不長數祝祝任朝昏背距無格鬪孳息覺漸繁飲啄  
安天性亦知負日暄西陽兵火後溪蠻暫羈樊荒壤已  
刈獲田家樂瓦盆無如軍精急負戴咸馳奔倘得再休  
息餘粟飽兒孫長吏勤撫綏能使風俗敦愛物通治理

悠然古道存

沅州旅舍

上天布同雲四野忽一色雨雪已霏霏竭蹶盡吾職沅  
嶺復嶙峋羸馬恹登陟將暮抵田家荒涼少門闕疾風  
四面來頽垣奚庸塞枯藤縛繩床偏側傍荆棘比戶僅  
殘黎居然無盜賊男女負軍芻往來不遑息長吏雖徵  
呼相顧亦悲惻何時罷遠征生長盈千億

修路行

辰沅一帶山高水深因  
大兵入滇有修路之役

官界任畚築驅馬出冰衙高山勢猙獰巉巖復欹斜疏  
鑿傍危峰屈曲通谿窄逼路參差蜿蜒若長蛇羣力  
協農登頓令土脉加坦然通兵車寬平無險表春氣動

微和幽蘭忽已花耕作人民稀田園少桑麻深嶺惟虎  
猿向晚聲喧譁策杖投前村荒烟水一涯脫粟與濁醪  
醉飽如在家循分盡吾職安敢懷怨嗟

### 宿界亭驛

駐馬纔誅茅倏忽屋已畢松枝四五椽插籬不暇密僕  
夫雜坐卧一榻僅容膝溪風吹我面傍晚更蕭瑟新漲  
聲潺湲蒼巖勢崒嶭頽垣散荒烟問名乃廢驛俯仰憶  
昔年盛衰端匪一廐馬二百餘居人有千室遞經恣亂  
後民窮時亦詘區畫雖有心修復苦無術

### 園翁送菜

苦雨已三春入夏復炎熱地氣多阻閉生意不能泄兼

值人民稀朝夕灌溉缺蔓草繁荒畦嘉蔬失時節盼望  
踰數旬每食常中輟何幸園翁來筐筥手提挈青青各  
異名芳脆俱堪悅王瓜嫩且清細嚼如冰雪野苧雜蒿  
苣奚分優與劣鹹酸能調劑足以供饕餮無用致書求  
凌晨帶露擷果腹博一飽策杖過山凸閒誦杜甫詩彌  
歎東陵哲

### 飛雲洞

距鎮遠九十里

入黔多險峻此嶺更崔巍岩洞炫奇巧斧劈自天開怪  
石皆嶢削峭壁挂蒼苔猙獰如獅象結構似樓臺三峰  
面若笋鶻立不敢猜下聞澗底泉澎湃復潈洄大士踞  
其巔萬物等塵埃旁有月潭寺古柏夾道栽細雨添新

綠涼陰滿院來淪茗銷俗慮何必羨蓬萊

鋤友人園

自笑滔滔何所見妻孥萍梗寄他縣時寒事多違性情  
智拙語皆覩顏面連朝秋響集羣木客懷展轉如車轂  
未得故鄉理舊編漸見場圃登新穀時雨霖霖灑平原  
田家鋤地開且喧我亦窮途無旨蓄半畝從君學種園

月坐

時兒子士陞士奎在側

獨坐高樓月清光無一塵貧能安世俗拙亦見天真山  
水憑飄梗詩書慰苦辛寒帷賴爾輩提誨漫諄諄

發權白門

十年多聚散建業寄浮生兵革饑荒滿兒童項領成詩

緣身歷細貧覺倦還輕早晚風帆便溪田待力耕

渡江有感

來往此江上憂勤生事微無人逢狗監空自泣牛衣風  
卷浪花薄沙藏草色肥故園霜薤白臘月正當歸

風渡湖南草堂刈稻

遙聽鷄聲午柴門逐水開舟停知岸近犬吠識人回涼  
氣先秋得饑厨待米來呼童勤刈穫谷口又聞雷

時方苦雨

看僧花間理豆架

老僧荷鋪往撥霧到園林石漱泉聲急花含雨氣深絲  
牽初引竹葉覆欲生陰種豆今將實淹留傷客心

病中懷內

音韻原雅卷五十一  
作客非吾願持家爾更難貧能輕險阻老不耐風寒生  
計青氈舊功名白眼看思卿頻入夢井曰報平安

李商隱同聖林叔自崑發權姑蘓

日午揚舫去輕波靜不聞山平隨艇轉水澗向田分密

樹溪藏屋微風淺度雲竹林堪笑語何必嘆離羣

歐陽南康舟中望匡山

高風留勝蹟突兀水雲邊石古千峰聚天空一瀑懸城

橋隨曲岸野燒散晴烟迢遞西江路疎鐘送晚船

宋少卿過宿州

茅店猶依舊勞勞不倦遊橋迴一曲水樹暗幾家秋路

坦知裝薄時和喜稼收牛歌將唱晚寒氣入烟浮

自漢陽赴辰州任道次子奎歸里

不必臨岐戀清風在漢陽職雖司擊斷意只勸農桑古

岸千邨遠晴江一葦航橫吹催早發簡淡有輝光

春溪

好雨連朝暮飛泉響太虛分流滙衆壑引脉導微渠野

徑從橋轉春花待煖舒涓涓如不舍石底見游魚

松溪

松陰兩岸直夾道一溪分偃蓋尚留雪高標竟拂雲山

迴花片片石冷水紛紛漸覺村烟杳猿聲嶺上聞

界亭曉發

野澗土膏沃春光草色齊好花沿澗發高嶺出雲低路

窄人扶杖澗深馬恹泥疎慵慚老大山水日提攜  
辰州發擢赴武昌之新任

五馬膺新命光輝彩服鮮笙歌喧祖席有核咽賓筵翠  
色千峰合灘聲一水連臨風無限意把酒轉茫然

歸過辰州

春來經此地宿霧隱高城人覺今年老泉猶舊日青青  
山明遠秀白鷺浴初晴父老攜筐篚殷勤見爾情

謁吳駿公司成

二月湖邊春水平蒼茫紫氣動層城蘭臺自許金莖秀  
槐市今看玉珮鳴白下爭傳楊伯起絳帷應有鄭康成  
懸知南國多高足寧數東京太學生

別友人

三春朝夕感殷勤又看榴花隔院分惜別江淹纔有賦  
送窮韓愈久無文輕風紫燕高低出永日黃鸝遠近聞  
尊酒不堪長嘯傲湖山烟水惜離羣

旅寓新秋有懷山居

秋雨澄鮮暑漸蘊柴門小竹挂魚罟方塘纍纍垂蓮子  
曲樹深深蔭木奴空爲浮名糜歲月已將枵腹累妻孥  
何時杖履還三徑脫粟瓜棚酒一壺

將離漢陽別董防守

滔滔江漢賴澄清大別何須鐵鎖橫擬託萬間藏我拙  
誰知千里別君行傳梅珍重香盈袖折柳徘徊月滿營



莫唱驪歌頻勸酒，聲聲愈動故人情。

解纜憶家大人

三載遨遊漢水濱，蕭然懸釜自生塵。及瓜雖代仍貧吏，戲綵無從憶老親。細雨鳥聲依石壁，輕雲雁字滿江津。故園梅信年年早，寄到辰沅計已春。

曉起

曉起晴光到眼明，舍南弱柳倍輕盈。山來鏡裏添眉黛，水近窻前聽櫓聲。竹葉涼生書幌靜，松花香映酒瓢清。芒屨不用窮崑崙，滿目烟雲在郡城。

草堂卽事

屏息塵囂一室中，如予宦况幾人同。堦前榆莢舒新綠，檻外榴花放淺紅。細揀舊方遺鼠婦，閒拋餘粒學鷄翁。稍霽薄祿心，何繫擾擾升沉任轉蓬。

舟中送內子歸里四首

淑日清風錦纜牽，兩年連上洞庭船。千峰疊翠來衡岳，一葉歸帆接漢川。促膝妻孥煨芋栗，滿床瓷甕雜詩篇。裝輕雪夜燈前坐，信宿滄江晚樹烟。想見歸舟泊水濱，新承簡命去瀟湘。又辨滇南嶺上裝，只爲一官輕萬里。也須隻影耐三霜，家園依舊貧猶劇。詩酒于今老更狂，莫憚間關烟樹遠。平安雁字亦能將，入秋多病已冬初。瘦骨支離返舊居，江上片帆隨去鳥。故園三徑有安車，君臣配藥須常揀。子母無錢且自如。

小閣梅花應爛熳開窓閒展昔年書  
扁舟握別大江濱再拜依依託老親  
豈有鼎烹誇祿養但供菽水稱家貧  
迂疎似我寧甘拙輕薄如人不效顰  
早晚遂初須決策相隨白首慰艱辛  
道傍烹茗

過澧州驛店

宦遊渺渺五千里烟樹蒼蒼去路賒  
匝月未交滇嶺道春風盡放楚天花  
馬嘶古驛殘陽裏燕啄新泥舊酒家  
向日策鞭何處住武陵僧舍晚棲鴉

雨聽子規

耳邊春去最分明宛轉相隨幾日程  
野樹蒙茸看不見閒花掩映聽多情  
時時啼落山頭雨處處聲催嶺上行  
回首故園三徑在應從烟柳伴流鶯

曉起

几簟陰濃朝氣涼披襟緩步遶迴廊  
閒心似水同僧况官舍依山卽草堂  
柳葉千條能避日菊花五月已生香  
開窓欲送窮無策漫讀南華老叟狂

草堂卽事

披衣早起自焚香官閣清閒歲月長  
藥笏種來經雨綠

槐陰深處得風涼行看野水環城郭坐對芳尊待夕陽  
笑我渾忘妻子累孤筇只似在家鄉

草堂割蜜同劉子試新醞得觴字

初寒曉起却凄凉曝背迎暄坐草堂閒割蜂房收蜜早  
偶來蝶隊識花香雲烟入望家山遠名祿羈身歲月長  
案牘無多看亦易且開菊酒共飛觴

感懷

五溪桃李儘芳菲終日潛然對落暉十載悲酸雙佛去  
孤帆迢遞一人歸韶光荏苒才華暮琴鶴蕭條生事微  
自愧思勤無以報蓼莪空有淚霑衣

葉文鳳

字子羽號岫雲順治戊子副榜考授推官改選浙江長興知縣長興爲西浙望緊之邑連

賦纍萬子羽起家田間熟諳民生利弊于猾吏豪  
右不少假貸故能斧劈理解戶無逋糧案鮮陳牘  
綽綽乎遊刃有餘也康熙癸卯邑大旱居民採木  
皮草根爲食故事磔犬血投龍井可致雨子羽曰  
龍神物豈以大汚自嚼指滴血井中澍雨立注其  
異政不勝舉于錢穀禁革歇保勒石爲令民尤德  
之所著松關舊詩北征旅言諸  
集姚子經三爲之序以行世

入山

騎驢入山家山致樸而雅水聲隱在溪蘭芳幽在野禽  
鳥自往來猿狖各上下相見但拱揖相招亦壺屮衣冠  
總率真語言未涉假山茶爲我烹山尊爲我瀉兒童似  
故知笑問騎驢者

春湖

蕩漾沙汀裏風光總送春堤垂詩上柳舟載畫中人嫩

藻留灘細游魚出釣新烟波堪嘯傲茶竈筆床親

秋夜

秋意入林樾松濤萬壑聲天高疑月小嶺峻覺風輕歷  
落柴門靜空明湖水平草蛩迎夜氣清響達溪更

雨餘

一村烟雨細灑潤入書堂近圃看瓜綠循塍聞稻香蟬  
鳴初爽樹鴨噪乍盈塘坐聽農歌發家家早滌場

雨後飲村家

風爽知晴穩林香引屐行秋來平野濶雨過石溪清白  
酒隣賒取黃鷄客到烹晚涼仍未去蛩語抱疎檠

京邸初雪

歲暮諸愁集天涯况苦貧買蔬克午飯曝日損晨薪古  
佛相依久微官未即真六花何太早偏冷客中人

九日遊友人園林

古樹蕭疎間密篁沿溪夾岸有迴廊入盤秋果從風落  
撲鼻野花何處香蠟屐不妨橋上著箬冠偏稱客中裝  
主人留我籬邊酒何必茱萸盛滿囊

松厨吟

長廊百尺蔭書堂小構清厨近不妨入爨時收松下葉  
洗盂但汲竹邊塘奚奴飯熟烟初歇野客談溪茗漸香  
曲戶涼颺消夏暑筆床移置鼎鑪旁

六祭 御茶

清明帶雨採茶辰六度蘭舟過此頻父老已知官長舊  
兒童偏喜歲時新渡頭柳葉青如豆墻角梨花白似銀  
經眼未能留信宿春光應亦笑勞人

漁家

短櫂輕帆任去留漁家兒女共扁舟朝敲石火烹魚出  
暮趁溪光曝網收呼伴每來楊柳岸醉眠多在蓼花洲  
長河夜夜浮螺蛤明日生涯不用憂

白下歸友人見過

有客凌晨欵竹扉山家酒熟正當歸莫嫌對酌無清味

葉底秋深摘豆肥

戴弘烈字山民號燈巖順治辛卯舉人性淳篤雅工文詞家貧早孤事節母孫孺人以孝聞與弟

研最友愛名擅一時四方人士稱龍眠大小戴籍甚屢舉南宮不第考授司理後改補四川成都知縣成都地衝民瘠凡賦調繇役軍需儲待及往來郵傳置頓皆取給焉山民應時立辦民無苛擾尤加意綏撫歲增戶口千餘墾田數萬頃暇則接舉廢墜如武侯祠堂浣花琴臺諸勝蹟以次修復諸大吏倚辦如左右手方疏薦于朝旦夕備大用而以勞瘵嬰疾竟卒于官卒之日貧無以歛同官據金賻之乃得歸所著詩文有朗瑯齋集西嶽遊草

留別陸子玄王勝時諸子

彼美雲間彥倣儻蜚英聲文章擬先秦詞賦追西京振  
衣矚四海意氣何縱橫有客掉扁舟故人倍深情穆如  
清風披朗若冰雪瑩贈我金琅玕飲我白玉觥旨酒兼  
嘉羞高唱吳趨行秋風吹曠野遊子東南征戒徒候明  
發關河自崢嶸去者心留戀居者意屏營所以僑札交

音韻通雅卷之三十一  
縞紵若平生願言崇令德千載寶榮名

過釣臺謁嚴先生祠

羈客苦淹留嚴霜理孤櫂  
暝投七里灘薄暮展遐眺  
溪徑自縈迴圻岸復奔峭  
平臯翠靄垂絕嶺丹霞曜  
樹遠鬱層陰崑空澹餘照  
別鶴雲中鳴鷓鷄天外叫  
緬懷肥遯賢披裘事耕釣  
秉尚愜幽遐棲真得要妙  
追古發清權振衣激長嘯  
遠蹈景高踪毋貽達人誚

寄懷宋子建

淒淒暮秋日百卉繁以衰  
玉露凝蘭臯金飈動庭帷  
愁人夜何適起步臨堦墀  
念我雲間友中心傷別離  
美人久寥廓迢遞越水湄  
憶昔奉几杖朝夕荷恩私  
何幸大

厦陰許借鷦鷯枝綢繆敦古懽  
婉孌及良時濡毫騁文囷翰墨  
同淋漓散屣遊西園壺觴共遊嬉  
本謂同心人金石長相期豈意膠漆  
固一旦竟睽違仰視參辰星河漢正  
參差恨無雙飛翼臨風向天涯去年  
孫子來訊問知容輝蒼蒼松柏操歲  
寒常不移晞髮南山陽垂釣東海陸  
大兒最聰俊下筆摘雄詞小兒復英特  
顧盼青雲姿頡頏在霄漢騰驤入天池  
顧予車轍窮徘徊此路岐何時理舟楫  
得覲君光儀願寄雙鯉魚慰我長相思

邵子峻孫古隍齋頭賦別王子箕南歸

遊子客京華索居寡儔侶緬懷僑札  
交投贈託縞紵悠悠湖海心意氣未  
輕許道逢王子喬仙姿若霞舉豁達

披襟期綢繆寓毫楮對之如飲醇頓使忘羈旅更有素  
心人邵平與孫楚放懷睨古今高談呼爾汝瓜果羅芳  
筵醪醑佐清醕明月發浩歌秋虫亂悲語仰視河漢微  
隣鐘動疎杵

長歌行壽朱右立

朱生慷慨天下才少年結客黃金臺雙眸炯炯虬髯碧  
談兵說劍如風雷我與朱家是同里季心劇孟聊堪比  
把臂應逢魯仲連拍肩願結魏公子烟嶼霜浦亂素秋  
牙檣綿纜上荊州扁舟獨弔鄂君渚酌酒還登庾亮樓  
陰風摧裂鳴刁斗東達武昌西夏口知君抗節立賊庭  
一聲叱咤黃巾走徒步蕭然來帝畿寒江霜雪掩荆扉

謝公墩畔黃花滿孫楚樓前白鴈飛聞道漢庭多黨錮  
詔獄株連及厨顧李膺范滂同日收張儉申屠縣官捕  
爾時匿影吳越間飯牛屠狗俱無顏擊筑吹篪人不識  
春花秋草客江關維揚京口烽烟始塵沙黯澹櫓檣紫  
玄武湖邊鳥亂啼石頭城外笳聲起驃騎都尉各前驅  
朱君手持金僕姑錦鞬羗弧雕羽箭黃駒紫鸞轡珊瑚  
東海逢君一長揖誰是乘車誰戴笠殷勤頻問故鄉人  
把酒挑燈歌且泣柳嫩桃嬌二月春翩翩車騎集芳辰  
畫堂絲竹萃燈爛錦檻歌鐘翠幕新勞君拂拭大羽扇  
指揮天地風雲變短衣疋馬歸田園日召賓朋恣游讌

酬彭燕又

蘆花楓葉晚江秋十月扁舟湖海游道逢彭子把我袖  
招手同登百尺樓贈縞班荆古來有北山草堂坐良久  
倒屣初開北海尊解裘更貰黃公酒浦近春申秋水寒  
階前玉樹青琅玕綠沉花拂珊瑚架翠濤光滿琉璃盤  
嗟君卓犖天廟器久困鹽車不得意西蜀楊雄徒著書  
維陽賈誼空論事邇來筆札上林開看花疋馬春明廻  
拂衣羞擊荆卿筑閉戶愁登郭隗臺龍驤虎變君須見  
茂陵豈竟長貧賤攬轡應期江漢清揮戈直使橈槍變  
况有兒郎復不羣王氏青箱江左聞日誦萬言何足道  
飄飄詞賦氣凌雲憐余奮袖歸鄉里慷慨高歌揖遊子  
攜手河梁贈短笈檣帆遠涉江湖水君不見吳宮楚榭  
俱荒烟躬耕誰是南陽田滄海桑田何必問卧龍躍馬  
非徒然

挽船行

孫恩戰艦出海島軍興旁午供芻藁天子赫然整六  
師詔下江南事征討牙檣錦纜秋風高徵催牽夫羽檄  
勞沿河州縣下急牒排門僉點誰敢逃倉皇泣與妻孥  
別佇立不行氣哽咽科頭赤脚水中牽長繩短纜沙堤  
挈滿船盡是八旗兵幾日并爲一日程千夫萬卒誰更  
換朝朝暮暮挽船行高灘急浪舡舸過身上無衣腹飢  
餓紫髯碧眼督前行鞭裂皮膚指雙墮鵠鷓夜叫生悲  
風血濺胭脂鬼火紅錦衣肉食者誰子坐使老弱同飄



蓬王師已抵秦淮上誰念窮黎半死喪可憐肌肉飽烏  
鴛寡妻猶倚門前望

放歌行送趙天羽南歸

九月燕山風凜冽桑乾河水聲悲咽趙生倚棹將南歸  
手挽長條不堪折拂衣欲歸可奈何我輩遭逢偏軼軻  
愁來擊碎鐵如意當筵拔劍爲君歌君才磊落良不偶  
黃初詞賦傳人口十載空陳痛哭書承恩宣室竟何有  
逢人意氣凌雲霄寸心耿耿相期久飄零賸有驪驪裘  
呼余時典當爐酒酒酣耳熱神茫茫漁陽莫笑禰生狂  
眼前多少鯨鯢輩小者牧伯大侯王不則黃金千萬鎰  
早博長安執戟郎何用讀書破萬卷轅駒蹙蹙太行傍

趙生趙生休失意富貴浮雲等閒事江上扁舟好著書  
故園明月堪沉醉況有高堂白髮親還家正值綠衣新

稱詩介壽酌大斗調高郢曲驕陽春送君鼓枻邗江路

時天羽倚寓淮揚烟雨滄洲朝復暮南池酒樓一追攀西山回

首空雲樹

酬別孫古墜歸武水

京雒塵沙高百尺疋馬短衣傷跼踏白眼悠悠行路人  
道逢孫子數晨夕孫子家世擅江東虬髯玉面凌清風  
騷壇直踞建安席體勢不與齊梁同憶管射策明光殿  
草奏凌雲天子羨燕昭市駿劇辛來漢武臨軒主父  
見共道蓬瀛第一仙鳳凰池上客翩翩石渠天祿較同

音韻原卷五十一  
異董鼂公孫競後先詎知造物有深意盤錯由來試利器  
秘書未許屬詞人案牘還來親長吏去年幞被入長安  
五陵裘馬爭交懽意氣偏與剡溪合文章山水恣盤桓  
一時湖海多同調屈指趙吳與王邵燕市日和荆卿歌  
薊門夜聽孫登嘯始知我輩交有神眼中之儔誰等倫  
偶然相視忽大笑傍人豈識襟期真君時呼我飲醇酒  
我飲一升君一斗醉後睥睨雙眼寬茫茫天地終何有  
座中更有張麗華清歌妙舞解琵琶飄零自訴當年事  
淚濕青衫愁轉賒愁來擬效窮途哭鹽車空老霜蹄促  
十載蹉跎五上書至今未得沾微祿勸君卮酒君勿悲  
男兒遇合會有時天生七尺何爲者四十專城亦未遲  
君今拂衣不肯住驪駒曉發桑乾路梁鴻惟和出關歌  
張衡且著歸田賦吁嗟乎人生聚散俄頃殊河梁執手  
空躊躇春鴻秋鴈常相憶短札殷勤寄我無

登采石磯弔李供奉常開平

挂席來天際艤舟傍水涯山川留翰墨風雨護旌旗翠  
嶂藤蘿合丹崑栝栢垂憑高一長嘯日下海門遲  
過單狷菴先生白鷺菴

小徑青苔長橫橋綠水平開尊侵竹色移榻近松聲疎  
雨柴門晚斜陽谷口晴到來幽意愜相對說無生

越中漫興

仲連曾蹈海平子欲歸田草暗瘡痍骨秋深戰伐天猗

蘭王者操叢桂小山篇洵美非吾土登樓客思懸天  
四明道中

久作淹留客因成汗漫遊雲霞滄海曙風雨鏡湖秋  
路疲羸馬清霜點敝裘神州空極目搖落賦登樓

蘆溝橋

千里桑乾水分流控帝畿岸隨春浪靜沙捲暮雲飛  
鹿長楊繞盧龍一鴈稀馬蹄芳草路慚著敝貂歸

濟寧

時海警初定

落日艤征棹蕭條太白樓漕艘喧閘口軍堞颯旄頭鼓  
急城鴉亂烽高塞雁愁偶逢江上使驚喜問揚州

山中秋夜

地僻秋光迥天高夜氣清繁星連草碧疎月照花明  
雁初無影吟虫故有聲茂陵多肺病何處望金莖

塞下曲

鏖吹下秋聲長榆暮草平烟迷克國帳柳暗亞夫營  
朔雪千山曉邊烽萬井明漢庭飛將在一戰取龍城

長門怨

畫閣麗秋陰輕颺動桂林花飛宮苑寂葉落御溝深  
別夢馳雕輦離情拂玉琴相如詞賦在未敢惜千金

銅雀妓

花落朱甍暗烟燼碧瓦銷管絃何處醉粉黛向誰嬌  
掩淚收綦履含愁整翠翹西陵松柏路風雨自蕭蕭

東吳山公

吳質南皮彥風流世所欽  
郢中高白雪燕市少黃金  
天地浮雲暗關河落日陰  
鍾期猶未遇山水乏知音

冬夜集孫喈公晚香堂送別李岷瞻還關中左子

直遊東粵卽席分韻

今夕故人酒期君十日留  
一丸函谷地千里瘴江舟  
適

粵陸生囊歸秦季子裘  
河橋歌折柳去住總生愁

聞鴈步錢山銘韵

客中逢鴈度倍覺客情傷  
有字侵朝露無家背夕陽  
草

黃沙積暗蘆白水天長  
羨爾凌風翼翩翩萬里翔

出都門作

大火正西流役車行未休  
黃沙埋馬足白日澹城頭  
路

灑楊朱淚秋深宋玉愁  
三年彈指過底事客幽州

真定別蒲佩珩子客都門與蒲同寓

京洛追隨久聯鑣又幾朝  
銜杯停野店折柳上河橋  
秋

月隨邊鴈晴雲壓塞鵬  
故人揮手去寥落是今宵

北征述事

遠燒圍荒堞頻年飽戰烽  
畬荒籬落盡蒿長華門封  
堠

吏拋宵柝田家輟暮春  
何時羣盜息秉耒事春農

恒山道中紀事二首

古堞千尋直平疇四望齊  
場閒容犢卧屋老任鷄棲  
遶

郭穿荷沼真定郭外荷香十里循阡種稻畦  
此中饒勝槩不異草

堂西

一夜瀟瀟雨新添幾尺波牛車沿徑少魚罟起潮多介  
馬防馳道居人負渡河計程愁未達前路起樵歌

江舟晚行

放艇乘風迅天寒日易昏沙洲雙槳動石瀨一星翻草  
暗波心影潮添水面痕行行聞犬吠燈火露前邨

龍眠山行雜興四首

十里龍眠路沿山住幾家田畝編棘護墻壞縛籬遮農  
喜晴鋤麥僧忙夜焙茶峰頭時一嘯藜杖不須拏

左思招隱處茅屋有三間亂石緣溪布枯藤礙路刪松  
棚人語鬧竹塢鳥聲閒高卧北窓下柴扉不用關

好山看不盡選勝入雲峰鴉立欺牛背人行印虎蹤秧  
針渠夜引茶莢霧晴封何處藏蘭若天清響梵鐘  
孤峰何壁立荒壠傍高原碧澗環邨舍蒼松指墓門萬  
家旁未置五畝宅猶存勺水皆先澤毋忘我祖恩

江上

落葉江邨暮輕舸繫大堤樵歸官渡口犢卧女墻西野  
店晴猶閉沙田凍未犁長年沽市酒敲火夕陽低  
同黃子正出居庸作

偶謝承明太聊爲塞上行千山橫朔氣萬馬動邊聲上  
谷風沙暗漁陽鼓角鳴江南庾信在蕭颯盡平生

恒山訪董體安留飲賦贈

時請真定府幕

恒山古上郡背指五雲高  
乞祿知難待折腰  
寧憚勞名同盧從事  
詩比謝功曹  
牢落應多慨  
挑燈讀楚騷  
十里荷塘曲亭臺  
覆夕陰客來頻  
命酒吏散只鳴琴  
陽羨音書遠  
滹沱冰雪深  
風塵應有暇  
拄笏縱高吟

咸陽懷古

表裏山河在  
提封四塞長  
秦皇傳二世  
漢祖約三章  
故壘蒼烟沒  
殘碑蔓草荒  
閒情何所適  
駐馬待斜陽

過陰平別吳雪岩二首

延陵爲政地  
傳是古陰平  
草滿姬文廟  
花飛鄧艾城  
春晴馴雉集  
波暖浴鳧輕  
更喜邊烽靜  
登樓清嘯生  
靜江樓上望  
白石水粼粼  
玉壘濤如雪  
天池月似銀  
負

薪多熨女輸稅半  
番民剖竹當邊塞  
勞君撫字新

登小孤山

馬當西去小孤峰  
艤掉閒尋物外蹤  
碧浪斜開金菡萏  
丹梯橫劈玉芙蓉  
風迴廬嶽濤聲壯  
日落天門海氣重  
我欲登高吹鐵篴  
秋江寂寞有魚龍

九江

戎馬瘡痍已十年  
潯陽灰劫倍堪憐  
水分九派濤聲潤  
山抱孤城塔影懸  
野燒荒原銜落日  
秋風廢壘起殘烟  
蕭騷此際江州客  
一曲琵琶意惘然

章江感懷

滿林落葉送秋聲  
殘角霜天一鴈鳴  
細雨孤帆彭蠡澤

斜陽衰草豫章城故園楊柳牽鄉夢岐路關山繫客情  
見說湖南烽正惡中原底事未銷兵

懷孫大振公雲間

卧病荒邨嘆索居故人懷抱近何如一時湖海交遊盡  
千里河山戰伐餘夜雨空庭常對鶴秋風古渡正烹魚  
遙憐有客飄零久不寄征鴻尺素書

訪山中隱者題贈

野竹編籬好結廬種成蘿薜欲褰裾家貧常設高人榻  
地僻還勞長者車栗里自芻元亮酒蘭亭應擬右軍書  
我來剝啄閒相訪潦倒清尊興有餘

過鳩茲訪羅瓊柯先生

扁舟江上雪霜天絳帳依然舊講筵采石磯頭楓葉下  
峩睂亭畔月輪圓中原詞賦悲王粲草閣詩書老服虔  
手訂一編書甲子逢人猶話義熙年

月夜遊虎丘作

平楚蒼蒼落日曛荒榛衰草闔閭墳寺臨野渡橫春水  
僧到寒峰卧白雲庭樹巢烏朝數子湖烟宿鳥暮呼羣  
姑蘓何處吹簫客明月千人石上聞

贈錢西頑

十年相見轉相親燒燭西窓夜雨頻蹈海自成天下士  
過江原第一流人立言白澗傾高座圓頂方袍老逸民  
知爾更饒豪上意馬蹄容易學全身

春日郊行即事

名園亂後已全非  
結伴攜壺入翠微  
楊柳一灣黃犢卧  
稻田十畝白鷗飛  
板橋流水逢僧話  
官路斜陽送客歸  
遙指北邙山下路  
野棠細細點春衣

送兄令及下第歸里

黯然無語悵離筵  
疋馬西風早著鞭  
憐我術疎甘廢棄  
嗟君學就亦迤邐  
晴窓好種宜男艸  
高座應分博士錢  
從此天涯姜被冷  
池塘春草夢中聯

兄以副車就廣文一席

送黃子允幼鴻歸里

燕臺日共酒人歌  
折柳其如別緒何  
君去正當和璧賤  
我來又積漢薪多  
憑將利器經盤錯  
豈有長才老澗阿

此夜尊前休慨嘆  
秋風易遣鬢毛皤

送春夜雨不寐因憶慈仁寺海棠

春光九十忽經過  
嘆息年華付逝波  
簾外雨聲渾不歇  
枕邊愁夢欲如何  
西山翠色千層秀  
古寺松濤四面多  
祇恐海棠數莖樹  
朝來零落委泥沙

長安早秋

殿角金飈送早涼  
荀桃滿架綴秋香  
鴻飛督亢陂烟白  
日落居庸塞草黃  
客爲悲歌增老大  
地當西北易風霜  
自憐憔悴無家者  
楚水吳山正渺茫

關山嶺

鷄鳴策馬陟山椒  
望裏烟嵐倚碧霄  
蜀棧八千雲縹緲



秦關百二路岩崑禽棲高隴寒能語山多雪積長條凍  
未消日午停鞭思暫憩翠微隱隱露團瓢

雷江答龍理戾和韵

消渴文園已倦游况逢雨雪倍生愁最憐老近風流減  
羞上關家燕子樓

龍眠風雅卷五十二目錄

木厓潘 江蜀藻輯

繁昌魏善長與同

同里齊 亮然四 叅

汪鶴齡 九十四首

汪啓齡 五十五首

汪遐齡 十一首

龍眠風雅卷五十二

木厓潘江蜀藻輯

汪鶴齡

字羽年號會山少參端簡先生之伯子也少

文學枚及馬樞部倩若馳驟菴苑才名頡頏順治  
初即致諸生罷制舉之業刻意工詩能沐浴其先  
人簡軒之集而出之以秀脫圓穩雅為四方稱詩  
士所推許臯城徐太史莘叟尤酷好之以卷亂播  
遷之後家產蕭然至無錢儻一畝之宮往往佗係  
無聊形諸歌咏可悲也已手抄會山詩集凡數十  
卷嘗為子誦其佳句音節琳琅若出金石今  
錄其尤者若干篇亦以慰吟魂於九原云爾

讀先簡軒集感賦

詩貴適性情風雅良可肄陋習入駢靡浸失作者意先  
子束髮初便已就佳句取體薄葩騷選辭追晉魏真性  
無繁響簡益得其趣博士老行歌花封兩作賦歷官錢

穀中亦有風人致六詔求俊逸三津擁車騎所歷佳山  
川詩歌隨攬轡世道忽云改劫灰燒天地一卷冰雪姿  
流傳殊不易小子慙負荷先業得無棄祇賴此淵源不  
隨滄田墜每憶趨庭日歌風叨鯉對半生讀父書猶慚  
詩律細簡篇紹弓冶心神擬篋笥春巖燈火餘佩韋敢  
辭瘁少陵誠子語詩是吾家事墮先人所言腐史身厥  
罪重鉞梨棗貧令人發深懼

田家咏懷二首

昔賢厭游策情耽林壑美襄陽歸南山彭澤田粟里素  
心良有尚世榮安足侈鳥飛戀舊林游魚洽溪水我已  
倦行路農夫甘沒齒

長日照田家蔚然盛草木青青五株柳嫋嫋千竿竹但  
取容膝居相與友麋鹿犢出共開扉燕棲同俗屋高枕  
卽吾廬因風展書讀

夏日飲瑤若鹿莊池上

鹿莊好山池花萼四時茜春去夏復來門柳鳴禽變竹  
筍大一拳荷葉如團扇時響空山鶻已乳雕梁燕招我  
及衆媿陶然共懽讌家醞旨且多鮒魚美新薦山翠綠  
簾櫳池榴紅筆硯雨後細論詩暝色去猶眷稚子索紙  
筆筐果羅相饒扶兒策杖還溪瀑白如練

歲晏行至吳函雲水部

皜皜立霜白奄奄短景紅冉冉歲將暮時序去何匆南

枝有巢鵲北鄉動歸鴻人無金石固生事如飄蓬終年  
少稻梁所急且租庸卒歲賦無衣盡室杼其空况復遭  
時閔何以禦窮冬感君故意長念我心忡忡不惜贈人  
言如關同室弓我有芷蘭詞歌爲文雅雄才宏今詩伯  
和答如叩鐘奇樹畏苦霰女蘿悲迴風嗟予守窮賤恨  
恨奚所終君本池上鳳亦老人中龍願托晨風翼問子  
以窮通何遜官閣梅杜陵草堂松二物重歲寒吟愛雪  
霜容折貽吳水部亮節將無同

山中對雪有懷蜀藻石經齋二首

衆鳩集枯桑夜雪覆山宅天沒曉雲黃溪續長巒白高  
城迥欲封騷壇遙以隔我謠北風詩偶憶南園客

憶子騁妍辭家扉看六出初壓幾枝梅漸覆千竿竹定  
咏絮滿庭還映書連屋那停皓叟筇吟分酒一斛

過田家

青青堤畔草冥冥原上烟老農起飯牛朝耕東山田古  
戍倦遊客閒來循陌阡相詢農桑事高話先皇年野無  
吏胥呼歲可餘十千以此經百戰小城猶屹然近苦黍  
稷稅庚癸呼最先文吏拙催科所恃明宰賢大兵非孔  
道年來稍息肩鵝鴨日已滋蒲柳日已妍不自離鄉土  
終年守弗屢我亦東山叟未能高枕眠家乏三畝宅悠  
悠五湖船愧彼荷鋤子猶自愛林泉牛羊下高岑鐘磬  
動暝天樂聞田家語使我不能還

采蕨行

孟夏盛草木山巖產不竭農人田彼苗吾亦愛吾蕨雨  
溪蕨初肥離離南山凸杖藜偕同志剪趨清和月螻蝻  
行正鳴靡草踏已歇采采盈傾筐呼兒負猶挈青勝籬  
下瓜黃先原上麥烹可當餐飯猶餉山中客我賣負郭  
田妻兒飽無策七貴門難過五鼎足易折肉食吾所慙  
藜藿未爲拙

山亭懷鄧毓之

亭前一泓水山上百尺松睹此清蒼意思君冰雪容築  
室依北郭扶杖望東峰常懷苦吟侶高卧幽潭龍

宿有莊葯房思舊有賦

朔風獵獵吹四野旅櫬人歸黃山下兒女中堂泣縞衣  
親舊枯楊繫白馬生芻陳罷酒漿進相留大被宿茅舍  
夜半風吼虬龍枝窓前竹覆鴛鴦瓦寒月皎皎星復爛  
照人敗絮寒入踝有客展轉不成眠老淚因爲故人灑  
山城訪舊半零落鷄壇孰是長年者葯房倍挺蘭玉姿  
燕臺已售驂騮價客裏金盡西日頽身前事付東流瀉  
生旣成名中道俎傷哉仍是一貧也廣陵琴在人彈  
鄴架書留翰誰寫羅戶秋蘭猶青青度曲侍兒空啞啞  
思君夜臺無故人寂寞誰與共杯斝爲披蕙帳恹空帷  
相視桐山失大雅吁嗟乎流水絃斷知音亾延陵劍向  
寒枝捨山陽廬畔笛三聲哀哀向秀涕盈把

讀龍嶠瘦鐵吟詩集作歌投贈  
自古文章士峭然貴神骨發為性情言壽世永不沒才  
人匣裏有雄鳴劍佩錚錚聞鐵聲筆如老梅鐵作幹峻  
增瘦骨空蒼清陳侯之筆堅無比鋒鏘三溪淬秋水蒼  
山高唱梅閣開鐵笛吹之聲相似我從好水讀新詩片  
玉碎金光陸離筆老東坡海外日文過太史龍門時漢  
魏三唐馳腕下海濤澎湃黃河瀉近代風人罕其儔獨  
立騷壇擅大雅持此遨遊易水隈白雪歌響黃金臺自  
寶神駿千里骨徧傾燕市五侯杯而今郎署栽花萼鐵  
梅閣作官梅閣冰心不改白玉堂懸門還似青山郭琅  
函芝檢日盈盈老筆清姿仍落落一編貽我旅館吟披

之價重雙南金自珍賈島詩情瘦還愛林逋野趣溪旅  
人眷此素心意終朝坐卧名花林高哦瘦鐵何陰森

秋霖嘆

人情重稻梁憂時有早潦潦溢還同雲漢愁秋潦尤勝  
夏旱槁今歲剛蘓秋雨天那堪靈雨漲平田秋濤響似  
春濤壯山霧深與江霧連十日空崑斷旭霽白波渾接  
碧天際泉飛木末見芙蓉亭浸水中舉薜荔萬壑千溪  
石吼風繞屋身在波濤中木樨雨過黃梅濕蓼花谿泛  
桃花紅鴻鴈稻梁饑且切蟋蟀寒催床下咽祇向樓頭  
聽鶉鳩未從枝上聞鶻鳩已閉雷聲卧蟄龍誰將潦雨  
送千峰衣寒濕動砧前杵穀熟登妨村外春吟窓怕聽

音學原卷五十二  
空階滴荷裳冷共厨烟濕點點聲衰公子蘭蕭蕭韻冷  
湘妃竹君不見皇天歲有秋飛湍無嗟后土何時乾長  
卿秋園霖溢溢陶潛風雨宅漫漫請君且吟秋水河之  
干  
鳥棲曲  
山庭樹鳥夜棲爲誰亞亞枝上啼啼落空山茅閣月寒  
闌杵婦砧聲歇啼到楓潭古寺霜幽人欲冷芙蓉裳舊  
來鳥夜棲宮殿此時宮樹休多戀秦樓彈不近山阿幽  
桂高棲將奈何一枝若近城南宅城頭老鷓恐相迫還  
應獨樹山中棲啼徹山庭霜月低我聽呼雛聲似別應  
是饑將數子切爲此更營巢一枝集成返哺歸山陲

坐令蟋蟀吟  
時序易悲歡物候變涼燠空山凡物動秋哀最是夜涼  
鳴蟋蟀微細啾啾一草虫今古發人幽思同改歲勤溪  
咏唐俗依人寒至歌幽風此物不與豪貴伍寒暄常共  
幽人處初隨短杖野外吟終抱寒衾床下語微軀亦有  
行路情草根壁上勞宵征咽同絲管聲何急啼向勞人  
寐不成有時鬪如角才藻相和自成音律好頗饒氣韻  
壯吟壇誰言促織毛羽小饑人窮淚聽應傷騷客詩樓  
鎖更長直似哀人空四壁時來伴我吟西堂

次韻和倪臣北除夕見懷

十年俱汗漫昨臘獨遲歸儒術謀身拙時情觸願違賴

君存友道爲我念慈幃楊柳依依日征人又客淝倪詩云有

髮冷重幃

龍門

龍闕真形勝神功疏鑿存巨靈開地軸雙壁似天門

帶伊川水千秋河洛思誰雕石骨徧个个古崑尊

夜渡潁上

舟子貪家路連宵渡潁城水流梁地盡月近故鄉明歸

夜殊來日一帆兼數程曉驚楓色改紅葉照船行

好鳥

好鳥住溪樹時啼到竹關一枝同俗宅伴我共看山孤

坐吟何苦愁心鬢已斑聽如得良友鳴和破衰顏

山人山夜

山夜雖云寂添來景事漫蛙聲喧兩部鵲語怨千端月

伴松窓卧潮生竹枕寒撩人不成寐詩思亦般般

石上看泉同右臣令子及見帖得泉字

攜客秋溪暮移尊欹石邊杯澄潭似鏡錯和溜如絃映

色滌殘暑聽聲坐暝烟買山容易得少此一泓泉

右臣同子送次兒移館就傅伯醇壻

老去課兒急貧來就傅遲最憐少子意懽傍長公時山

翠堆書帙松風過竹籬杖藜期載酒一潤董生帷

贈印竹杖二首

產自印城遠攜過棧道艱材方涉行路時乃困家山探



勝烟霜幹尋幽蘿  
辟斑看君瘦骨相  
只合倚柴關  
本以孤修性偏多  
扶策功幽棲憐伴  
少動履喜君同握  
手如良友攀崖當  
小僮更逢得句好  
呼共入林叢

山窻看梅憶井公  
庭前綠萼初放却  
寄瘦萼應如豆幽  
光想映筠姿尤殊  
素玉格欲占青春  
高咏喧東閣分香  
滿四隣山窻零落  
意慙炤白頭人

立秋日得孫喜賦

木葉庭初下蘭芽  
忽吐枝貧添孫可  
美老得爾誰期前  
武高曾在袁宗門  
戶宜秋風吹短髮  
強飯爲舍館

秋圃詩

先人餘舊業老圃  
稱幽居身託長鏡  
日家棲十畝廬農

登無稼穡水落乏  
樵漁入口逢秋事  
生涯仗圃蔬

勗幼兒夜讀

衰叟那須火愁荒  
兒子書髻年惜歲  
月殘漏補居諸園  
木叫山狄溪梁鳴  
夜魚青燈良可念  
稚齒莫教虛

臘霽

山家逢臘霽人亦  
稱心情卒歲宜冬  
曠占霜得曉晴寒  
飈依樹息暖日到  
堂生老病無薪炭  
逢暄覺體輕

東瑤若訊子鳧宦况

爾弟之官後歸鴻  
有報書素心聞復  
爾清政近何如花  
署開樓萼春風送  
客裾錢塘江上水  
好爲寄雙魚

李仲山過樅邱論詩竟夕

前集卷之三  
惛陰亭一宿到卽共論詩家在魚鹽市人歌蘭芷詞疎  
狂真我輩風雅足人師直結滄洲伴聯吟倒接羸

我來

我來山郡裏鎮日未看山懶自著雲屐從僧閉竹關砌  
花同鶴定林果任猿攀尚少風霜色那先到客顏

不寐

秋漏聽難盡月窓開不扇鄉愁千斛滿客夢四更醒盡  
室舖無火羈人鬢已星最憐雙白眼覷著佛燈青

夜權

幾過佳勝處不辨好溪名所喜近家權能兼兩日程疎  
簾寒月皎子夜細歌清連夜難成寐鄉關路有情

江上

夜雪每朝霽陽回客路多沙晴落鴻鴈江暖曝龜鼉臘  
是山堂盡人從汀岸過歸帆及春草生事在烟蘿

正月二十日過姑孰喜晴

春晴占廿日客裏欲蠲愁雲靜天門白江平采石流風  
清多雁字浪暖見鳧游又是蕪陰綠青帘颺酒樓

日枕

再宿天門邑愁多寐不成酒醒憎僕睡思亂入詩清春  
草重芳客家山一日程難占風信轉日枕大江聲

立秋夜月

不耐薄寒意每驚秋氣生乍看今夕月便異管時明隣

樹葉初下墻瓜垂欲鳴娟娟如水色照我舉家清  
立春日寄懷方周臣

袂分旬日後春到郡城中江帶冰含綠梅添日綻紅惜  
無湖嶺伴同醉院樓風君問遊囊事新詩欲滿筒

八日飲猪山諸從

人日剛逢霽家山遊有情晴烘驢背暖風過杖頭輕野  
圃新蔬綠柴門春釀清題詩共宗族可當草堂賡

東陳越樓樞部山房

僻巷藏山閣雙扉畫不扃逸檐抽笋綠凭几受峰青字  
有奇堪問車無客敢停可容老藤杖吟過聚星亭

屢訪方臣梅快晤

舊侶尋難覯惟君訪便逢眼青知俠骨鬚白見詩容探  
篋評兒課開尊接友筇幾期西郭外吟上最高峰

喜右臣遊章閩歸

閩處美官物我昔放舟廻君念山中侶歸分嶺上梅橘  
盤銜綠茗瓷盃試新醅如載曾遊客看花又一回

冬月

爲愛寒崑月開扉一徜徉映溪明似晝看地白于霜素  
影疎橫樹清輝煖入裳祗愁照鳥鵲空繞北山堂

僧簷晚坐

幾回鏡月又如弓羈客渾將久定同石几紋分苔砌綠  
海棠花映紫薇紅漸看秋氣方移暑最愛雲簷恰受風

潦倒雙裾何處曳塵膺慙對虎溪公  
除夕同仲弟大年從弟延年暨諸兒姪侍慈宴  
幾年柏酒對酸辛對酒今宵未厭頻所喜脊令來海瘴  
又逢萱草入庭春吾家寶樹看猶茂此座椒盤不謂貧  
謾說歲除催白髮弟兄俱已白頭人

侍養

從邀造物恩波少獨荷堂前杖履安鮮我有生空自惡  
奉親無祿總輸權客憐草具還炊饌兒畏含飴亦減餐  
珍重貧家惟色養故將斑綵慰衰殘

送爾止還蛟臺

一城秋色恣君攀秋色方濃人又還尊酒醉殘陶靖節

林園題徧白香山共推蘭館騷壇壯終愛蛟臺釣艇閒  
我亦相尋霜夜權江楓汀水照人顏

尊公玉峽先生  
有奉蘭館詩集

客况奉東徐錫餘先生

先生風烈在林丘賤子多慙汗漫遊只擬楊公貪說項  
漫教王粲又依劉侯門已厭三千缺夜雨將寒七月裘  
賴喜舊登徐孺榻肯令滯客感悲秋

歸到

故園只隔百千里歸到經來四五旬人自半年渾得老  
家緣長缺更添貧尊鱸勝事他鄉盡柴米愁緣此日新  
空橐不慙妻子輩慙無一物奉慈親

鄖城西郵夜泊

青眼 卷五十二  
停橈初望遠峰清喜趁東風過郾城新月柳高弓似曲  
晚河潮落鏡如平怪禽曠野啼空夜異地孤舟警客情  
一枕齁齁憎僕睡篷窓何處聽鷄聲

懷古槐上人

桐陂秋水漲芙蓉遙憶西堂鳴午鐘來日尚分香積飯  
經時不共虎溪筇新詩明月吟多興老笠晴雲到幾峰  
爲愛故園風日好黃花歸對話南宗

歸興

半老人爲生計苦暮秋天滯客途窮木樨雨重于梅雨  
寒露風淒似朔風鄉思渾隨南去雁羈人不耐夜吟虫  
好將歸興謀驢背幾向河干見蓼紅

將之濟河留別右臣時右臣亦將發漢陽之權  
好水好山雲樹層與君只合卧憑陵却緣人口饑驅出  
敢憚長途溽暑蒸游宦齊梁雖至友行擔瓢笠似孤僧  
不如漢水看花客一葦乘潮羨獨能

陶市觀集

開關少長蚤闐呼也逐陶人到市衢布粟如隨烽堠至  
婦姑都駕犢驢俱官筵期亦逢常集旅糴貧猶辦宿厨  
只少江鄉魚米味秋風未起憶尊鱸

歲晏東右臣南蔭兩同志

卧龍吟日不辭貧祇爲居雙傍德隣世法相期寧作我  
生涯未免共資人山幽欲盡庭前臘歲晏誰閒客裏身

都信草堂寒徹骨也應香送玉梅春子居與二倪俱近卧龍寺

同舍弟西厓訪厥中大師江樓茶話

吾師高坐此團瓢接引雙筇過石橋說偈花飛江閣雨

煮茶濤應海門潮到來識想根應淨尋去人天業未遙

浪觸機鋒求指撥可令頑石長靈苗

雪卧

山妻曉啟白窓紗瞥見庭前六出花喜兆麥禾稱瑞物

愁將薪炭問人家老慵壩上吟梅興才盡堂中咏雪葩

只學袁安饒勝賞竹床高卧作生涯

生事

鎮日山中巾櫛除幾番清夢穩吾廬綠陰堪俗分隣樹

斐几能移讀我書雨足時鋤半頃豆烟深常釣一溪魚

許多自愜幽棲興誰道幽棲生事疎

與右臣鑿山看瀑

荆榛遮瀑隱噴阮與子披尋路極難伐木引流靈運事

沿亭留竹子猷看眠雲石上飛泉白燒酒山根拾葉丹

却笑兩家兒失學儘饒勝具闢崑巒

蜀藻招同井公飲石經齋

一代名聲屬爾曹石經齋裏見風騷書連床上詩連閣

梅作花初竹作濤良夜家筇吟不盡草堂霜月坐來高

奉輿侍母多潘岳裁賦今猶少二毛太夫人有松聲閣集

山堂不寐

耿耿雙眸綠底因山堂一枕百愁新朔風鳴水水鳴閣  
寒月照窓窓照人偈不荒茅非我有衰殘敗絮仗兒親  
中宵聽徹無更漏直訝今朝失旦晨草堂課民坐來高  
一介首夏寓僧舍  
已從客裏卸芳華首夏清和景却嘉野麥黃先報秋色  
院榴早可續春花濃陰祇樹鷓偏轉長晝僧床雀更譁  
忽聽江邨農唱發遊筇何事不還家

寒岩白日下西陲老桂堂紅楸柚時舊甕恰添新酒熟  
黃柑也當紫螯持孤邨剪燭難逢友萬古銷愁喜傍兒  
醉起婆婆呼驥子老夫一爲唱新詩

懷左侍御三山方中丞仁植兩先生  
高卧桐山兩鄴侯天門相峙砥江流師中元老懷方叔  
柱下刑書傳左丘文獻兩三朝事業風騷七十度春秋  
長宜雙傍少微側望嶽年年上客樓

一貧  
范叔雖寒陶令饑疇云類我一貧時家看種秫田何在  
人並綈袍贈者誰節候已過春曙早生涯猶作歲邊遲  
山堂送臘無餘物只釀松花酒一卮

雪竈

飛溪三尺雪花天偏擁山扉冷竈前白有千重封屋瓦  
黔無半突動厨烟婦炊秔米堆難掃力採樵蕪凍不然

却想袁安底高卧也因懸釜縱朝眠

入秋生事天

天高曠恒易生愁坐使生涯感百憂借宅人悲巢燕去

無衣客畏火星流荒莊地澗遲秋歛長缺風颺戒客遊

乞食叩門無一策肯同涼月卧龍湫

小春題大見新移宅

市幽仍只如山隱此地洵宜更築廬喜汝借來三徑宅

待予移作半年居堪尋諸弟重酬句好弄雙孫又授書

春到阿翁方出谷先來須種小春蔬

卧病不寐

白頭患暑百憂并秋漏初長夢不成皎月無情照河漢

啼虫有意傍簷楹炎威未退肝猶怒金氣方乘肺肯清

內熱人逢枯旱日誰將七發問枚生

訪方還青城居

題輿客亦傍墻東類我東臯田叟風門外柳歸陶令早

堂前松傍杜陵同曾尋別墅春山綠還訪高城落葉紅

短杖相期纔數里好收秋色貯詩筒

還青自署四松主人

同雲谷右臣暨次兒飲陳良賡書齋有懷姪壻齊

念修

城隅深柳啟書扇聞道陳家聚客星石磴茶芽浮砌綠

花闌匏口照箱青共吟東壁三春句誰點何年此座經

却憶吾家才逸少墨池染徧舊黃庭



徐莘叟太史嘲我苦吟荅之

問我何年據槁枝袖穿髯斷信情癡  
右丞意愜偶然作工部篇多漫興詩  
瘦衲自憎敲夜月枯筇共笑落吟眉  
總輸金馬人題咏三昧揮毫匪所思

戲題雙孫

庭前喜弄兩孫枝老矣生涯恨汝遲  
九歲丞應預玄草七齡須早學人師  
休將爾祖才名似好把高曾事業期  
笑問何時解烏哺衰翁貧漸少含飴

借宅呈黃墅鹿莊兩主人二十四韻

美兩貴公子結廬芳草邊村通諸浦  
外家隔一峰巔沃土黃公最幽居  
白鹿偏帆同湖上過月共嶺頭圓  
德宿

分東井山陰泛小船人俱裘馬客韻盡竹林賢  
我亦憎喧市時將學種田老宜親稻隴貧久負花天  
每過漁樵地思潛草木年里多招隱客囊乏買山錢  
興盡于蒲柳情深在陌阡女蘿忻有附荆樹得相連  
無計營三徑應來僦數椽宅攜湖浦晚隣仗友曩先  
不借園林住終無丘壑緣一裘原我共半榻爲誰懸  
賴倚樓中萼權尋社裏蓮從茲聯夜話穩得共衾眠  
也種亭前竹還春廡下烟聲求鳴鳥侶詩頌脊令篇  
雨過石龍爽春深查嶺妍  
趣青巒載酒聽綠樹啼鵲君擬相如賦予書楊子玄  
三星如可聚題徧好林泉

湖上感賦三十韻

音耶居形卷五十三  
越會佳山水頻來興不饒生原無勝具分亦各游船此  
日重爲客王師到正驕鳳山開雁塞石鼓振鉦鏡湖占  
秋容媚堤收春色燒雪橋連毳幕雷日落紅綃荷葉吹  
笳笛鐘聲雜斗刁鶯驚烽燧轉魚避熏旄跳片月垂潭  
冷雙峰插漢遼賢王緡翰簡虎帳集團瓢操每揮虞瑟  
官還類漢朝青樓全失艷金屋不藏嬌守令爲芻牧監  
司作大庖移師多惴慄駐節有逍遙懶去征閩嶠偏留  
看浙潮是峰峰立馬只夜夜停橈望已心全悸聽來魂  
欲消更誰酣月夕何處宴花朝勝地原歌舞遊人自寂  
寥雲天方黯黯風雨又蕭蕭樹盡寒吳岫烟空鎖六橋  
僧堂敲竹葉客路濕芭蕉鞀鼓正嗚咽愁霖重沈溲炊  
淨柔櫓更須搖

途中雜咏

未盡三秋穡已驅雙駕耕我來穫麥地又見麥芽青

東行途中口號

不思市隱懶緘關百里湖鄉縱往還但有青峰堪送目  
也將行路當看山

湖村咏雪

一夜平飛湖上雪原村都不辨塵埃山疑羣玉千峰壁

樹盡南天五嶺梅

舟次遇暴客

竊國由來勝竊鈞河山掩取盡封侯君今也是長貧命  
遇我寒舟一敝裘

病中感咏二首

先生貧也非病也誰解長貧是病因薄俗不勞人問病  
窮鄉只畏鬼啗貧

百慮銷除一鵠支閒心只可對鸕鷀也知病苦緣詩瘦  
併學山人不賦詩

子夜鄉思

括蒼中夜惱風烟一枕僧床睡未便路近有猿無雁地

人眠雨少瘴多天

賦得寒山夜雨聲東蔣丹崖廣文二首

也隨東觀書聲亂更送西堂客枕愁似夜閣啼猿淚未  
勝空林落葉聲無

此聲舊說催詩好更想聯床一賦詩好待人歸舊山夜  
話君同聽瀑泉時

曙舸鄉思

河曙篷窻猶客夢岸邊早已聽鶯聲渾如綠樹家山裏  
喚起雙柑斗酒情

秋原

人歸恰喜在秋中馬首秋原望不窮蕎麥香浮如雪白

柿園葉落似花紅

江上游思

鳳水春池吟碧草海門夏木聽黃鸝莫令花鳥家山盡  
起入長途送酒卮

深夏

幽居景事原非寂深夏幽居開更多晚水蛙齊喧鼓吹  
曉窻鶯早弄笙歌

秋中遣興二首

人事漫嗟太蕭瑟乾坤蕭瑟氣逾高山寒轉聳千峰翠  
潦涸還生八月濤  
寒草碧如芳草綠秋花爛若春花明物經遲暮芳菲在

人老也應春更生

憶杜鵑

綠陰窻外鳥聲齊已變鳴禽夏木低却憶幾時春忽盡  
鳴禽猶少子規啼

寒食羈愁

旅况方寒古寺天不逢風雨也凄然朝來冷竈誰生火  
舊俗無勞說禁烟

秋盡

客賴秋光好咏遊金風忽盡白蘋洲今宵謾上西樓卧  
嶽頂晨鐘不是秋

汪啟齡

字大年號西厓端簡公之仲子也天崇間與周農父岐方爾止文相唱和宰海康開建兩

龍江渡  
縣皆有聲跡石埭姚六康明府嘗有詩贈之云清  
心每愛梳榔林貧素不持鴟鴞視蓋實錄也順治  
辛卯挂冠歸里石倉曹能始先生選十二代詩乘  
嘗采其詩入集中太粵有歸來辭里居有田園三  
集崇禎末曾破產脫兄于難又設粥  
饋于路活饑民里人以好義歸之

龍江渡

日沒古渡頭人烟四望起田家晚獲畢蘆橋成村市鷄  
豚放不收牛羊半在水天寒荒野外征夫嘆短晷飛鳥  
夜各歸初月升如駛暝黑奚所投孰念流離子

封川感舊

萬里獨間關扁舟復往還亂流空咽石斜日又銜山鳥  
度重雲外花開曲磴間何時方稅駕作客老容顏

康州感懷

生兒今八歲有妾已辭房永訣何由見中懷常自傷羅  
衫空疊匣寶曆罷臨粧千里思鄉夢時時返故鄉

閉門

終日無車馬閉門深巷中一庭初過雨四壁亂鳴蛩薄  
靄收殘霽疎林送晚風能無感蕭瑟不見北來鴻

馬孝廉故居

別後夢常見重來人已亾忝知慚鮑叔思舊賦山陽井  
徑秋風冷銘旌夜雨荒題詩猶在壁不忍上君堂

獻歲

獻歲方三日離家已七年丹崖思皖嶽綠水夢樅川又  
發庭前柳應荒郭外田候門憐稚子鎮日望歸船

汾上春望

穗城初定後，猶自滯孤身。  
倦作他鄉客，難歸故里人。  
風吹溪際雨，花落海邊春。  
桐子雲霄外，登高倍愴神。

又過南安郡

孤帆趁早揚，庾山千轉盡。  
潁水一支長，舊主人何在。  
曾遊處已忘，劫灰光景換。  
舉目轉淒涼。

抵家

隣叟驚相見，離家已十霜。  
薦瓜當稔歲，懷橘奉高堂。  
兒女看來長，田園別後荒。  
生還有今日，親故半凋亡。

雪臺偶題

臺下水滌迴，輕浮野鶩來。  
香風初拂袖，花影已侵苔。  
和

客詩千首分僧茗，一杯春風不可待。  
雙鬢暗中催。

贈齊泊菴郡丞

司馬擅才名，何年樂宦成。  
詩吟工部細，琴操伯牙清。  
叢竹應棲鳳，雙柑好聽鶯。  
舍旁新闢徑，裹仲肯相迎。

悼齊氏長女二首

吾女閨中秀，聰明早出羣。  
及笄遵母恪，執帚奉姑勤。  
已健持門戶，猶工刺繡紋。  
暮年毛裏痛，哭罷有誰聞。

自汝歸齊氏，辛勤廿六春。  
雖爲名閨婦，能食舊家貧。  
永訣無今日，柔腸折老親。  
一雙兒與女，俱尚未成人。

趣次兒東莊刈稻

山塍秋穫早，賴爾督家僮。  
縱值西成稔，何曾樂歲豐。  
征

徭無可應糶糶苦難通一室仍懸磬長嗟杆軸空  
過楊處士嶰谷溪居

對酒君思我穿籬我訪君山梅初放艷林鹿自成羣臘  
雪添河水齋鐘隔嶺雲一尊傾倒後落日有餘曛

飲倪代南妹夫東閣入山却寄  
樓頭春色近梅柳半含姿乍領言如屑翻憐鬢若絲  
甥呼繞膝謝妹勸盈卮一別山城遠相思但寄書

再過十洲大師慧山方丈

石路入烟叢重來謁遠公驢鳴春草綠鴉噪夕陽紅  
浪浮塍水松濤響殿風到來心地靜塵慮已先空

夜坐

擁坐貪爐火挑燈夜不眠一身供老病萬事付流年  
哀角鳴重堞悲鴻唳遠天有孫知笑語猶得動人憐

東楊五處士

交情非世態白髮兩山翁居處田園接年庚老大同  
采蓮吟沼上看菊醉籬東猶喜俱強健風塵厭轉蓬

秋懷詩二首

伐木開新圃誅茅葺敝廬秋陰生石薜夜雨長園蔬  
萬慮皆輸酒一生惟癖書鹿門深謝客來往有曇如  
吟風來柳下翫月到池邊虫響新秋地鷄棲欲暮天  
厭青留紫竹愛白太紅蓮忙少閒多日生涯足靜便

吳興邸中夢潘蜀藻過予草堂

夢君親見在小館頗清閒顛倒衣裳出綢繆觴咏間人  
來穿竹徑客去掩柴關驚醒鷄鳴後身猶滯越山

自卜東坳住年來也避喧花紅迷蝶夢柳綠引鶯言草  
底魚苗長簷牙燕子翻春風看一度寂寞杜柴門

雙鷗

主人池館內閒煞白雙鷗款款沙邊宿輕輕水上浮雌  
雄相唱和矰繳免驚憂早有忘機樂真堪共我遊

孫艾菴見惠竹椽賦謝

小築逐年葺新添屋較寬竹椽煩遠致蓬戶賴粗完結  
構功非易落成心始安東籬栽有菊釀酒待君看

笑鄧顛厓

廿載髫齡友相看泥與雲十年爲記軍一旦去修文漢  
水分魚陣衡山失雁羣祝子搖落候秋颯不堪聞

露坐

日落四山靜村墟各掩扉鷗藏沙際宿螢照水邊飛簷  
敞月先上天空星乍稀坐深清露重體瘦欲加衣

嘗家醞

杜康傳法舊焦革得方新蒸秫教妻釀成筍漉我巾滿  
瓶封臘味小酌逗香春移向秋籬下花間醉一巡

訪隱居不值

柴扉常獨掩石壁挂胡琴白雪諸松性青山稱鶴心露



光滋菊蕊霜色染楓林自斲黃精去雲深不可尋

過胥江懷韓年丈

胥江烟樹冷淒淒愁鬢那堪聽鼓鼙九月霜深盧橘熟  
千山日落鷓鴣啼櫓聲搖月過高峽雁影連天下遠溪  
回憶故人攜手地詩成浮白醉如泥

留別方爾唯

羊城五月荔枝秋我賦歸與君尚留萬里尊鱸心政切  
一場蕉鹿夢何求漫嗟書劍殊方苦且喜烟霞夙願酬  
此去故園香稻熟黃鷄白酒思悠悠

峽山寺

梵王高閣倚雲開四面峰巒擁泐臺江月不隨流水去

天風直送海濤來山僧入定玄猿嘯佛殿敲鐘白鶴回  
自覺塵心方外息蒲菴老衲共追陪

宿中站

遙望雲溪鎖翠微停車山口落殘暉杜鵑啼血和烟叫  
燕子銜泥帶雨飛驛路漸荒芳草歇鄉心先伴塞鴻歸  
可憐金錯囊垂盡念我何人更解衣

雪臺新成

小徑新開掃薜蘿一磐穩寘在山阿已堪學釣尋漁父  
兼可參禪寄鳥窠雪積石餘寒色重夜沉臺受月光多  
溪邊坐聽灘聲鬧忘却愁懷與病魔

田舍即事

編竹爲牆弱蔓纏野塘半畝復通川移家舊有平泉石  
督豎新耕下溟田水底峰巒懸影倒枝梢秋月露光圓  
偶然睡起尋書讀剛得毛詩小雅篇

雪朝閒題

中庭一尺曉堆鹽僵卧袁安乍卷簾欲拂烏巾尋竹徑  
懶扶鳩杖下茅檐交親眼底年年少老病身中日日添  
百事俱拋餘一事獨將詩律倍加嚴

移居東村

欲買青山愧乏資雙峰尚有舊茅茨數椽重葺攜兒住  
半榻殘書守父遺鴨脚葵烹堪佐饌麈牙稻穫足充饑  
齒過花甲人將老歛跡歸田悔已遲

人姚明府六康署中晤姜鐵夫不值  
多年自分守林丘偶因人漫出遊雪糴不辭來訪戴  
花封且欲暫依劉論文白晝空惆悵對酒青山少唱酬  
翹首鳩茲何處是暮雲春樹思悠悠

自贈

葦茅乘屋在東峰來往田間曳短筇多歲心灰朝市事  
經時跡混牧樵蹤排堦玉立千竿竹倚宅龍蟠二古松  
自贈西厓汪處士安貧樂道頗從容

白雲丁未陽月六十初度二首

忽驚鬚鬢白于銀擾擾塵寰六十春已分草茅爲野叟  
久將鍾鼎讓賢人三間敝屋新重葺數畝荒田舊盡營

骨月團團猶健在，蔬盤藥醞未全貧。  
道傍築室不妨癡，漸喜昇平與老期。  
黃菊籬邊吟靖節，白雲堆裏卧希夷。  
柴桑甲子無人識，澤畔庚寅祇自知。  
從此餘齡皆我有，不教痛飲即刪詩。

聞韓子久除長典令，却寄半符符字新。  
嶺表分攜憶所歡，江天雲樹路漫漫。  
寄書皆付洪喬去，有夢知憐范叔寒。  
訪舊定應勞馬首，念貧或不吝猪肝。  
自聞茂宰除官後，時向妻兒說識韓。

詠懷

向長今已畢婚姻，宜賓林泉作散人。  
酒後放歌逢令節，花時翫賞屬閒身。  
劉楨幸免三春病，司馬何妨四壁貧。

憂喜榮枯俱不問，綠陰潭上且垂綸。

閒居雜詩

入戶山光展翠睂，當軒水色湛漣漪。  
龍蟠舊植松飛子，玉立新栽竹產兒。  
簷鳥每窺花近客，家僮時洗硯臨池。  
三春幸免維摩病，日料詩篇與酒卮。

龍眠訪友不值

花飛流水鳥啼林，有客招搖入碧岑。  
石髮毵堦青滿路，笋牙穿徑綠分陰。  
空齋晝永仍常掩，去轍雲溪難更尋。  
料得山中高士返，知予興盡亦行吟。

初夏閒居

溪居地僻自幽遐，誰識柴桑處士家。  
依檻高堆青石筍，

平池新放白蓮花徐徐入戶風聲細悄悄臨關月色餘  
每一拍浮成小醉樵青竹裏會煎茶

覽齊念修壻詩

開箱偶揀寄懷詩詩句中多絕筆辭獨有傷心人不識  
細看掩淚我先知北邙夜月猿啼後南郭秋風蝶夢時  
嘉樹軒前殊冷落從今不忍見孤兒

南村春遊

芒屨緩踏忘程遠藜杖輕扶與老宜巧婦巢藏人不見  
杜鵑花發鳥先知繞身水似黃金帶迎面峰如翠黛簪  
借問誰家桃李盛行來一步一題詩

山居雜咏

門巷蕭條長綠苔何人題鳳又空回鳥銜荔子過墻去  
蜂趨薇花入苑來

聞杜鵑

枕角初聞杜宇驚聲聲啼徹月三更不知底事爲誰怨  
血染山花到處明

石埭遊拈花菴

郭西精舍少人知門對青山花滿枝犬吠籬根僧出定  
客來剛是焙茶時

歸至十會山舟次除夕

十日江頭五易舟風霜歷盡使人愁石尤留我青山下  
伴兩先人守墓丘

同咏圃梅

偶然遣興句新裁圃內初添一兩梅曲檻客來逢茗熟  
短筇雪後看花開

偶賦

處處花飛又暮春遣懷惟與酒杯親出門我欲尋崔李  
只恐于今少此人

碧浪湖

一帶青山映黛長湖光渺渺泛中央種桑徧野皆成市  
想却蠶春婦女忙

汪遐齡

字延年一字壽人端簡公之兄子也父早喪以遺腹生端簡公愛之如子嘗摩頂激賞以爲必大吾家已而研旬鄉序數踏省門能率父兄之教漸摩問學爲詩孤情絕照亦有簡軒之風自

號蜘蛛墩居士所著有森磊居集伯子峻字夷玉力學有聲與子妹夫張留圮孺同以順治庚寅爲學使者所錄夷玉于六邑中又褒然舉首皆不幸早死而吟篇亦少概見曾南豐豈必以詩名哉

邨家

偶然村路失似溯武陵涯門綠何朝樹園紅百日花居  
民猶土著人語只桑麻便合從田叟耕鋤老歲華

微霰即霽

纔寒冬已去氣候失尋常幾月晴何故新年陰不妨同  
雲因有霰見現不如霜獨此髭髯雪何曾避太陽

讀書非園

地從人境喜能潛掌大園林事事廉但有閒書供眼底  
不將新恨壓眉尖從前身務從今減此歲春光此後添

待到柳鶯嬌鞦韆候也應頻問酒家帘  
從父少叅公客姑孰時有家難賦寄奉慰  
鄉園遙望不勝悲爲誦王風痛黍離多難有家憑集蓼  
全家衛足慎如葵雷峰秋染丹林處姑浦霜肥紫蟹時  
尚喜我公能濟勝招尋好賦簡軒詩

漫成

年華冉冉幾能留生事蕭蕭可自由已與妻兒五口計  
儒兼佛法一門修以持寸念爲持素借剃諸緣當剃頭  
尚有多生餘習氣長吟苦趣未全休

哭內兄蔣子卿民部

峻兒繼舅氏

子卿足下忍辭予四十年交盡子虛孤竹固應嫌食粟

錦囊何遂記樓居祇今無似伊人者此後爭言所著書  
傷矣吾兒如送舅黃泉亦有涓陽與

雜咏

山城城邊鳥暮還攬衣起視開柴關清商欲肅滿林候  
落日一登隨宅山苦竹離離競旖旎甘瓜葉葉交綿蠻  
此際夷猶了何意蟋蟀鳴處西堂閒

改葬內子因念亾兒峻

廿六年惟夢見之啓棺轉憶結禰時難看此日灰餘骨  
猶識當年畫底眉生拔鳳釵爲婦苦歿封馬鬣近姑宜  
因將一語傷心問曾否相逢地下兒

冬日郊行

黓黓同雲渾欲連陰陰微霰自應先河身凍合光逾異  
山頂寒封色倍妍鴉似畫圖蹲古樹鴻成字樣掠青天  
尋梅舊路吾能記策蹇題詩宛去年

圩莊雜咏

掠舟鳧陣霞天太拍水鵝羣暗浦旋芡顆似珠莖似帶  
菱膚如玉葉如錢

燕去

畫梁終日任翩翩哺子喃喃未歇喧一去堂前初冷落  
也如客散孟嘗門

